

悲華經卷第一

北京天竺三藏曇無讖譯

駒

轉法輪品第一

如是我聞一時佛在王舍城耆闍崛山與大比丘僧六萬二千人俱皆阿羅漢諸漏已盡無復煩惱一切自在心得解脫慧得解脫譬如善調摩訶伽所作已辦捨於重擔速得已利盡諸有結正智得解心得自在於一切心得度彼岸唯除阿難菩薩摩訶薩四百四十萬人弥勒菩薩取為上首皆得陀羅尼忍辱禪定深解諸法空無定想如是大士皆不退轉是時復有大梵天王與無量百千諸梵天子俱他化自在天王與其眷屬四百萬人俱化樂天王亦與眷屬三百五十萬人俱兜率天王亦與眷屬三百五十萬人俱夜摩天王亦與眷屬三百五十萬人俱切利天王釋提桓因亦與眷屬四百萬人俱毗沙門天王亦與鬼神眷屬十萬人俱毗樓勒天王亦與拘辦荼眷屬一千俱毗樓勒又天王

亦與諸龍眷屬一千俱提頭賴吒天王與軋闍婆眷屬一千俱難陀龍王婆難陀龍王亦各與一千眷屬俱如是等眾皆已發心趣於大乘已行六波羅蜜

爾時世尊眷屬圍繞為諸大眾說微妙法除四顛倒生善法明得智慧光了四聖諦欲令來世諸菩薩等得入三昧入三昧已過於聲聞辟支佛地於阿耨多羅三藐三菩提無有退轉爾時弥勒菩薩无礙見菩薩水天菩薩師子意菩薩日光菩薩如是等上首菩薩摩訶薩十千人俱即從座起偏袒右肩右膝著地叉手合掌向東南方一心歡喜恭敬瞻仰而作是言南無蓮華尊多陀阿伽度阿羅呵三藐三佛陀南无蓮華尊多陀阿伽度阿羅呵三藐三佛陀希有世尊成阿耨多羅三藐三菩提未久而能示現種種无量神足變化今無量无边百千億那由他眾生得種善根不退轉於阿耨多羅三藐三菩提今時會中有菩薩摩訶薩名寶日光明即從座起

悲華經卷第一 第三段 駒

悲華經卷第一 第三段 駒

偏袒右肩右膝著地合掌向佛而白佛言弥勒菩薩无礙見菩薩水天菩薩師子意菩薩日光菩薩如是等上首菩薩摩訶薩十千人等以何緣故捨於聽法而從座起偏袒右肩右膝著地叉手合掌向東南方一心歡喜而作是言南无蓮華尊多陀阿伽度阿羅呵三藐三佛陀南无蓮華尊多陀阿伽度阿羅呵三藐三佛陀希有世尊成阿耨多羅三藐三菩提未久而能示現種種無量神足變化今無量无边百千億那由他眾生得種善根世尊是蓮華尊佛去此遠近彼佛成道已未幾時國土何名以何莊嚴蓮華尊佛何故示現種種變化於十方世界所有諸佛示現種種无量變化或有菩薩而得瞻見我獨不覩爾時佛告寶日光明菩薩善男子善哉善哉汝所問者即是珍寶即是賢善即是善辯即是善問汝善男子能問如來如是妙義欲得教化無量萬億那由他眾生令種善根欲得顯現蓮華尊界種種莊嚴善男子我今當

說諦聽諦聽善思念之善受攝持寶

思光經卷第一 第四段 終

日光明菩薩一心歡喜受教而聽余
時世尊告寶日光明善男子東南方
去此一億百千佛土有佛世界名曰
蓮華以種種莊嚴而校飾之散諸名
華香氣遍熏寶樹莊嚴種種寶山紺
琉璃地無量菩薩充滿其國善法妙
音周遍而聞其地柔軟辟如天衣行
時足下踏入四寸舉足還復自然而
生種種蓮華其七寶樹高七由旬其
枝自然懸天象染其佛世界常聞諸
天夜樂音聲被諸眾鳥聲中常出根
力覺意妙法之音諸樹枝葉相振作
聲過諸天人五樂之音一樹根所出
香淚過諸天香香氣遍滿過千由旬
其樹中間懸天瓔珞有七寶樓觀高
五百由旬縱廣正等一百由旬周而
欄楯七寶所成其樓四邊有大池水
長八十由旬廣五十由旬其池四方
有妙階道純以七寶其池水中有優
鉢羅華拘物頭華波頭摩華芬陀利
華一一蓮華縱廣正等滿一由旬於
夜初分有諸菩薩於華臺中生結如

跌坐受於解脫喜悅之樂過夜分已

思光經卷第一 第五段 終

四方有風柔軟香潔觸菩薩身其風
能令合華開敷吹散布地是時菩薩
從三昧起復受解脫喜悅之樂下蓮
華臺昇於高樓於七寶座處結加趺
坐聽受妙法其園觀外周而四邊有
間浮檀紫磨金山高二十由旬縱廣
正等滿三由旬山有無量百千瓊寶
紺琉璃珠火珠之明間錯其間
爾時蓮華尊佛以大光明并諸寶明
和合顯照其佛世界其土光明微妙
第一更無日月亦无晝夜以華合鳥
栖而知時節其實山上有紺琉璃妙
好之臺高六十由旬縱廣二十由旬
其臺四邊周而欄楯七寶所成其臺
中央有七寶牀其牀各有一生菩薩
坐聽受法善男子其佛世界有菩提
樹名因陀羅高三千由旬樹莖縱廣
五百由旬枝葉縱廣一千由旬下有
蓮華琉璃為莖高五百由旬一一諸華
各有一億百千金葉高五由旬馬瑙
為鞘七寶為顯高十由旬縱廣正等
滿七由旬爾時蓮華尊佛坐此華上

即於昨夜成阿耨多羅三藐三菩提

思光經卷第一 第六段 終

其菩提華座周而復有種種蓮華有
諸菩薩各坐其上見蓮華尊佛種種
變化
爾時世尊釋迦牟尼說是事已寶日
光明菩薩摩訶薩白佛言世尊蓮華
尊佛以何相貌作諸變化惟願說之
佛告寶日光明善男子蓮華尊佛於
昨夜分成阿耨多羅三藐三菩提其
佛過夜分已示現種種神足變化其
身變現乃至梵天頂肉髻相放六十億
那由他百千光明照於上方微塵數
等諸佛世界爾時上方菩薩不觀下
方眼所緣色所謂大小鐵圍及諸小
山但觀佛光所及世界於諸世界有
諸菩薩得授記若得陀羅尼忍辱
三昧或得上位一生補處是菩薩等
所有光明以佛光故志不復現如是
等眾又手向於蓮華尊佛瞻仰尊顏
爾時惟見三十二瓔珞其身八十
種好次第莊嚴見蓮華尊佛及其世
界種種莊嚴如是見已心得歡喜尔
時如微塵數等諸佛世界中諸菩薩

摩訶薩見蓮華尊佛光明變化及其世界已各捨本土以自神足志共發來詣彼佛所禮拜圍繞供養恭敬尊重讚歎善男子爾時彼佛見諸菩薩出其舌相悉皆遍覆諸四天下行住坐等一切衆生或有菩薩入於禪定從禪定起在大衆中禮拜圍繞供養恭敬尊重讚歎蓮花尊佛善男子彼佛爾時示現如是廣長舌相作變化已即還攝之善男子蓮華尊佛復放身毛孔光一一毛孔出六十億那由他百千光明其光微妙普遍十方一方面面各過於微塵數等諸佛世界彼世界中在在處處所有菩薩得授記已得陀羅尼三昧忍辱或得上位一生補處見是光已各各自捨其佛世界乘神通力皆共發來至彼佛所禮拜圍繞供養恭敬尊重讚歎善男子爾時彼佛作此變化即復還攝為諸菩薩及諸大衆講說正法轉不退輪欲令無量无边衆生得大利益得大快樂憐愍世間為人天故欲令具足無上大乘

悲華經陀羅尼品第二

爾時實日光明菩薩白佛言世尊彼佛世界云何得知晝夜差別所聞音聲為何相貌彼諸菩薩云何而得成就一心行何異行佛告實日光明菩薩善男子彼佛世界常有佛光以為照明以華合鳥如來菩薩入諸禪定師子遊戲其心歡喜受解既樂爾時便知即是夜分若有風吹諸華散地諸鳥相和作微妙聲種種華四方風起香氣微妙柔軟細滑佛及菩薩從禪定起是時彼佛為諸大衆說菩薩法藏欲令出過聲聞緣覺是故得知即是晝分善男子彼佛世界諸菩薩衆常聞佛音法音僧音寂滅之音無所有音六波羅蜜音力無畏音六神通音无所作音無生滅音微妙寂靜音因寂靜音緣寂靜音大慈大悲無生法忍授記之音純諸菩薩清淨妙音常不遠離聞如是音善男子所聞音聲相貌如是善男子彼界菩薩若已生若當生皆悉成就三十二相常身光明照一由旬乃至成阿耨多

羅三藐三菩提終不墮於三惡道中彼諸菩薩皆悉成就大慈心大悲心柔軟心無愛濁心調伏心寂靜心忍辱心禪定心清淨心無障碍心无垢心無行心真實心喜法心欲令衆生斷煩惱心如地心離一切世俗言語心愛樂聖法心求善法心離我心離生老病死寂滅心燒諸煩惱心解一切縛寂滅心於一切法得不動心善男子彼諸菩薩得專心力得發起力得緣力得願力得無諍力得觀一切法力得諸善根力得諸三昧力得多聞力得持戒力得大捨力得忍辱力得精進力得禪定力得智慧力得寂靜力得思惟力得諸通力得念力得菩提力得壞一切魔力得摧伏一切外道力得壞一切諸煩惱力如是菩薩於彼佛土已生當生者即是真實菩薩已得供養无量百千諸佛世尊於諸佛所植諸善根彼諸菩薩以禪味為食法食香食猶如梵天無有美味亦無名字无有不善亦无女人苦受受憎諸餘煩惱及我我所身心苦

慈光經卷第十

卷第二十一

慈光經卷第十二

惱三惡道等皆志無有是諸名字亦
 無黑闇臭處不淨荆棘微惡山陵堆
 阜土沙礫石及日月星宿然火之明
 須弥大海大小鐵圍二山中間幽冥
 之處亦无有雨濁乱惡風及八難處
 悉亦無有此諸名字善男子彼佛世
 界常以佛光菩薩寶光而為照明其
 光微妙清淨第一遍滿其國其中有
 鳥名曰善果聲中常出根力覺道微
 妙之音尔時寶日光明菩薩復白佛
 言世尊彼佛世界縱廣幾何住世壽
 命說法幾時昨夜始成阿耨多羅三
 藐三菩提滅度之後法住久近諸菩
 薩衆在世幾時生彼世界諸菩薩等
 頗有遠於見佛聞法供養衆僧不違
 華世界佛未出時名字何等彼界先
 昔佛日世尊滅度已來為經幾時滅
 度之後中間幾時蓮華尊佛而得成
 道以何因緣於十方世界在在處處
 所有諸佛入於師子遊戲三昧示現
 種種神足變化諸菩薩等或有見者
 或不見者
 尔時佛告寶日光明菩薩善男子如

須弥山王高十六萬八千由旬縱廣
 八萬四千由旬或時有人勤行精進
 或幻化力或禪定力碎破須弥猶如
 芥子過諸之數除佛世尊一切智者
 餘無能知如一芥子為一四天下是
 蓮華世界所有四天下數盡此芥子
 有諸菩薩充滿其中猶如西方安樂
 世界諸菩薩等善男子彼蓮華尊佛
 壽命說法三十中劫滅度已後正法
 住世滿十中劫善男子彼諸菩薩已
 生當生者壽命四十中劫善男子彼
 佛世界本名栴檀清淨好妙不如今
 也尔時世界亦無如是清淨菩薩善
 男子栴檀世界過去先佛出於世間
 号日月尊如來應正遍知明行足善
 逝世間解无上士調御丈夫天人師
 佛世尊壽命說法三十中劫臨滅
 度時或有菩薩以願力故至餘佛土
 其餘在者作如是念今夜中分日月
 尊如來當取涅槃是佛滅已我等當
 於十中劫中護持正法誰能於此正
 法滅已次第得成阿耨多羅三藐三
 菩提時有菩薩名虛空印以本願故

日月尊如來即與授記善男子我滅
 度已正法住世滿十中劫過十中劫
 於夜初分正法滅盡汝於是時即當
 成阿耨多羅三藐三菩提号曰蓮華
 尊如來應正遍知明行足善逝世間
 解無上士調御丈夫天人師佛世尊
 尔時諸菩薩摩訶薩至日月尊佛所
 至佛所已諸菩薩等以禪定力種種
 自在師子遊戲供養日月尊如來作
 供養已右繞三匝作如是言世尊我
 等願欲於此十中劫中入滅盡定善
 男子尔時日月尊如來告虛空印菩
 薩摩訶薩善男子受持此解了一切
 陀羅尼門過去諸多陀阿加度阿羅
 呵三藐三佛陀已為受佛職位諸菩
 薩說如今現在十方諸佛亦為受佛
 職位諸菩薩說未來諸佛世尊亦當
 為受佛職位諸菩薩說所謂解了一
 切陀羅尼門即說章句
 闍梨 闍連尼 摩訶闍連 休翅休
 翅 三鉢提摩訶 三鉢提 提陀阿 叱
 醯多遮 叱 叱 陀羅 卓 迦 阿 斯 摩
 迦 斯 醯 醯 彌 彌 帝 錄 派 派 翅 摩

訶沱派翅 閻移頭閻移 閻移末圻
羶垣 舍多祢伽陀祢阿茂隸 茂羅
波隸閻尼摩羅斯祢毗羅婆祢
目帝目帝波隸輪題 阿毗垣 波夜
無郵祢波羅烏呵羅祢 檀陀毗閻
比閻婆留贊航祢

如是章句破壞外道一切論議攝正
法輪復能擁護說正法者開示分別
四念處解脫法門今時世尊復說
章句

佛陀波加舍移 阿摩摩祢摩摩呵
庶帝頗緹頗緹涅帝羅祢 路迦提
目帝刪提陀隸婆末尼

如是章句開示分別四種聖解脫法
門今時世尊復說章句

波沙緹 波沙祢 陀隸 陀羅波垣
掬垣守毗守婆波垣 祢垣 須摩跋
垣鼻提翅垣迦留郵贊提又移 比垣
憂比又三鉢祢 阿羅翅婆羅地 佉
岐佉岐竭移 阿茂隸 牧羅輪檀左
如是章句開示分別四無所畏解脫
法門今時世尊復說章句
咀頗羅 阿伽頗羅 阿涅頗羅 涅羅

頗羅三目多阿延陀 伊毗持垣毗持
烏頭都羅兜藍阿興三乘 伊提
多婆 阿埵多埵 薩婆路伽 阿茶伽
隸頗陀 阿浮薩隸 陀陀易垣毗舍伽
跋提阿頗邏迦頗藍

如是章句開示分別守護三乘法門
今時世尊復說章句

門陀多安祢醯羅 婆波多驃 伊
墨頗隸尼炎頗隸 三茂檀郵延
毗浮舍 波拖蘇摩兜 阿免摩五
阿鳩摩都 拖陀跋帝達舍婆羅毗
波拖他 志舍涕多 何巨飲摩 庄擊
摩垣 阿路俱 阿提間擊 薩垣末垣

如是章句現在諸佛本所修習開示
分別四正勤法門今時世尊復說
章句

安祢 摩祢 摩祢 摩摩祢 遮隸至
刹帝隸履賒履多毗 鞞帝目帝郁
多履 三履尼三履三履三履又粟 阿
又粟 阿閻地訛帝 賒奎致 陀羅
尼 阿跋伽婆婆斯賴郵婆提 賴
魔波提閻郵婆提 彌留婆提又粟
尼 陀舍尼 毘伽婆提波祢舍尼

如是章句開示分別四無闕辯解脫
法門今時世尊復說是章句
研閱阿婆婆祢舍尼 禪那路伽陀
兜波婆散尼 薩婆因提浮摩垣千垣
薩婆薩婆 婆摩薩婆波也婆又夜
迦隸懼迦隸婆闍尼路伽光達舍那
比婆

如是章句開示分別四如意足解脫
法門
今時世尊復說章句

阿遮隸 佛提陀陀波遮隸 郵尼 札
拏斯提 苦須提 屈屑提 三筆知 波
隸伽薩隸 蘇彌戰提 戰提 阿遮隸
阿遮遮隸 阿波隸 頻枝婆離 祢婆
離 婆遮遮離 波波離 阿郵夜

阿郵夜 阿俾斯 鈞鈞安婆毗祢迦
祢 祢闍斯 伽伽彌 郵由禱

如是章句開示分別一切根力解脫
法門今時世尊復說章句
富羅 帝富羅 度摩波 隸呵隸
阿婆移贊支隸 支迦勒老 阿夜
末兜 帝帝隸摩摩隸手遮尸隸
路伽寫尼閻郵夜又岐醯帝郵遮夜

光明遍照十方過恒河沙等諸佛世

界光所及處無量世界諸菩薩等求

至此會聽受解了一切陀羅尼門并

及此界所有無量欲色界天和合聚

集復有諸龍夜叉阿修羅人非人等

皆來欲聽解了一切陀羅尼門若菩

薩聞解了一切陀羅尼門已即於阿

耨多羅三藐三菩提而不退轉若有

書寫其人乃至無上涅槃常得不離

見佛聞法供養眾僧若能讀誦諸惡

業等永盡無餘轉身受生即過初地

得第二住菩薩摩訶薩若能修行解

了一切陀羅尼門所作五逆重惡之

罪悉得除滅第二轉生即過初地得

第二住若無五逆即於此身所有重

業永盡無餘轉身即得過於初地得

第二住若其不能讀誦修行於聽法

時以諸繒綵奉上法師者今時如恒

河沙等現在諸佛各於世界稱揚讚

歎善哉善哉即與授其阿耨多羅三

藐三菩提記是菩薩以供養因緣故

不久當得受佛職位一生成就阿耨

得無上定香若華供養不久當得元

上智華若以珍寶供養法師不久當

得三十七助道法之寶善男子若有

菩薩能解了是陀羅尼者得大利益

何以故此陀羅尼門能開示分別一

切菩薩諸法實歲以是持故令諸菩

薩得無悶辯四適意法善男子日月

尊如來為虛空印菩薩說陀羅尼門已

今時大地亦六種震動亦有無量微

妙光明遍照十方無量無邊諸佛世

界見諸佛剎地平如掌

今時會中亦有無量菩薩摩訶薩悉

見十方不可稱計諸佛世尊是時十

方無量無邊諸菩薩等各各自於已

世界沒忽然來至拈檀世界見日月

尊佛禮拜圍繞供養恭敬尊重讚歎

皆欲聽受是陀羅尼門善男子今時

彼佛告諸菩薩善男子我今已聽汝

等若是一生補處於十中劫聽入滅

定其餘菩薩應十中劫從虛空印菩

薩摩訶薩受此陀羅尼門菩薩法歲

隨受持法得見十方無量世界所有

今時會中有諸菩薩得種種自在師

子遊戲者以種種供具供養彼佛作

供養已白佛言世尊是虛空印菩薩

摩訶薩過十中劫成阿耨多羅三藐

三菩提當得轉於無上法輪時佛告

日諸善男子如汝所說是虛空印菩

薩摩訶薩過十中劫得成阿耨多羅

三藐三菩提即過其夜便轉法輪今

時虛空印菩薩摩訶薩成阿耨多羅

三藐三菩提已即過其夜轉正法輪

不退法輪無上法輪今時會中無量

無邊百千億都由他菩薩先從虛空

印菩薩於十中劫受是陀羅尼門者

得不退轉有一生補處當得阿耨多

羅三藐三菩提善男子若有菩薩不

多修學是陀羅尼者於當來世得過

初地上二住位不退轉於阿耨多羅

三藐三菩提決定得是陀羅尼門如

是說已日月尊如來為諸菩薩示現

種種神足變化示現是已為虛空印

菩薩摩訶薩示現都羅延三昧汝得

是定便當得受金剛之身復為示現

悲光經卷第一之三

轉是正法輪夢為諸菩薩說此陀羅尼門汝於今時便為已得如來身分三十二相八十種好亦當放此一切莊嚴三昧光明遍照无量一切世界復於光中得見無量无边諸佛復為示現金剛場三昧以三昧力故雖未坐道場菩提樹下未轉法輪已能為諸菩薩說微妙法復為示現輪騎三昧以三昧力故尋轉法輪轉法輪時有無量无边百千億那由他菩薩當得畢定今時虛空印菩薩摩訶薩聞說是已尋即自知當轉法輪歡喜踊躍興無量菩薩共供養佛作供養已各自入諸樓觀中今時彼佛即於其夜入無餘涅槃時諸菩薩過其夜已供養舍利既供養已各各還入寶樓觀中他方菩薩各各自還本佛世界一生菩薩於十中劫入滅盡定其餘菩薩因虛空印說妙法故滿十中劫得種善根是虛空印菩薩摩訶薩始於昨夜成阿耨多羅三藐三菩提即於今日轉正法輪示現種種神足變化令百千億那由他無量眾生於阿

悲光經卷第一之三

耨多羅三藐三菩提不退轉我今於此說是陀羅尼門時亦有八十那由他百千菩薩得無生忍七十二億眾生於阿耨多羅三藐三菩提不退轉七十二那由他百千菩薩得是解了一切陀羅尼門無量无边天與人發阿耨多羅三藐三菩提心今時會中有菩薩名解脫憍憍白佛言世尊菩薩摩訶薩成就幾法能修集是解了一切陀羅尼門佛告解脫憍憍菩薩言善男子菩薩成就四法則能修是陀羅尼門何等為四菩薩住是四聖種中於麁衣食卧具醫藥常得知足菩薩成就如是四法則能修是陀羅尼門復次善男子菩薩摩訶薩成就五法則能修是陀羅尼門何等為五自持禁戒所謂受護解脫戒成就威儀行防護戒法心生怖畏如小金剛受持修學一切諸戒見破戒者勸令持戒見邪見者勸令正見破威儀者勸住威儀見散心者勸令一心見有好樂於二乘者勸令安住阿耨多羅三藐三菩提善菩薩成就如是五法則能

悲光經卷第一之三

修是陀羅尼門復次善男子菩薩成就六法則能修是陀羅尼門何等為六自修多聞通達無聞見索聞者勸令多聞自不慳怯見慳怯者勸令安住不慳怯法自不嫉妬見嫉妬者勸令安住不嫉妬法自不怖他施以無畏見怖畏者為作擁護善言誘喻使得安隱心不諛諂无有奸詐行空三昧菩薩成就如是六法則能修是陀羅尼門菩薩摩訶薩成就如是相貌法已於七歲中撻略一切陀毗梨章句晝夜六時頭面恭敬一心思惟緣身念處行空三昧讀誦如是陀毗章句即於起時遍念十方一切世界無量諸佛是菩薩摩訶薩過七歲已即便得是解了一切陀羅尼門菩薩得是陀羅尼門已便得如是聖清淨眼得是眼已見於十方如恒河沙等世界在在處處諸佛世尊不取涅槃亦見示現種種無量神足變化是菩薩今時悉見一切无量諸佛無有遺餘以見佛故即得八萬四千陀羅尼門七萬二千三昧門六萬法門善

陸摩訶薩得是解了一切陀羅尼門已復於衆生得大慈悲復有菩薩摩訶薩得是法門已所有五逆重惡罪等轉身便得永盡無餘第三生已盡一切業得第十住若無五逆其餘諸業即於此身永盡無餘過一生已得第十住不久便得三十七品及一切智善男子是解了一切陀羅尼門能大利益諸菩薩摩訶薩若菩薩常念諸佛法身故得見種種神足變化見是化已即得如是無漏歡喜因歡喜故便成如是神足變化以神足力則能供養如恒河沙等世界諸佛得供養已於諸佛所亦聽受妙法聽受法故即得陀羅尼三昧忍辱便還來至此佛世界善男子是陀羅尼門能作如是大利益事損滅惡業增諸善根今時有諸菩薩白佛言世尊我等於過去如一恒河沙等諸佛所聞是陀羅尼門聞已即得復有菩薩作如是言我等已於二恒河沙等諸佛所聞是陀羅尼門聞已即得復有菩薩作如是言我等已於三恒河沙等諸佛所

聞是陀羅尼門聞已即得復有菩薩作如是言我等已於四恒河沙等諸佛所聞是陀羅尼門聞已即得復有菩薩作如是言我等已於五恒河沙等諸佛所聞是陀羅尼門聞已即得復有菩薩作如是言我等已於六恒河沙等諸佛所聞是陀羅尼門聞已即得復有菩薩作如是言我等已於七恒河沙等諸佛所聞是陀羅尼門聞已即得復有菩薩作如是言我等已於八恒河沙等諸佛所聞是陀羅尼門聞已即得復有菩薩作如是言我等已於九恒河沙等諸佛所聞是陀羅尼門聞已即得今時彌勒菩薩摩訶薩白佛言世尊我於往世過十恒河沙等劫時有大劫名善普遍於此劫中是娑婆世界微妙清淨一切莊嚴今時有佛出現於世号娑羅王如來應正遍知明行足善逝世間解無上士調御丈夫天人師佛世尊有無量百千億那由他比丘僧復有不可計諸菩薩摩訶薩恭敬圍遶今時娑羅王佛為諸大衆

說是解了一切陀羅尼門我於今時從彼佛所得聞是法聞已修學學已即得增廣具足如是無量无边劫中有不可計阿僧祇佛我於今時隨其壽命以諸菩薩所得種種師子遊戲自在三昧供養如是無量諸佛我於今時便得於此一佛所種無量無邊不可稱計阿僧祇善根種善根已即得無量大功德聚以是善根故無量諸佛與我授記以本願故久在生死以待時故不成阿耨多羅三藐三菩提世尊惟願如來於今與我受佛職位令得阿耨多羅三藐三菩提今時佛告彌勒菩薩摩訶薩如是如是如汝所說娑羅王佛現在世時汝已得是解了一切陀羅尼法門彌勒汝於過去十大劫中若欲願成阿耨多羅三藐三菩提者汝於今時尋應具足速疾成就阿耨多羅三藐三菩提入無餘涅槃彌勒汝久住生死以本願故所以不成以待時故彌勒我今為汝受佛職位今時世尊觀諸大衆及諸菩薩比丘比丘尼優婆塞優

北九經第一卷 第三六款

婆夷天龍夜又阿修羅羅刹乳閻婆人非人等作是觀已說是章句

帶哆浮弥 檀陀浮弥 曇摩陀浮弥

伽帝浮弥 室帝浮弥 般若浮弥 毗舍羅闍浮弥 鉢帝三毗多浮弥 阿耨

差婆浮弥 阿婆差浮弥 三摩多博差

摩博差浮弥 闍帝又更浮弥 三叔闍叔闍波羅叔闍 毗舍伽達舍婆

帝 毗舍伽帝羅都 羅伽伽 三叔舍

婆多 毗摩帝 瑜波醯羅羅伽摩

阿叱叔羅 婆舍伽伽摩 伊帝朱羅

失帝弥文陀羅 陀呵羅跋帝般若

浮多 阿陀伽弥多婆岳沙縣多

伊羅耶 互羅耶 阿呼薩叱 阿牧陀

牧 阿他婆帝伽樓婆帝 帝醯都

提婆 阿迦都摩帝 婆迦都摩帝

三弥帝毗婆婆地 裨陀婆羅裨陀

婆羅阿羅多羅 拘留沙 兜樓沙

賴摩羅留他多留他 薩婆他 薩

婆他逮 互留他提呵多多醯頗羅

婆眼頗羅 薩婆頗羅 世叱婆提

說是雜十二因緣解脫章句時有六

十都由他諸天見四聖諦亦時世尊

復說章句

北九經第一卷 第三六款

帶頗嵐 阿伽頗嵐 羅羅頗嵐 阿

羅頗嵐 互羅呼羅 婆婆多驟

伊曇頗嵐 互監頗嵐 南無陀藍

毗浮蟻 般若遮伽 阿菟毗地遮迦

闍 互遮迦

說是解脫章句時有一億諸天發阿

耨多羅三藐三菩提心皆得不退轉

亦時世尊復說章句

波拖 蘇摩都 阿菟摩都 阿拘摩

都 鷄陀婆拘 摩哆他陀舍羅 毗跋

跋他 伊呵世鐵多蘇祢摩 蘇帝廟

摩帝 利意 阿路拘 光明 阿提問拏 大黑

說是解脫章句時六萬四千諸龍發

阿耨多羅三藐三菩提心皆得不退

轉亦時世尊復說章句

阿又修跋又修婆沙波易陀都 阿

羅佳婆伽羅厨 迦羅茶叉 悉曇

摩帝三曼多 多阿又婆餘 醯叱

迦路 摩訶婆餘 烏闍陀路陀羅互

醯伽羅 又拘陀又拘婆叉 鞞路布

毗留波目佉 勢帝啞哆 勢帝婆

餘 阿修路比都 修路波摩提

說是解脫章句時十二億夜又發阿

耨多羅三藐三菩提心皆得不退轉

亦時世尊復說章句

阿梯卑 梨離 互帝梯 珊帝梯

伽帝拏 都迦弥 阿藍弥 波嵐弥

阿陀弥 摩陀弥 摩帝弥 珊互阿

守隸 陀羅互 阿毗舍多 薩陀

薩提婆 薩都伽 薩夜叉 薩阿修

羅 提婆都伽 互六帝 蘇婆羅

互六帝羅毗室帝般若般梨跋多

末帝婆利羅毗 伽帝提 帝波利波

羅伽帝提帝羅毗弗婆翅毗闍祢毗

薩遮利畔多 阿毗陀都畔多 首羅

畔陀到羅毗梨耶毗陀毗多毗畔短

毗婆婆祢 末伽文陀毗舍鉢利劍摩

祢又波羅呼 烏呵羅路提羅波都

阿修羅文陀都伽又文陀 夜叉文陀

羅利文陀 鞞提 鞞提弥多卑 多

多卑 烏拏都畔 婆佉提 陀羅互

阿毗舍多提舍首陀互 波翅輪提

耨婆輸陀互 波翅波利羯磨 帝

摩帝伽帝跋帝 伽都波帝 婆羅

都梯提闍耶 遮加輪若陀遮迦

早夜說是解脫章句已五萬六千阿修羅發阿耨多羅三藐三菩提心皆得不退轉

尔時世尊告無所畏平等地菩薩摩訶薩言善男子諸佛世尊出世甚難演布是法乃復倍難是法乃是戒定慧解脫解脫知見之所熏修善男子如是章句能令菩薩威德成就善男子如來本行菩薩道時以布施持戒忍辱精進禪定智慧攝是章句供養恭敬無量无边百千萬億諸佛世尊於諸佛所或行布施或修梵行清淨持戒或勤精進或修忍辱或入三昧或修習慧種種修集純善淨業是故我今得無上智善男子我昔於无量阿僧祇億那由他劫修菩薩道時身常遠離妄語兩舌惡口綺語是故我今得是舌相善男子以是因緣故諸佛世尊所說真實無有虛妄

六十億光明其光微妙遍照三千大千世界地獄餓鬼畜生天人皆蒙其光地獄眾身身熾然者以蒙光故於須臾間得清涼樂是諸眾生即於其前各有化佛三十二相八十種好莊嚴其身尔時眾生以見佛故皆得快樂各作是念蒙是人恩令我得樂於化佛所心得歡喜叉手恭敬

尔時佛告彼諸眾生汝今稱南無佛南無法南無僧以是緣故常得快樂是諸眾生長跪叉手前受佛教而作是言南無佛南無法南無僧是諸眾生以是善根因緣故於此命終或生天上或生人中若有眾生在寒凍地獄是時尋有柔軟暖風來觸其身乃至生天人中亦復如是餓鬼眾身為飢渴所逼蒙佛光故除飢渴惱受於快樂亦各於前有一化佛三十二相八十種好莊嚴其身以見佛故皆得快樂各作是念蒙是人恩令我得樂於化佛所心得歡喜叉手恭敬尔時世尊今彼眾生得見宿命罪業因緣尋自悔責以是善根於中命終生天人中畜生眾生亦復如是尔時世尊為諸天人亦宿世因緣故有無量无边眾生來至佛所頭面作礼却坐一面聽受妙法尔時有不可計諸天及人發阿耨多羅三藐三菩提心無數菩薩摩訶薩得陀羅尼三昧忍辱

悲華經卷第一

癸卯歲高麗國大藏都監奉勅彫造

悲華經卷第二

北凉天竺三藏曇無讖譯

大施品第三之一

尔時會中有菩薩摩訶薩名曰寂意
瞻觀如來種種神化已白佛言世尊
何因緣故其餘諸佛所有世界清淨
微妙種種莊嚴離於五濁無諸穢惡
其中純有諸大菩薩成就種種無量
功德受諸快樂其土乃至無有聲聞
辟支佛名何況當有二乘之實今我
世尊何因緣處斯穢惡不淨世界
命濁劫濁衆生濁見濁煩惱濁於是
五濁惡世之中成阿耨多羅三藐三
菩提在四衆中說三乘法以何緣故
不取如是清淨世界而不遠離五濁
惡世佛告寂意菩薩善男子菩薩摩
訶薩以本願故取淨妙國亦以願故
取不淨土何以故善男子菩薩摩訶
薩成就大悲故取斯穢惡不淨土耳
是故吾以本願處此不淨穢惡世界
成阿耨多羅三藐三菩提善男子汝
今諦聽善思念之善受善持吾今當

駒

說時諸菩薩受教而聽佛告寂意菩薩
善男子我於往昔過恒河沙等阿
僧祇劫此佛世界名刪提嵐是時大
切名曰善持於彼劫中有轉輪聖王
名無諍念主四天下有一大巨名曰
寶海是梵志種善知占相時生一子
有三十二相瓔珞其身八十種好次
第莊嚴以百福德成就一相常光一
尋其身圓足如丘拘盧樹諦觀一相
無有厭足當其生時有百千諸天來
共供養因為作字號曰寶藏其後長
大剃除鬚髮法服出家成阿耨多羅
三藐三菩提還號寶藏如未應供正
遍知明行足善逝世間解無上士調
御丈夫天人師佛世尊即轉法輪令
百千無量億那由他諸衆生等得生
人天或得解脫如是利益諸天人已
與百千億那由他聲聞大衆恭敬圍
遶次第遊行城邑聚落漸到一城名
安周羅即是聖王所治之處去城不
遠有一園林名曰閻浮尔時如來與
百千無量億那由他聲聞大衆止頓
此林時轉輪王聞寶藏佛與百千元

悲華經卷第二 駒

悲華經卷第二 駒

量億那由他大聲聞衆次第遊行至
閻浮林尔時聖王便作是念我今當
往至於佛所禮拜圍遶供養恭敬尊
重讚歎作是念已即便自以聖王神
力與無量大衆前後圍遶出安周羅
城向閻浮林既至林外如法下車步
至佛所到佛所已頭面礼足右遶三
匝却坐一面善男子尔時寶藏多陀
阿伽度阿羅呵三藐三佛陀即為聖
王說於正法以種種方便示教利喜
說是法已默然而止時轉輪王便從
坐起長跪叉手前白佛言唯願如來
及諸聖衆於三月中受我供養衣被
飲食卧具湯藥善男子彼時如來默
然許之時王即知佛已許可頭面作
礼遶佛三匝歡喜而去時轉輪王告
諸小王大臣人民及其眷屬作如是
言汝等知不我今已請寶藏如來及
其大衆終竟三月奉諸所安自我所
用愛重之物諸供養具僮使僕從我
今悉捨以奉施佛及諸聖衆汝等今
者亦當如是捨所重物諸供養具僮使
僕從以奉施佛及諸聖衆諸人聞已

即便受教歡喜奉行時主寶巨於閻浮林中以純金為地於其地上作七寶樓其樓四門七寶所成七寶行樹其樹皆懸寶衣瓔珞種種真珠妙好寶蓋及諸寶器以用莊嚴復有諸香妙寶華果以莊校樹散種種華統絃繒續以為敷具懸諸繒幡聖王金輪於樓觀前懸虛空去地七尺令白為寶在如來後持七寶樹其樹復有真珠繒帛種種瓔珞以用莊校其上復有七寶妙蓋使玉女寶於如來前磨牛頭栴檀及黑沉水用散佛上以摩尼珠寶置於佛前寶珠金輪二光微妙常明遍滿閻浮檀林晝夜元異寶藏如來常身光明微妙清淨遍滿三千大千世界以牛頭栴檀為一一聲聞作諸牀槍一一牀邊牛頭栴檀以為机座一一座後有白鳥寶持七寶樹種種莊嚴亦如來一一座前有玉女寶磨牛頭栴檀及黑沉水散以供養於一一聲聞座前各安置摩尼寶珠其園林中作種種伎樂其園外邊有四寶寶周匝園遶善男子

時轉輪王清旦出城向於佛所既至林外如法下車步至佛所至佛所已頭面礼足右遶三匝自行澡水手自斟酌上妙餚饌佛及大眾飲食以訖捨鉢漱口時轉輪王手執寶扇以扇如來及一一聲聞時三千子及八万四千諸小王等悉皆供養一一聲聞如轉輪王供養世尊尋於食後有百千無量億那由他眾生入閻浮林於如來所聽受正法亦時虛空中有百千無量億那由他諸天散諸天華作天伎樂以供養佛是時虛空中有天衣瓔珞種種寶蓋而自迴轉復有四万青衣夜叉於栴檀林取牛頭栴檀為佛大眾然火熟食時轉輪王其夜於佛及大眾前然百千無量億那由他燈善男子時轉輪三頂戴一燈肩荷二燈左右手中執持四燈其二膝上各置一燈兩足趺上亦各一燈如是竟夜供養如來佛神力故身心快樂無有疲極譬如比丘入第三禪轉輪聖王所受伎樂亦復如是如是供養終竟三月時三千子及八万四千

諸小王等百千無量億那由他眾亦以妙食供養一一諸聲聞等亦如聖王所食餚饌亦滿三月其玉女寶亦以種種華香供養如轉輪王供養於佛等無差別其餘眾生華香供養亦如玉女供養聲聞無有異也善男子時轉輪王過三月已以主藏寶巨貢上如來閻浮檀金作龍頭瓔珞八万四千上金輪寶白鳥紺馬摩尼珠寶妙好火珠主藏臣寶主四兵寶諸小王等安罔羅城諸小城邑七寶衣樹妙寶華聚種種寶蓋轉輪聖王所著妙衣種種華鬘上妙瓔珞七寶妙車種種寶牀七寶頭目校絡寶網閻浮金鏤寶真珠貫上妙履屣統綖首摩微妙机座七寶器物鐘鼓伎樂寶鈴珂貝園林幢幡寶灌燈燭七寶鳥獸雜廁妙扇種種諸樂如是等物各八万四千以用奉施佛及聖眾作是施已白佛言世尊我國多事有諸不及今我悔過唯願如來久住此園復當令我數得往來禮拜園遶恭敬供養尊重讚歎彼王諸子在佛前坐一一王子

悲花經第二卷 第七次 駒

復各請佛及比丘僧終竟三月奉諸
 所安唯願許可尔時如來默然許之
 時轉輪王已知如來受諸子請頭面
 禮佛及比丘僧右遠三市歡喜而去
 善男子時王千子第一太子名曰不
 眇終竟三月供養如來及比丘僧奉
 諸所安一如聖王時轉輪王曰至佛
 所瞻觀尊顏及比丘僧聽受妙法善
 男子尔時大臣實海梵志周遍到於
 閻浮提內男子女人童男童女一切
 人所求所須尔時梵志先要施主
 汝今若能歸依三寶發阿耨多羅三
 藐三菩提心者然後乃當受汝所施
 時間浮提一切眾生其中乃至無有
 一人不從梵志受三歸依發阿耨多
 羅三藐三菩提心者既令諸人受教
 誠已即便受其所施之物
 尔時梵志令百千億無量眾生住三
 福處及發阿耨多羅三藐三菩提心
 太子不眇供養如來及比丘僧竟三
 月已所奉時觀八万四千金龍頭瓔
 唯無聖王金輪白鳥紺馬玉女藏臣
 主兵摩尼寶珠其餘所有金輪鳥馬

悲花經第二卷 第八次 駒

妙好火珠童男童女七寶衣樹七寶
 華聚種種寶蓋微妙衣服種種華鬘
 上好瓔珞七寶妙車種種寶牀七寶
 頭目校絡寶網間淨金鏤寶真珠寶
 上妙履屐統絳茵蓐微妙机墜七寶
 器物鐘鼓伎樂寶鈴珂貝園林幢幡
 寶灌燈燭七寶鳥獸雜廁妙扇種種
 諸藥如是等物各八万四千以奉獻
 佛及比丘僧作是施已白佛言世尊
 所有不及今日悔過時第二王子名
 曰尼摩終竟三月供養如來及比丘
 僧如不眇太子所奉時觀如上所說
 第三王子名曰王眾第四王子名能
 加羅第五王子名無所畏第六王子
 名曰虛空第七王子名曰善辭第八
 王子名曰泯岳第九王子名曰密蘇
 第十三王子名曰滿心十一王子名普
 伽奴十二王子名摩擣滿十三王子
 名摩奴揆十四王子名摩嗟鹿滿十
 五王子名摩闍奴十六王子名曰无
 垢十七王子名阿闍滿十八王子名
 曰無缺十九王子名曰義雲二十王
 子名曰因陀羅二十一名尼婆盧二

悲花經第二卷 第九次 駒

十二名尼伽珠二十三名日月念二
 十四名曰日念二十五名曰王念二
 十六名金剛念二十七名忍辱念二
 十八名曰住念二十九名曰速念三
 十名曰寶念三十一名羅睺三十二
 名羅睺力三十三名羅睺質多羅三
 十四名羅摩質多羅三十五名曰國
 財三十六名曰欲轉三十七名蘭陀
 滿三十八名羅刹盧蘇三十九名羅
 耶輸四十名炎摩四十一名夜婆滿
 四十二名夜闍盧四十三名夜磨區
 四十四名夜墮珠四十五名夜頗奴
 四十六名夜婆奴四十七名南摩珠
 帝四十八名阿藍遮奴如是等聖王
 千子各各三月供養如來及比丘僧
 一切所須衣服飲食具醫藥亦復
 皆如第一太子所奉時觀種種之物
 亦復各各八万四千因其所施各各
 發心或願切利天王或求梵王或求
 魔王或求轉輪聖王或願大富或求
 聲聞是諸王子其中乃至尚無一人
 求於緣覺况求大乘時轉輪王因布
 施故而復還求轉輪王位是時聖王及

其千子如是供養滿二百五十歲各
各向佛及比丘僧悔諸不及善男子
時實海梵志尋往佛所而白佛言唯
願如來及比丘僧滿七歲中受我供養
衣服飲食卧具醫藥尔時如來默然
許可受梵志請善男子尔時梵志供
養如來及比丘僧所須之物亦如聖
王之所供養善男子實海梵志復於
後時作如是念我今已令百千億那
由他眾生發阿耨多羅三藐三菩提
心然我不知轉輪聖王所願何等為
願人王天王聲聞緣覺為求阿耨多
羅三藐三菩提若我來世必成阿耨
多羅三藐三菩提度未度者解未解
者未離生老病死憂悲苦惱悉令得
離未滅度者令得滅度定如是者我
於夜卧當有諸天魔梵諸龍及夜叉
等諸佛世尊聲聞沙門婆羅門等為
我現夢說此聖王之所志求為求人
王為求天王為求聲聞辟支佛乘阿
耨多羅三藐三菩提耶善男子時實
海梵志於睡眠中見有光明因此光
故即見十方如恒河沙等諸世界中

在在處處諸佛世尊彼諸世尊各各
遙以微妙好華與此梵志其華莖中
見日輪像於日輪上各各悉有七寶
妙蓋一一日輪各各皆出六十億光
是諸光明皆悉來入梵志口中自見
其身滿千由旬淨元垢穢辟如明鏡
見其腹內有六十億那由他百千菩
薩在蓮華上結加趺坐三昧正受復
見日鬘圍遶其身於諸華中出諸伎
樂踰於天樂善男子尔時梵志又見
其王血汗其身四方馳走面首似猪
豕種種豕既豕已坐伊蘭樹下有
無量眾生來食其身唯有骨鏢捨骨
鏢已數數受身亦復如是於是復見
諸王子等或作猪面或作鳥面或水
牛面或師子面或狐狼豹面或獐狍
面以血汗身亦各皆噉無量眾生坐
伊蘭樹下復有無量眾生來食其身
乃至骨鏢離骨鏢已數數受身亦復
如是或見王子須臾那華以作瓔珞
戴小弊車駕以水牛從不正道南向
馳走復見四天王釋提桓因大梵
天王來至其所告梵志言汝今四邊

所有蓮華應先取一華與轉輪王
一王子各與一華其餘諸華與諸小
王次與汝子并及餘人梵志得聞如
是語已即如其言悉取賦之如是夢
已忽然而寤徙卧起坐憶念夢中所
見諸事尋時得知轉輪聖王所願卑
下受樂生死貪著世樂我今復知諸
王子中或有所願卑小下劣以諸王
子有發心求聲聞乘者故我夢見
須臾那華以作瓔珞載水牛車於不
正道南向馳走我何緣故昨夜夢中
見大光明及見十方無量世界在在
處處諸佛世尊以我先教聞淨提
內無量眾生悉令安住三福處故是
故於夢得見光明及見十方無量世
界在在處處諸佛世尊以我教勸闍
浮提內一切眾生發阿耨多羅三藐
三菩提心請實徹佛及比丘僧足滿
七歲奉諸所安是以夢中見十方諸
佛與我蓮華以我發阿耨多羅三藐
三菩提心故是以夢見十方諸佛與
我實蓋如我所見蓮華莖中見日輪
像有無量光明入我口中及見大身

悲花經第二卷 第十三段 願

滿千由旬七寶蓋上以日為飾及見腹中有六十億百千菩薩在蓮華上結加趺坐三昧正受時梵天王所可教勅賦諸蓮華如是等夢非我所解唯有如來乃能解之我今當往至世尊所問其所以何因緣故見是諸事善男子尔時寶海梵志過夜清旦即至佛所飲食以辦自行澡水手自斟酌上妙餽饌食已行水取舉鉢訖即於一面坐卑小牀欲聽妙法尔時聖王及其千子無量无边百千大衆出安問羅城恭敬圍遶向閻浮園到園外已如法下車步至佛所頭面礼佛及比丘僧在佛前坐為欲聽法尔時梵志如夢中所見具向佛說佛告梵志汝夢所見有大光明十方無量如恒河沙等諸世界中在在處處諸佛世尊與汝蓮華於華臺中有日輪像大光入口以汝先於二百五十年中教閻浮提內無量衆生令住三福處復令無量衆生發阿耨多羅三藐三菩提心於今復作如是大施供養如來及比丘僧以是故十方諸佛授汝

悲花經第二卷 第十四段 願

阿耨多羅三藐三菩提記十方如恒河沙等諸佛世尊現在說法與汝蓮華銀並金茉莉琉璃為鬘馬瑙為鞞蓮華臺中有日輪像如是等事皆是汝之受記相貌梵志汝夢所見十方如恒河沙等諸世界中在在處處諸佛世尊現在說法彼諸世尊所可與汝七寶妙蓋上莊飾至梵天者汝於來世當於夜分成阿耨多羅三藐三菩提即於其夜有大名稱遍滿十方如恒河沙等諸世界中上至梵天當得無見頂相无能過者即是汝之成道初相汝夢見大身又見日騁而自圍遶者汝於來世成阿耨多羅三藐三菩提已汝先所可於閻浮提內教無量衆生令發阿耨多羅三藐三菩提心者亦當同時於十方如微塵等世界之中成阿耨多羅三藐三菩提亦皆各各發此讚言我於往昔為寶海梵志之所勸化發阿耨多羅三藐三菩提心是故我等今日悉成阿耨多羅三藐三菩提某甲世尊即是我之真善知識尔時諸佛各自遣諸

悲花經第二卷 第十五段 願

大菩薩為供養汝故諸菩薩等以先所得已佛世界種種自在師子遊戲神足變化而以供養尔時諸菩薩種種供養已於彼聽法得陀羅尼三昧忍辱是諸菩薩聽受法已各還本土向佛世尊稱說汝國所有諸事梵志如是夢事皆是汝之成道相貌梵志汝所夢見於其腹內有無量億諸大菩薩在蓮華上結加趺坐三昧正受者汝於來世成阿耨多羅三藐三菩提已復當勸化無量億萬百千衆生令不退於阿耨多羅三藐三菩提汝入無上般涅槃已其後未來之世當有十方世界無量諸佛法王世尊亦當稱汝名字作如是言過去微塵數等大劫有某甲佛是佛世尊勸化我等安住於阿耨多羅三藐三菩提今不退轉是故我等今成阿耨多羅三藐三菩提作正法王梵志如是等夢皆是汝之成道相貌梵志汝夢所見人形猪面乃至獠猴面以血汗身取種種重已坐伊蘭樹下無量衆生啖食其身乃至骨珠離骨珠已數數受身

者有諸癡人住三福處所謂布施調
伏善攝身口如是人等當生魔天有
退沒苦若生人中受生老病死憂悲
苦惱受別離苦怨憎會苦所求不得
苦生餓鬼中受飢渴苦生畜生中無
明黑闇有斷頭苦生地獄中受種種
苦欲得不離如是諸苦是故安住修
三福處願求天王轉輪聖王或欲三
領一四天下乃至主領四四天下如
是癡人食一切衆生是衆生等復當
還食如是癡人如是展轉行於生死
不可得量梵志如是夢者即是久受
生死之相貌也梵志汝夢所見有諸
人等須臾鄙華以作瓔珞載小弊車
駕以水牛於不正道南向馳走梵志
即是安住於三福事能自調伏今得
寂靜向聲聞乘者之相貌也善男子
尔時寶海梵志白轉輪王言大王當
知人身難得王今已得成就無難諸
佛世尊出世甚難過優曇華調善欲
心及作善願乃復甚難大王今者若
願天人即是苦本若欲得主一四天
下及二三四亦是苦本輪轉生死大

王若生人天皆是無常无決定相猶
如疾風其人貪者樂於五欲心不
厭足猶如小兒見水中月若有願
求在天人中受放逸樂其人數數
墮於地獄受無量苦若生人中受
愛別離苦怨憎會苦若生天上有退
沒苦當復數數有受胎苦復有種種
手相食取奪命之苦癡如嬰兒心不
知厭何以故離善知識故不作善願
故不行精進故應得者不得故應解
者不解故應證者不證故癡如嬰兒
無所識別唯苦提心能離諸苦無有
遺餘而反生獸世間生死數數受苦
而更甘樂遂令諸苦轉復增長大王
今當思惟生死有如是等種種諸苦
大王今者已供養佛已種善根是故
於三寶中應生深信大王當知先所
供養佛世尊者即是末世大富之因
受護禁戒即是來世人天中因今者
聽法即是來世智慧因也大王今者
已得成就如是等事應發阿耨多羅
三藐三菩提心時王答言梵志我今
不用如是菩提我心今者愛樂生死

以是緣故布施持戒聽受妙法梵志
無上菩提甚深難得是時梵志復白
大王是道清淨應當一心具足願求
是道無濁心清淨故是道正直无諂
曲故是道鮮白離煩惱故是道廣大
無障闕故是道舍受多思惟故是道
元畏不行諸惡故是道大富行檀波
羅蜜故是道清淨行尸羅波羅蜜故
是道無我行羸提波羅蜜故是道不
住行毗梨耶波羅蜜故是道不乱行
禪波羅蜜故是道善擇行般若波羅
蜜故是道乃是真實智慧之所至處
行大慈故是道不退行大悲故是道
歡喜行大喜故是道堅牢行大捨故
是道無荆棘常遠離欲恚惱覺故是
道安隱心無障闕故是道無賊分別
色聲香味觸故是道壞魔善分別陰
入界故是道離魔斷諸結故是道妙勝
離聲聞緣覺所思惟故是道遍滿一
切諸佛所受持故是道珍寶一切智
慧故是道明淨智慧光明無障闕故
是道善說為善知識之所護故是道
平等斷受憎故是道無塵離恚微念

悲花經第二卷 第九張 駒

怒故是道善趣離一切不善故大王
是道如是能到安樂之處乃至涅槃
是故應發阿耨多羅三藐三菩提心
爾時轉輪聖王荅大臣言梵志今者
如來出現於世壽八万歲其命有限
不能悉與一切眾生斷諸惡業令種
善根種善根已安置聖果或得陀羅
尼三昧忍辱或得菩薩勝妙善根諸
佛投記得阿耨多羅三藐三菩提或
少善根於天人中受諸快樂是諸眾
生各自受善不善報梵志於眾生
中乃至一人無善根者如來不能
說斷苦法如來世尊雖為福田若無
善根不能令斷諸苦惱法梵志我今
發阿耨多羅三藐三菩提心我行菩
薩道時修集大乘入於不可思議法
門教化眾生而作佛事終不願於五
濁之世微惡國土發菩提心我今行
菩薩道願成阿耨多羅三藐三菩提
時世界眾生無諸苦惱若我得如是
佛刹者尔乃當成阿耨多羅三藐三
菩提善男子尔時寶藏多陀阿伽度
阿羅呵三藐三佛陀即入三昧其三

悲花經第二卷 第三張 駒

昧名見種種莊嚴入三昧已作神足
變化放大光明以三昧力故現十方
世界一方面各千佛刹微塵數等
諸佛世界種種莊嚴或有世界佛已
涅槃或有世界佛始涅槃或有世界
其中菩薩始坐道場菩提樹下降伏
魔怨或有世界佛始成道便轉法輪
或有世界佛久成道方轉法輪或有
世界純諸菩薩摩訶薩等遍滿其國
無有聲聞緣覺之名或有世界佛說
聲聞辟支佛乘或有世界無佛菩薩
聲聞緣覺或有世界五濁弊惡或有
世界清淨微妙無諸濁惡或有世界
卑陋不淨或有世界嚴淨妙好或有
世界壽命無量或有世界壽命短促
或有世界有大火災或有世界有大
水災或有世界有大風災或有世界
劫始欲成或有世界成就以竟有如
是等無量世界微妙光明悉皆遍照
令得顯現

悲花經第二卷 第五張 駒

種種莊嚴是故今應發阿耨多羅三
藐三菩提心隨意欲求何等佛土善
男子時轉輪王向佛叉手而白佛言
世尊諸菩薩等以何業故取清淨世
界以何業故取不淨世界以何業故
壽命無量以何業故壽命短促佛告
聖王大王當知諸菩薩等以願力故取
清淨土離五濁惡復有菩薩以願力
故求五濁惡尔時聖王前白佛言世
尊我今遷城於閑靜處專心思惟當
作善願如我所見佛土相貌離五濁
惡願求清淨莊嚴世界佛告聖王宜
知是時善男子時轉輪王頭面礼佛
及比丘僧右遶三匝即退而去便還
入城到所住處自宮殿中在一屏處
一心端坐思惟修集種種莊嚴已佛
世界善男子時寶海梵志次白太子
不駒善男子汝今亦當發於阿耨多
羅三藐三菩提心如汝所行三福處
者所謂布施調伏善攝身口及餘所
行清淨善業盡應和合迴向阿耨多
羅三藐三菩提尔時太子作如是言
我今先應還至宮殿在一屏處端坐

思惟若我必能發阿耨多羅三藐三菩提心者我當還來至於佛所當於佛前畢定發心願取種種淨妙佛土尔時太子頭面禮佛及比丘僧右遠三市即還而去至本宮殿在一屏處一心端坐思惟修集種種莊嚴已佛世界善男子尔時梵志復白第二王子作如是言善男子汝今當發阿耨多羅三藐三菩提心如是聖王千子皆悉教化令發阿耨多羅三藐三菩提心尔時梵志復教化八万四千諸小王等及餘九万二千億衆生令發阿耨多羅三藐三菩提心一切大衆皆作是言梵志我等今當各各還至所住之處在一靜處一心端坐思惟修集種種莊嚴已佛世界如是大衆一心寂靜於七歲中各各於已本所住處一心端坐思惟修集種種莊嚴已佛世界善男子寶海梵志復於後時作如是念今我教化無量百千億那由他衆生令發阿耨多羅三藐三菩提心我今已請佛及大衆於七歲中奉請所安若我當來必成阿耨多

羅三藐三菩提所願成就者我當勸喻天龍鬼神阿修羅乾闥婆緊那羅摩睺羅伽夜叉羅刹拘躡荼等令其供養如是大衆善男子尔時梵志即念毗沙門天王善男子尔時天王即知梵志心之所念與百千億無量夜叉恭敬圍遶至梵志所尋於其夜在梵志前作如是言梵志欲何教勸梵志問言汝是誰耶毗沙門言梵志汝頗曾聞毗沙門王不即我身是欲何所勸時梵志言善來大王我今供養如是大衆汝可助我共供養之毗沙門王言敬如所勸隨我所須梵志復言大王若能隨我意者今諸夜叉發阿耨多羅三藐三菩提心復當宣告諸夜叉等欲得福者欲得阿耨多羅三藐三菩提者可度大海日日往取牛頭栴檀及以沉水并諸餘香種種諸華持來至此亦當如我日日供養佛及衆僧尔時天王聞是語已還至住處擊鼓集會夜叉羅刹唱如是言卿等知不此閻浮提有轉輪聖王名無諱念有梵志名曰寶海即是聖王

之大臣也終竟七歲請佛及僧奉請所安卿等於此福德應生隨喜生隨喜已以是善根發心迴向阿耨多羅三藐三菩提善男子尔時有百千無量億那由他夜叉等又手合掌作如是言若寶海梵志於七歲中供養如來及比丘僧奉請所安善根福報我等隨喜以是隨喜善根故令我等成阿耨多羅三藐三菩提尔時天王復作是言卿等諦聽欲得福德及善根者便可日日渡於大海為彼梵志取牛頭栴檀及以沉水熟食飯佛及比丘僧時有九万二千夜叉同時發言天王我等今者於七歲中常當取是牛頭栴檀及以沉水與彼梵志熟食飯佛及比丘僧復有四万六千夜叉亦同聲言我等當取微妙諸香與彼梵志供養如來及比丘僧復有五万二千諸夜叉等亦各同聲作如是言我等當取種種妙華與彼梵志供養如來及比丘僧復有二万諸夜叉等亦同聲言我等當取諸味之精與彼梵志調和飲食以供養佛及比丘僧

悲花經第二卷第三五號

今時復有七万夜亦同聲言我等當
 往與作飲食供養如來及比丘僧善
 男子今時梵志復作是念次當勸諭
 毗樓勒又天王毗樓羅又天王提頭賴
 吒天王作是念已今時三王即知其
 念往梵志所乃至還所住處毗樓勒
 又與百千億那由他拘辦茶等毗樓羅
 又天王與百千無量億那由他諸龍
 提頭賴吒與百千無量億那由他諸
 闍婆乃至發阿耨多羅三藐三菩提
 心亦如是善男子今時梵志即復念
 於第二天下四天大王彼四天王以
 佛力故至梵志所作如是言梵志今
 者欲何所勸梵志答言我今勸汝與
 諸眷屬發阿耨多羅三藐三菩提心
 四天王言敬如所勸即各還至所住
 之處與諸眷屬共發於阿耨多羅
 三藐三菩提心如是乃至三千大千
 世界百億毗沙門王發阿耨多羅三
 藐三菩提心百億毗樓勒又天王百
 億毗樓羅又百億提頭賴吒各各自
 與所有眷屬亦復如是發阿耨多羅
 三藐三菩提心善男子今時梵志復

悲花經第二卷第三六號

作是念若我未來必成阿耨多羅三
 藐三菩提所願成就得已利者當令
 一切諸天皆使得此福德之分亦勸
 使發阿耨多羅三藐三菩提心若我
 來世以是善根必成阿耨多羅三藐
 三菩提者切利天王當來至此與我
 相見夜摩天子梵術天子化樂天子
 他化自在天子亦當來此與我相見
 善男子今時梵志作是念已切利天
 王夜摩天王梵術天王化樂天王他
 化自在天王悉皆來此與梵志相見
 作如是言梵志今者欲何所勸梵志
 答言汝是誰也時五天王各稱姓名
 復言梵志欲何所勸不須在此大會
 使耶梵志答言天王當知汝等天上
 所有妙寶臺殿樓閣有諸寶樹及諸
 衣樹香樹華樹果樹之樹天衣天座
 統綖茵蓐上妙寶器及以瓔珞天幢
 天蓋諸繒幡等種種莊嚴諸天所有
 種種伎樂汝等可以如此之物種種
 莊嚴此閻浮闍供養於佛及比丘僧
 時五天王作如是言敬如所勸時諸
 天王各各還至所住之處切利天王

悲花經第三卷第三號

告毗樓勒天子夜摩天王告阿茶滿
 天子梵術天王告路醯天子化樂天
 王告拘陀羅天子他化自在天王告
 難陀天子各作是言卿今當下閻浮
 提界以此所有種種莊嚴彼閻浮闍
 懸諸瓔珞敷種種座如諸天王種種
 莊嚴為如來故作寶高樓當使如此
 切利天上所有寶樓是諸天子聞是
 教已即下來至閻浮提中尋於其夜
 種種莊嚴是閻浮闍以諸寶樹乃至
 天幡而莊嚴之為如來故作七寶樓
 如切利天所有寶樓是五天子持諸
 寶物種種莊嚴閻浮提闍已尋還天
 上各自其王大王當知我等已往莊
 嚴彼國所有之物如此無異為如來
 故作七寶樓如切利天所有寶樓等
 無差別善男子時切利天王夜摩天
 王梵術天王化樂天王他化自在天
 王即便來至閻浮提中到梵志所作
 如是言梵志我今已為佛及眾僧莊
 嚴此國更何所勸願便說之梵志答
 言汝等各各自於境界有自在力可
 集諸天汝持我言閻浮提內有大梵

志名曰寶海於七歲中請佛世尊及無量僧奉諸所安卿等今者於此福

德應生隨喜生隨喜已發心迴向阿耨多羅三藐三菩提是故應往佛所

見佛世尊及比丘僧供養所須聽受妙法時五天王從梵志所聞是言已

各各自還至所住處介時切利天王釋提桓因即集諸天而告之曰卿等

當知閻浮提內有轉輪聖王名無諍念有大梵志名曰寶海即其聖王之

大臣也請佛世尊及無量億僧終竟七散奉諸所安我已先為佛比丘僧

取諸寶物種種莊嚴彼閻浮園卿等以是善根因緣生隨喜心生隨喜已

發心迴向阿耨多羅三藐三菩提亦令梵志得如所願善男子介時百千

無量億那由他切利天子恭敬叉手作如是言我等今者於是善根生隨

喜心以是隨喜故令我等一切得成阿耨多羅三藐三菩提夜摩天王兜

術天王化樂天王他化自在天王如是等各集諸天而告之曰卿等當知

閻浮提內有轉輪聖王名無諍念有

大梵志名曰寶海即其聖王之大臣也請佛世尊及無量億僧終竟七歲

奉諸所安我已先為佛比丘僧取諸寶物種種莊嚴彼閻浮園卿等以是

善根因緣故應生隨喜生隨喜已發心迴向阿耨多羅三藐三菩提當令

梵志得如所願善男子介時四天各有百千無量億那由他天子恭敬叉

手作如是言我等今者於是善根生隨喜心以是隨喜故令我等一切皆

得成阿耨多羅三藐三菩提介時五王各各告言卿等今當至閻浮提見

寶藏佛及比丘僧禮拜團遶恭敬供養尊重讚歎善男子時五天王各各

於夜一將諸天子天女童男童女及餘眷屬百千億那由他眾前後團

遶來至佛所頂禮佛足及比丘僧從佛聽法至明清旦遷住虛空以種種

天華優鉢羅華鉢頭摩華拘物頭華分陀利華須臾那華婆尸師華阿提

目多伽占婆伽華曼陀羅華摩訶曼陀羅華以散大會如雨而下并鼓天

樂而以供養善男子介時寶海梵志

復作是念若我當來必成阿耨多羅三藐三菩提所願成就得已利者復

當教化諸阿修羅悉令發於阿耨多羅三藐三菩提心善男子介時梵志作

是念已有五阿修羅王到梵志所乃至百千無量億那由他阿修羅男子

女人童男童女如梵志教發阿耨多羅三藐三菩提心至於佛所聽受妙

法善男子介時寶海梵志復作是念若我當來必成阿耨多羅三藐三菩

提所願成就得已利者復當教化天魔波旬令發阿耨多羅三藐三菩提

心善男子時魔波旬即知梵志心之所念尋與百千無量億那由他男子

女人童男童女至梵志所敬如教勅發阿耨多羅三藐三菩提心乃至聽

法亦復如是

悲華經卷第二

癸卯歲高麗國大藏都監奉

勅彫造

悲華經卷第三

大施品第三之二

北凉天竺三藏曇無讖譯

駒

佛復告寂意善男子。今時梵志復作是念。若我當來成阿耨多羅三藐三菩提。所願成就。得已。利者。次當教化。大梵天王。發阿耨多羅三藐三菩提心。時梵天王。即知梵志心之所念。到梵志所。作如是言。欲何所勸。梵志問言。汝是誰也。梵王報言。我是大梵天王。梵志答言。善來天王。可還天上。集會諸天。汝持我言。閻浮提內有大梵志。名曰寶海。於七歲中。請佛世尊。及無量僧。奉請所安。卿等今者。於此福德。應生隨喜。生隨喜已。發心迴向。阿耨多羅三藐三菩提。善提介時。梵王聞是教已。尋還天上。聚集諸梵。而告之言。卿等當知。閻浮提內。有轉輪聖王。名無諍念。有大梵志。名曰寶海。即其聖王之大臣也。請佛世尊。及無量僧。終竟七歲。奉請所安。卿等以是善根。應生隨喜。生隨喜已。發心迴向。阿耨多

羅三藐三菩提。當令寶海。得如所願。

梵志稱第三 第張駒

善

王乃至他化自在天王。聞是語已。各

梵志稱第三 第張駒

善

善男子。今時百千無量億那由他諸梵天子。恭敬叉手作如是言。我等今者。於是善根。生隨喜心。以是隨喜。故悉令我等一切。皆得成阿耨多羅三藐三菩提。復更告言。卿等今當至閻浮提。見寶藏佛。及比丘僧。禮拜圓遠。恭敬供養。尊重讚歎。善男子。時梵天王。與百千無量億那由他諸梵天子。前後圍遶。來至佛所。頭面禮佛。足及比丘僧。聽受妙法。善男子。今時梵志復作是念。復當教化。第一天下。切利天王。夜摩天王。兜術天王。化樂天王。他化自在天王。以佛力。故即各來至是梵志所。各作是言。欲何所勸。梵志問言。汝是誰也。各各答言。我是其餘。切利天王。乃至他化自在天王。梵志報言。汝等各還。至所住處。汝持我言。閻浮提內。有轉輪聖王。名無諍念。有大梵志。名曰寶海。即其聖王之大臣也。終竟七歲。供養如來。及比丘僧。卿等以是善根。應生隨喜。生隨喜已。發心迴向。阿耨多羅三藐三菩提。切利天

王乃至他化自在天王。聞是語已。各各還至所住之處。即集會諸天。而告之言。卿等當知。閻浮提內。有轉輪聖王。名無諍念。有大梵志。名曰寶海。即其聖王之大臣也。終竟七歲。供養如來。及比丘僧。卿等以是善根。因緣。故應生隨喜。生隨喜已。發心迴向。阿耨多羅三藐三菩提。善提善男子。時諸天眾。恭敬叉手作如是言。我等今者。於是善根。生隨喜心。以隨喜。故悉令我等一切。皆得成阿耨多羅三藐三菩提。復更告言。卿等今者。當至佛所。見佛世尊。及比丘僧。禮拜圓遠。恭敬供養。尊重讚歎。善男子。今時切利天王。乃至他化自在天王。各各志與百千無量億那由他。天子。天女。童男童女。及餘眷屬。前後圍遶。來至佛所。頂禮佛足。及比丘僧。聽受妙法。第二天下。五阿修羅王。天魔波旬。大梵天王。亦復如是。第三第四第五。乃至三千大千佛之世界。百億切利天。百億夜摩天。百億兜率天。百億化樂天。百億他化自在天。百億五阿修羅王。百億魔波

向百億大梵天王及無量億百千那由他眷屬悉發阿耨多羅三藐三菩提心以佛力故皆共來到此四天下至於佛所頭面禮佛及比丘僧聽受妙法今時大眾悉皆遍滿此間三千大千世界無空破壞善男子今時寶海梵志復作是念我今已得教化百億毗沙門天王乃至百億大梵天王而我今者所有誓願已得自在復作是念若我來世必成阿耨多羅三藐三菩提速得已利所願成就者願佛世尊為諸大眾示現種種神足變化以神力故今此三千大千世界所有畜生餓鬼地獄及世人等悉皆得離一切苦惱純受諸樂各於一一衆生之前有一化佛勸彼衆生今發阿耨多羅三藐三菩提心善男子今時寶藏如來尋知寶海心之所念即時入於無熱三昧今時世尊入是三昧已示現如是神足變化一一毛孔放於無量無邊光明其光微妙遍照三千大千世界及照地獄冰凍衆生遇之則溫熱惱衆生遇之則涼飢渴衆生

遇之則飽受寂妙樂一一衆生各於其前有一化佛三十二相瓔珞其身八十種好次第莊嚴彼諸衆生受使樂已作如是思惟我等何緣得離苦惱受是妙樂今時衆生見於化佛三十二相而自瓔珞八十種好次第莊嚴見如是已各作是言蒙是成就大悲者思令我得離一切苦惱受於妙樂今時衆生以歡喜心瞻仰尊顏今時化佛告諸衆生汝等皆應稱南無佛發阿耨多羅三藐三菩提心從是已後更不受苦常受第一寂妙快樂彼諸衆生尋作是言南無世尊發阿耨多羅三藐三菩提心以此善根斷一切惡而於其中尋得命終轉生人中熱惱衆生以蒙光故尋得清涼離飢渴苦受諸妙樂乃至生於人中如地獄畜生餓鬼人亦如是其光遍照諸世界已還遶佛身滿三匝已從頂上入是時即有無量無邊人天夜叉阿修羅乾闥婆諸龍羅刹得不退轉於阿耨多羅三藐三菩提復有下計衆生得陀羅尼三昧忍辱今時間

淨人間無量諸天為佛世尊及比丘僧自以天上種種所有莊嚴嚴饒安同城外閻浮之園如天莊嚴等無差別是人復作是念我等今者當往觀之并見如來及比丘僧因聽受法善男子今時日日常有百千無量億那由他男子女人童男童女來至佛所頭面禮佛及比丘僧右遶三匝恭敬供養尊重讚歎并欲見此閻浮之園其園門戶具足二万七千七寶成一門前後數五百七寶之林有五百梵志各坐其上若有衆生欲入是園此諸梵志輒便勸化令其畢定歸依三寶發阿耨多羅三藐三菩提心然後乃聽入此園中見於世尊及比丘僧禮拜圍遶恭敬供養尊重讚歎善男子今時梵志於七歲中教化不可計天令其畢定住於阿耨多羅三藐三菩提復令不可計龍阿修羅乾闥婆羅刹拘胝茶毗舍遮餓鬼畜生地獄及人畢定住於阿耨多羅三藐三菩提善男子今時梵志過七歲已以八万四千金輪惟除天輪八万四千白

慧苑經第三卷 第七張 駒

為七寶莊嚴惟除為寶乃至八萬四

千種種諸樂如是等物欲以奉獻佛

及眾僧

尔時轉輪聖王於七歲中心無欲欲

無瞋恚欲无愚癡欲無憍慢欲無因土

欲無見息欲無玉女欲無食飲欲无衣

服欲無華香欲無車乘欲無睡眠欲無

想樂欲無有我欲無有他欲如是七

歲乃至無有一欲之心常坐不卧無

晝夜想无疲極想亦復無聲香味觸

想而於其中常見十方一方面如

万佛土微塵數等諸佛世界清淨莊

嚴不見須弥及諸小山大小鐵圍二

山中間幽冥之處日月星辰諸天宮

殿其所見者惟見清淨莊嚴佛土見

是事已隨願取之如轉輪聖王於七

歲中得受快樂見於清淨種種莊嚴

諸佛世界願取上妙清淨佛土轉輪

聖王太子不瞬乃至千子八万四千

諸小王等及九万二千億眾等生等

七歲中心無欲欲乃至無有香味觸

想各於靜處入定思惟亦得見於十

方世界一方面如万佛土微塵數

北花經第三卷 第七張 駒

等諸佛世界所有莊嚴不見須弥及

諸小山大小鐵圍二山中間幽冥之

處日月星辰諸天宮殿其所見者惟

見清淨莊嚴佛土如其所見隨而取

之如是一切諸大眾等於七歲中各

得修行種種法門或願清淨佛土或

願不淨佛土善男子尔時梵志過七

歲已持諸七寶奉獻於佛及比丘僧

向佛合掌前白佛言世尊我已勸化

轉輪聖王發阿耨多羅三藐三菩提

心還至住處靜坐思惟乃至不聽一

人令入我復勸化其王千子發阿耨

多羅三藐三菩提心是諸三子亦各

還至所住之處靜坐思惟乃至不聽

一人令入八万四千小王九万二千

億眾等亦發阿耨多羅三藐三菩提

心各在靜處端坐思惟乃至不聽

一人令入世尊今當令是轉輪王等

從三昧起未至佛所及我先所教化

令發阿耨多羅三藐三菩提心者悉

令集此佛世尊所一心端坐受於清

淨佛之世界不退轉於阿耨多羅三

藐三菩提從佛授記已當取國土及

北花經第三卷 第七張 駒

名姓字善男子尔時寶藏如来即入

三昧王三昧入是三昧已於其口中

出種種色光青黃赤白紫如轉輪王

在定中者各於其前有化梵王作如

是言汝等今者可從定起至於佛所

見佛世尊及比丘僧禮拜圍遶恭敬

供養尊重讚歎波等當知寶海梵志

於七歲中作法會竟今佛世尊復當

遊行諸餘國土時轉輪王等聞是言

已尋從定起尔時諸天在虛空中作

諸伎樂是時聖王即便嚴駕與其千

子八万四千諸小王等九万二千億

人前後導從出安周羅城向閻浮園

既到園外如法下車步至佛所頭面

禮佛及比丘僧却坐一面善男子尔

時梵志白聖王言惟願大王持此寶

物并及大王先於三月供養如来及

比丘僧種種珍寶八万四千安周羅

城如是福德今應迴向阿耨多羅三

藐三菩提其王千子八万四千諸小

王等九万二千億人皆悉教令迴向

阿耨多羅三藐三菩提復作是言大

三當知以此布施不應求於刹利天

王大梵天王何以故王今福報所有
珍寶皆是無常无决定相猶如疾風
是故應當以此布施所得果報令心
自在速成阿耨多羅三藐三菩提度
脫無量无边眾生令入涅槃

悲華經諸菩薩本授記品第四之一

尔時寶藏如來復作是念如是等無
量眾生已不退轉於阿耨多羅三藐
三菩提我今當與各各授記并為示
現種種佛土尔時世尊即入三昧其
三昧名不失菩提心以三昧力故放
大光明遍照無量无边世界皆悉令
是轉輪聖王及無量眾生等見無邊
諸佛世界尔時十方無量无边諸餘
世界其中各各有大菩薩蒙佛光故
以佛力故各各悉來至於佛所以已
所得神足變化供養於佛及比丘僧
頭面礼足右遶三匝坐於佛前欲聽
如來為諸菩薩受佛記勸善男子尔
時寶海梵志復白聖王大王今可先
發誓願取妙佛土善男子尔時聖王
聞是語已即起合掌長跪向佛前白
佛言世尊我今真實欲得菩提如我

先於三月之中以諸所須供養於佛
及比丘僧如是善報我今迴向阿耨
多羅三藐三菩提終不願取不淨佛
土世尊我先已於七歲之中端坐思
惟種種莊嚴清淨佛土世尊我今發
願令我得成阿耨多羅三藐三菩提時
世界之中無有地獄畜生餓鬼一切
眾生命終之後今不墮於三惡道中
世界眾生皆作金色人天無別皆得
六通以宿命通乃至得知百千万億
劫由他劫宿世之事以清淨天眼悉
見百千億劫由他十方世界亦見其
中左右處處悉有諸佛說微妙法以
清淨天耳悉聞百千億劫由他十方
世界現在諸佛說法之聲以他心智
故知無量无边億劫由他十方世界
眾生之心以如意通故於一念中遍
於百千億劫由他諸佛世界同旋往
返今是眾生悉解無我及無我所皆
得不退於阿耨多羅三藐三菩提願
我世界無有女人及其名字一切眾
生等一化生壽命無量除其誓願無
有一切不善之名世界清淨無有臭

穢常有諸天微妙之香皆悉充滿一
切眾生皆悉成就三十二相而各環
珞所有菩薩皆是一生除其誓願願
我世界所有眾生於一食頃以佛力
故遍至無量无边世界見現在佛礼
拜圍遶以其所得神足變化供養於
佛即於食頃還至本土而常講說佛
之法藏身得大力如摩羅延世界所
有莊嚴之事乃至得天眼者不能盡
說所有眾生皆得四辯一一菩薩所
坐之樹枝葉遍滿一万由旬世界常
有淨妙光明悉令他方無量佛土種
種莊嚴而於中現所有眾生乃至成
阿耨多羅三藐三菩提不行不淨常
為其餘一切諸天人及非人之所恭
敬供養尊重乃至成阿耨多羅三藐
三菩提而於其中常得六根清淨即
於生時得無漏喜受於快樂自然成
就一切善報尋於生時著新袈裟便
得三昧其三昧名善分別以三昧力
遍至無量諸佛世界見現在佛礼拜
圍遶恭敬供養尊重讚歎乃至成阿
耨多羅三藐三菩提於此三昧無有

法苑珠林卷三第廿五

退失所有菩薩如其所願各自莊嚴
修淨妙土於七寶樹中悉皆遍見諸
佛世界一切眾生尋於生時得遍至
三昧以三昧力故常見十方無量元
邊諸世界中現在諸佛乃至成阿耨
多羅三藐三菩提終不退失願令我
界所有眾生皆得宮殿衣服瓔珞種
種莊嚴猶如第六化自在天世界無
有山陵坵阜大小鐵圍須彌大海亦
無陰蓋及諸障闕煩惱之聲無三惡
道八難之名無有受苦之名及不苦
不樂名世尊我今所願如是欲得如
是最淨佛土世尊我於來世便當久
久行菩薩道要得成就如是清淨佛
土世尊我於來世作是希有事已然
後乃成阿耨多羅三藐三菩提世尊
我成阿耨多羅三藐三菩提時菩提樹
縱廣正等一萬由旬於此樹下坐道場
時於一念中成阿耨多羅三藐三菩
提成阿耨多羅三藐三菩提已光明
照於無量無邊百千億那由他諸佛
世界今我壽命無量無邊百千億那
由他劫無能知者除一切智令我世

法苑珠林卷三第廿五

界無有聲聞辟支佛乘所有大眾純
諸菩薩無量無邊無能數者除一切
智願我成阿耨多羅三藐三菩提已
令十方諸佛稱揚讚歎我之名字願
我成阿耨多羅三藐三菩提已無量
無邊阿僧祇餘佛世界所有眾生聞
我名者修諸善本欲生我界願其捨
命之後必定得生惟除五逆誹謗聖
人廢壞正法願我成阿耨多羅三藐
三菩提已其餘無量無邊阿僧祇諸
佛世界所有眾生若發阿耨多羅三
藐三菩提修諸菩提欲生我界者臨
終之時我時當與大眾圍遶現其人
前其人見我即於我所得心歡喜以
見我故離諸障闕即便捨身來生我
界願我成阿耨多羅三藐三菩提已
諸菩薩摩訶薩所未聞法欲從我聞
者如其所願悉令得聞願我成阿耨多
羅三藐三菩提已其餘無量無邊阿僧
祇世界在在處處諸菩薩等聞我名者
即得不退轉於阿耨多羅三藐三菩
提得第一忍第二第三有願欲得陀
羅尼及諸三昧者如其所願必定得

法苑珠林卷三第廿五

之乃至成阿耨多羅三藐三菩提無有
退失我滅度後過諸劫數劫已有無
量無邊阿僧祇世界其中菩薩聞我
名字心得淨信第一歡喜悉禮拜我
歎未曾有是佛世尊為菩薩時已作
佛事久久乃成阿耨多羅三藐三菩
提彼諸菩薩得第一信心歡喜已
必定當得第一初忍第二第三有願
欲得陀羅尼門及諸三昧者如其所
願悉皆得之乃至成阿耨多羅三藐
三菩提無有退失我成阿耨多羅三
藐三菩提已其餘無量無邊阿僧祇
世界有諸女人聞我名者即得第一
信心歡喜發阿耨多羅三藐三菩提
心乃至成佛終不復受女人之身願
我滅度已雖經無量無邊阿僧祇劫
有無量無邊阿僧祇佛刹其中女人
聞我名者即得第一信心歡喜發阿
耨多羅三藐三菩提心乃至成佛終
不復受女人之身世尊我之所願如
是佛土如是眾生世尊若世界清淨
眾生如是者然後乃成阿耨多羅三
藐三菩提善男子今時實歲如來語

轉輪王言善哉善哉大王今者所願甚深已取淨土是中衆生其心亦淨大王汝見西方過百千萬億佛土有世界名尊善無垢彼界有佛名尊音王如來應供正遍知明行足善逝世間解無上士調御丈夫天人師佛世尊今現在為諸菩薩說於正法彼界無有聲聞辟支佛名亦無有說小乘法者統一大乘清淨無雜其中衆生等一化生亦無女人及其名字彼佛世界所有功德清淨莊嚴悉如大王所願無量種種莊嚴佛之世界等無差別悉已攝取無量无边調伏衆生今改汝字為無量清淨

佛滅度已正法住世六十中劫正法滅已過十中劫是時世界故名尊善無垢復有佛出号寶光明如來應供正遍知明行足善逝世間解無上士調御丈夫天人師佛世尊世界所有壽命多少正法住世亦如不可思議功德王佛等無有異正法滅已時世界轉名善堅復有佛出号寶尊音王如來應供正遍知明行足善逝世間解無上士調御丈夫天人師佛世尊三十五中劫佛滅度後正法住世滿七中劫正法滅已復有無量无边諸佛次第出世所有世界壽命正法悉亦如是

當成佛者為在何處佛告大王如是菩薩今在此會其數無量不可稱計志從十方餘佛世界而來集此供養於我聽受妙法諸菩薩已從過去諸佛授阿耨多羅三藐三菩提記復從現在十方諸佛授阿耨多羅三藐三菩提記是故先成阿耨多羅三藐三菩提大王是諸菩薩已曾供養無量无边百千萬億那由他佛種種善根修集智慧大王以是之故是諸菩薩在於汝前成阿耨多羅三藐三菩提時轉輪王復自佛言世尊是寶海梵志乃能勸我及諸眷屬發阿耨多羅三藐三菩提心是梵志於未來世為經幾時當成阿耨多羅三藐三菩提佛告大王是梵志成就大悲故於未來世師子吼時汝自知之時轉輪王復自佛言世尊若我所願成就如佛所記者我今頭面禮佛當令十方如恒河沙等世界六種震動其中諸佛亦當為我授阿耨多羅三藐三菩提記善男子今時無量淨王作是語已尋於佛前頭面著

悲花經卷第一 第十復

地尔時十方如恒河沙等諸佛世界
六種震動是中諸佛即與授記作如
是言刪提嵐界善持劫中人壽八
万歲有佛出世号曰寶藏有轉輪聖
王名無量淨主四天下三月供養寶
藏如來及比丘僧以是善根故過一
恒河沙等阿僧祇劫已始入第二恒
河沙阿僧祇劫當得作佛号無量壽
世界名安樂常身光照縱廣周帀十
方各如恒河沙等諸佛世界尔時寶
藏如來即為大王說此偈言
十方世界 震動大地 及餘山林
如恒沙等 汝今可起 已得授記
為天人尊 勝法調御
善男子尔時轉輪聖王聞是偈已心
生歡喜即起合掌前礼佛足去佛不
遠復坐聽法善男子尔時寶海梵志
復白聖王第一太子言善男子持此
寶物并及先所於三月中供養如來
及比丘種種珍寶如是福德和合
集聚迴向阿耨多羅三藐三菩提復
作是言善男子以此所施不應求於
忉利天王大梵天王何以故今者所

悲花經卷第二 第二復

有福報之物皆是無常无定相猶
如疾風是故應當以是布施所得果
報令心自在速成阿耨多羅三藐三
菩提度脫無量无边眾生令入涅槃
是時太子聞是語已答梵志言我今
觀於地獄眾生多諸苦惱人天之中
或有垢心以垢心故數數墮於三惡
道中復作是念是諸眾生以坐親近
惡知識故退失正法墮大闇處盡諸
善根攝取種種諸邪見等以覆其心
行於邪道世尊今我以大音聲告諸
眾生我之所有一切善根盡迴向阿
耨多羅三藐三菩提願我行菩薩道
時若有眾生受諸苦惱恐怖等事退
失正法墮大闇處憂愁孤窮无有救
護無依无舍若能念我稱我名字若
其為我天耳所聞天眼所見是眾生
等若不得免斯苦惱者我終不成阿
耨多羅三藐三菩提復白佛言世尊
我今復當為眾生故發上勝願世尊
我今若能速得已利者願令轉輪聖
王過第一恒沙等阿僧祇劫已始入
第二恒沙等阿僧祇劫是時世界名

悲花經卷第三 第三復

曰安樂大王成佛号無量壽世界莊
嚴眾生清淨作正法王是佛世尊於
無量劫作佛事已所作已辦入無餘
涅槃乃至正法住時我於其中修菩
薩道即於是時能作佛事是佛正法
於初夜滅即其後夜成阿耨多羅三
藐三菩提復白佛言惟願世尊為我
授記今我一心請於十方如恒河沙
等現在諸佛惟願各各為我授記善
男子尔時寶藏佛尋為授記善男子
汝觀天人及三惡道一切眾生大
悲心欲斷眾生諸苦惱故欲斷眾生
諸煩惱故欲令眾生住安樂故善男
子今當字汝為觀世音善男子汝行
菩薩道時已有百千無量億那由他
眾生得離苦惱汝為菩薩時已能大
作佛事善男子無量壽佛般涅槃已
第二恒河沙等阿僧祇劫後分初夜
分中正法滅盡夜後分中彼土轉名
一切珍寶所成就世界所有種種莊
嚴無量无边安樂世界所不及也善
男子汝於後夜種種莊嚴在菩提樹
下坐金剛座於一念中間成阿耨多

悲花經卷三 第三品 勸 一

羅三藐三菩提號遍出一切光明切
德山王如來應供正遍知明行足善
迹世間解無上士調御丈夫天人師
佛世尊其佛壽命九十六億那由他
百千劫般涅槃已正法住世六十三
億劫

尔時觀世音前白佛言若我所願得
成就者我今頭面敬禮佛時當令十
方如恒河沙等諸世界中現在諸佛
亦復各各為我授記亦令十方如恒
河沙等世界大地及諸山河六種震
動出種種音樂一切眾生心得離欲
善男子尔時觀世音菩薩尋禮寶藏
如來頭面著地尔時十方如恒河沙
等世界六種震動一切山林悉出種
種無量音樂眾生聞已即得離欲其
中諸佛皆與授記作如是言散提嵐
界善持劫中人壽八萬歲時有佛出世
号曰寶藏有轉輪聖王名無量淨主
四天下其王太子名觀世音三月供
養寶藏如來及比丘僧以是善根故
於第二恒河沙等阿僧祇劫後分之
中當得作佛号遍出一切光明功德

悲花經卷三 第三品 勸 二

山王如來世界名曰一切珍寶所成
就也尔時寶藏如來為觀世音而說
偈言
大悲功德 今應還起 地六種動
及諸佛界 十方諸佛 已授汝記
當成為佛 故應歡喜

善男子尔時太子觀世音聞是偈已
心生歡喜即起合掌前禮佛足去佛
不遠復坐聽法善男子尔時寶海梵
志復白第二王子摩訶善男子汝
今所作福德清淨之業為一切眾生
得一切智故應迴向阿耨多羅三藐
三菩提善男子尔時王子在佛前坐
叉手白佛言世尊如我先於三月之
中供養如來及比丘僧并我所有身
口意業清淨之行如此福德我今盡
以迴向阿耨多羅三藐三菩提不願
不淨穢惡世界令我國土及菩提樹
如觀世音所有世界種種莊嚴寶善
提樹及成阿耨多羅三藐三菩提復
願遍出功德光明佛始初成道我當
先請轉於法輪隨其說法所經時節
於其中間行菩薩道是佛涅槃後正

悲花經卷三 第三品 勸 三

法滅已我於其後次第成於阿耨多
羅三藐三菩提我成佛時所作佛事
世界所有種種莊嚴般涅槃後正法
住世如是等事悉如彼佛等無有異
尔時佛告第二王子善男子汝今所
願最大世界汝於來世當得如是大
世界處如汝所願善男子汝於來世
當於如是最大世界成阿耨多羅三
藐三菩提号曰善住珍寶山王如來
應供正遍知明行足善逝世間解無
上士調御丈夫天人師佛世尊善男
子由汝願取大世界故因字汝為得
大勢尔時得大勢前白佛言世尊若
我所願成就得已利者我今敬禮於
佛當令十方如恒河沙等諸佛世界
六種震動雨須臾華其中現在諸
佛各授我記善男子尔時得大勢在
於佛前頭面著地尋時十方如恒河
沙等世界六種震動天雨須臾華
其中現在諸佛世尊各與授記尔時
寶藏如來為得大勢而說偈言

堅力功德 今可還起 大地震動
雨須臾華 十方諸佛 已授汝記

當來得成 此花經第三卷 第二十五卷 助 人天梵尊

善男子尔時得大勢聞是偈已心生歡喜即起合掌前礼佛足去佛不遠復坐聽法善男子尔時實海梵志復白第三王子王衆言善男子今汝所作福德之聚清淨之業應為一切衆生得一切智故迴向阿耨多羅三藐三菩提善男子尔時第三王子在佛前坐又手白佛言世尊如我先於三月之中供養如來及比丘僧并我所身口意業清淨之行如是福德今我盡以迴向阿耨多羅三藐三菩提我今所願不能於是不淨世界成阿耨多羅三藐三菩提亦復不願速成阿耨多羅三藐三菩提我行菩薩道時願令我所化十方無量无边諸佛世界所有衆生發阿耨多羅三藐三菩提心安止於阿耨多羅三藐三菩提心勸化安止於六波羅蜜者願令先我悉於十方一方面如恒河沙佛刹微塵數等諸佛世界成佛說法令我尔時以清淨天眼悉遍見之願我為菩薩時能作如是無量佛事我

於來世行菩薩道無有齊限我所教化諸衆生等令其心淨猶如梵天如是衆生我界者尔乃當成阿耨多羅三藐三菩提以是等清淨莊嚴佛刹願令三千大千世界恒河沙等十方佛土為一佛刹周匝世界有大寶牆七寶埴前其牆高大至無色界真紺琉璃以為其地無諸塵土石沙穢惡荆棘之屬又無惡觸亦無女人及其名字一切衆生皆悉化生不食揣食等以法喜三昧為食無有聲聞辟支佛乘結諸菩薩離於貪欲瞋恚愚癡皆修梵行悉滿其國當其生已鬚髮自落服三法衣即於生已便欲得食尋有寶器在右手中自然而有上妙百味具足在鉢時諸菩薩作是思惟我等不應嗷是揣食我今當持至於十方供養諸佛及聲聞衆并貧窮者有諸餓鬼受飢渴苦其身熾然當至其所而給足之我等自應修行法喜三昧之食作是念已得菩薩三昧其三昧名不可思議行得是三昧已即得無閻神力到於無量无边世界

現在佛所供養諸佛及比丘僧給施貧窮下至餓鬼作是施已因為說法尋於食時周旋往返還歸本土衣服珍寶及所須物供養諸佛下至餓鬼亦復如是然後自用願令我世界無有八難不善苦惱亦無受戒毀戒懺悔及其名字願我世界常有無量種種珍寶以為前埴珍寶衣樹十方世界所未曾有未曾見聞乃至億歲說其名字猶不能盡願我世界諸菩薩等欲見金色隨意得見欲見銀色亦隨意見當見銀時不失金相當見金時不失銀相願梨琉璃車乘馬璫及赤真珠種種珍寶隨意得見亦復如是欲見阿竭琉璃香多伽琉香多摩羅跋拈檀沉水及赤拈檀牛頭拈檀欲見絀拈檀者隨意得見欲見沉水者亦隨意見當見沉水不失拈檀當見拈檀不失沉水餘亦如是種種所願皆得成就願我世界無有日月諸菩薩等有大光明如本所求自然而出乃至能照百千万億那由他世界以元明故無有晝夜衆華開敷即知晝

分衆華合時便知夜分世界調適無有寒熱及老病死若有一生菩薩於餘方成阿耨多羅三藐三菩提者即以此身處於他方究術天宮命終作佛若我成阿耨多羅三藐三菩提已不於其界取般涅槃若般涅槃時處在虛空諸菩薩等所欲得者自然而有其世界邊同而常有百千億那由他自然音樂此音樂中不出欲想之聲常出六波羅蜜聲佛聲法聲比丘僧聲菩薩聲甚深義聲而諸菩薩於諸音聲隨其所解世尊我行菩薩道時如我所見百千億那由他阿僧祇諸佛世界種種莊嚴種種瓔珞種種相貌種種住處種種所願令我世界悉皆成就如是等事所有莊嚴惟除聲聞辟支佛等亦復無有五濁之世三惡道等須彌諸山大小鐵圍土沙磧石大海林木絃有寶樹過天所有更無餘華惟有天上曼陀羅華摩訶曼陀羅華無諸臭穢絃有妙香遍滿其國諸菩薩等皆是一生無有一人

生於餘處惟除他方當成佛者處梵行天命終成阿耨多羅三藐三菩提世尊我行菩薩道時無有齊限要當成是微妙果報清淨佛土一生菩薩充滿其中是諸菩薩無有一人非我所教初發阿耨多羅三藐三菩提心安止六波羅蜜者如是菩薩皆是我初教發心安止六波羅蜜此散提嵐界若入我界一切苦惱皆悉休息世尊我行菩薩道時要當成就如是等輩希有之事故然後於未來世乃成阿耨多羅三藐三菩提願菩提樹名曰選擇光明過於一十三大千世界菩提樹下以種種珍寶為金剛座縱廣正等五四天下其座名曰善擇寂滅智香等近高萬四千由旬我於此座結加趺坐於一念中成阿耨多羅三藐三菩提乃至般涅槃常於道場菩提樹下坐金剛座不解不壞復當化作無量諸佛及菩薩衆遺在其餘諸佛世界教化衆生一一化佛於一食頃為諸衆生說微妙法即於食頃令無量無邊衆生悉發阿耨多羅三藐三

菩提心尋發心已即不退轉阿耨多羅三藐三菩提如是化佛及菩薩衆常作如是希有之事故我成阿耨多羅三藐三菩提已願諸餘世界其中衆生悉見我身若有衆生眼見我身三十二相八十種好悉令必定於阿耨多羅三藐三菩提乃至涅槃不離見佛願令我界所有衆生六情完具無所缺少若諸菩薩欲見我者隨其所住行來坐卧悉得見之是諸菩薩尋發心已即時見我坐於道場菩提樹下當見我時先來所有於諸法相疑滯之處我未為說便得除斷亦得深解法相之義願我當來壽命無量无能數者除一切智菩薩壽命亦復如是我一念中成阿耨多羅三藐三菩提已即一念中有無量菩薩鬚髮自落服三法衣乃至涅槃於其中間無有一人長其鬚髮者俗衣裳一切皆著沙門之服

爾時佛告第三王子善男子善哉善哉汝是純善大丈夫也聰敏善解能作如是甚難大願所作功德甚深甚

北法經卷三第廿二章

深難可思議微妙智慧之所為也汝
 善男子為衆生故自發如是尊重之
 願取妙國土以是故今号汝為文殊
 師利於未來世過二恒河沙等無量
 无边阿僧祇劫入第三無量无边阿
 僧祇劫於此南方有佛世界名曰清
 淨無垢寶實此散提嵐界亦入其中
 彼世界中有種種莊嚴汝於此中當
 成阿耨多羅三藐三菩提号普現如
 來應正遍知明行足善逝世間解無
 上士調御丈夫天人師佛世尊諸菩
 薩衆皆悉清淨汝之所願具足成就
 如說而得善男子汝行菩薩道時於
 無量億諸如來所種諸善根是故一
 切衆生以汝為藥汝心清淨能破煩
 惱增諸善根尔時文殊師利前白佛
 言世尊若我所願成就得已利者惟
 願十方無量无边阿僧祇世界六種
 震動其中諸佛現在說法與我受記
 亦願一切衆生受歡喜樂辟如菩薩
 入第二禪自在遊戲天雨曼陀羅華
 遍滿世界華中常出佛聲法聲比丘
 僧聲六波羅蜜力無所畏如是等聲

北法經卷三第廿三章

願我敬礼寶藏佛時即出如是諸相
 貌等作是語已尋時礼佛頭面著地
 即於是時十方無量无边阿僧祇世
 界六種震動天於空中雨曼陀羅華
 一切衆生受於喜樂辟如菩薩入第
 二禪自在遊戲諸菩薩等是時惟聞
 佛聲法聲比丘僧聲六波羅蜜十力
 無畏如是等聲是時他方諸菩薩等見
 聞是事恠未曾有各自其佛言何因緣
 故有是瑞應諸佛各告諸菩薩言十
 方諸佛各各廣為文殊師利授阿耨
 多羅三藐三菩提記故是其瑞應尔
 時寶藏如來為文殊師利而說偈言
 勝意曠大 今可還起 十方諸佛
 已授汝記 當於末世 成尊勝道
 世界大地 六種震動 衆生滿足
 受於伎樂
 善男子尔時文殊師利聞是偈已心
 生歡喜即起合掌前礼佛足去佛不
 遠復坐聽法
 悲華經卷第三

癸卯歲高麗國大藏都監奉
勅彫造

悲華經卷第四

北凉天生三歲曇無讖譯

諸菩薩本授記品第四之二

善男子尔時寶海梵志白第四王子
 能伽女言乃至發願亦復如是尔時
 佛告阿伽那言善哉善哉善男子汝
 行菩薩道時以金剛慧破無量无边
 衆生諸煩惱山大作佛事然後乃成
 阿耨多羅三藐三菩提善男子是故
 号汝為金剛智慧光明功德尔時佛
 告金剛智慧光明功德菩薩善男子
 汝於來世過一恒河沙等阿僧祇劫
 入第二恒河沙等阿僧祇劫於此東
 方過十恒河沙等世界中微塵數等
 世界有世界名曰不眇善男子汝於
 是中當得作佛号曰普賢如來應供
 正遍知明行足善逝世間解無上士
 調御丈夫天人師佛世尊其佛世界
 所有莊嚴如汝所願悉皆具足善男
 子寶藏如來授金剛智慧光明功德
 菩薩摩訶薩阿耨多羅三藐三菩提
 記時虛空中有無量无边百千億那

由他天而讚歎言善哉善哉雨牛所
拈檀阿伽流香多伽流香多摩羅跋
并及末香而以供養尔時金剛智慧光
明功德菩薩白佛言世尊若我所願成
就得已利者我今敬礼諸佛世尊惟
願十方如恒河沙等世界滿中諸天
微妙好香衆生之類或在地獄畜生
餓鬼天上人中若聞是香所有身心
苦惱之疾悉得遠離如是頭面到地善
男子尔時金剛智慧光明功德菩薩
作是言已即頭面礼佛尔時十方如
恒河沙等世界周遍悉有微妙之香
衆生聞者皆得遠離身心苦惱尔時
寶藏如來即為金剛智慧光明功德
菩薩而說偈言

金剛慧能破汝今可選起十方佛世界
周遍有妙香與無量衆生安樂及歡喜
當來得成佛無上世間解

善男子尔時金剛智慧光明功德菩
薩聞是偈已其心歡喜即起合掌前
礼佛足去佛不遠復坐聽法善男子
尔時寶海梵志復白第五王子無所
畏言乃至發心亦復如是尔時王子

善梵志言我今所願不欲於此不淨
世界成阿耨多羅三藐三菩提願成
佛時世界之中無有地獄畜生餓鬼
其地純以紺琉璃寶廣說皆如蓮華
世界所有莊嚴尔時無畏王子手持
蓮華上寶藏佛作如是言世尊若我
所願成就得已利者以佛力故今在
佛前願我當得悉見種種莊嚴三昧
復願天雨種種蓮華大如車輪遍滿
十方如恒河沙世界微塵數等諸佛
國土亦令我等皆遙見之善男子無
畏王子說是言已以佛力故尋時即
得悉見種種莊嚴三昧天雨種種无
量蓮花大如車輪遍滿十方如恒河
沙等世界微塵等諸佛國土一切大
衆皆得遙見是事已得歡喜樂尔
時佛告無畏王子善男子乃能作是
甚深微妙之大願也取嚴淨佛土復
能悉得悉見種種莊嚴三昧願不虛
故天雨如是無量蓮華世尊若我所
願成就得已利者願此諸華悉住於
空不復墮落時寶藏佛告無畏王子
言善男子汝今速疾以諸蓮華印於

虛空是故号汝為虛空印尔時佛告
虛空印菩薩善男子汝於來世過一
恒河沙等阿僧祇劫入第二恒河沙
等阿僧祇劫於東南方去此佛土百
千万億恒河沙等世界彼有世界名
曰蓮華汝於是中當成阿耨多羅三
藐三菩提号蓮華尊如來應正遍知
明行足善逝世間解無上士調御丈
夫天人師佛世尊所有大衆純諸菩
薩摩訶薩等其數無量不可稱計其
佛壽命無量无边所願具足悉皆成
就尔時虛空印菩薩摩訶薩頭面礼
於寶藏如來即起合掌去佛不遠復
坐聽法尔時世尊為虛空印而說
偈言

善男子當知有人作已利能斷煩惱結
常令得寂靜所受持功德數如恒河沙
世界微塵等成就而不失汝於當來世
成就無上道亦如過去佛等無有老別
善男子虛空印菩薩聞是偈已心生
歡喜善男子尔時寶海梵志白第六
王子虛空言乃至發心亦復如是尔
時王子菴婆羅白佛言世尊我今所

第一七冊

悲花經第四卷 第五節

願不欲於此不淨世界成阿耨多羅三藐三菩提略說如虛空印所願世尊若我所願成就得已利者願令十方如恒河沙等世界之中自然而有七寶妙蓋在上虛空羅列而住純金為網以覆其上七寶為鈴垂以莊嚴其蓋寶鈴常出佛聲法聲比丘僧聲六波羅蜜及六神通十力無畏如是等聲世界眾生聞者尋發阿耨多羅三藐三菩提心已發心者即得不退轉寶鈴所出佛法僧聲乃至無所長聲悉聞十方世界虛空以佛力故乃得自聞世尊若我所願成就得已利者願我今者得知日三昧以三昧力故增益一切諸善根本得三昧已推願諸佛與我授阿耨多羅三藐三菩提記是時王子說是語已以佛力故即得知日三昧今時世尊讚王子言善哉善哉喜男子汝所願者甚深甚深以甚深功德因緣故尋時十方如恒河沙諸世界中自然而有七寶妙蓋於上虛空羅列而住純金為網以覆其上七寶為鈴悉以莊嚴其鈴常出佛法僧

悲花經第四卷 第六節

聲乃至無所長聲今時有百千億那由他眾生聞是聲已尋發阿耨多羅三藐三菩提心是故号汝為虛空日光明今時佛告虛空日光明菩薩摩訶薩汝於來世當成阿耨多羅三藐三菩提過一恒河沙阿僧祇劫入第二恒河沙等阿僧祇劫東方去此二恒河沙等佛刹有世界名曰日月汝於是中當成阿耨多羅三藐三菩提号法自在豐王如來應正遍知明行足善逝世間解無上士調御丈夫天人師佛世尊今時虛空日光明菩薩聞是記已即禮佛足今時世尊為虛空日光明而說偈言

善男子今起善哉自調御以淳淋大悲於一切眾生度脫今斷苦畢竟住彼岸智慧善分別今到無上道

善男子今時虛空日光明菩薩聞是偈已其心歡喜即起合掌前禮佛足去佛不遠復坐聽法

今時寶海梵志復白第七王子善辭言乃至發心亦復如是今時王子白佛言我今所願不欲於此不淨世界

悲花經第四卷 第七節

成阿耨多羅三藐三菩提願我來世所有世界無有地獄畜生餓鬼女人名字及以胎生須弥諸山大小鐵圍山陵埳阜石沙穢惡荆棘惡風木樹叢林大海江河日月晝夜闇冥臭處泉生等類無有便利涕唾汗垢身心不受諸不樂事焉瑀為地無諸塵土純有百千無量珍寶而莊嚴之无有諸草唯有好妙曼陀羅華種種寶樹以為校飾其實樹下有妙寶蓋復有種種寶衣華鬘諸寶瓔珞香華伎樂諸寶器物諸寶妙花以如是等校飾其樹世界之中無有晝夜以華開合而知時節諸菩薩等在金華中自然出生既得生已皆得悉見種種莊嚴三昧以三昧力故得見十方如微塵等諸世界中現在諸佛於此三昧一念之頃具足六通以天耳故悉聞十方如微塵等世界現在諸佛說法音聲以宿命智知過去世如一佛土微塵等劫宿世之事以天眼故悉見十方諸佛世界種種莊嚴以他心智故於一念中得知如一佛世界微塵數

等世界衆生心之所念乃至成阿耨多羅三藐三菩提終不失是三昧清且之時四方有風柔軟清淨吹微妙香及散諸華以風力故諸菩薩等從三昧起三昧起已即得如是如意通力以是力故於一念頃能到十方一方面如一佛土微塵數等諸佛世界供養現在諸佛世尊請受妙法即一念中還至本土無有罣闕諸菩薩等在曼陀羅華摩訶曼陀羅華臺之中結加趺坐思惟法門所謂欲得見我所在方面隨身所向悉令得見若於深法有疑滯者以見我故尋得除滅若有問義欲聽法者以見我故即得深解無有狐疑所有菩薩深解無我及無我所是故能捨身根命根一切必定不退於阿耨多羅三藐三菩提世界無有一切不善之名亦無受戒破戒之名毀戒悔過一切衆生其身皆有三十二相得那羅延力乃至成阿耨多羅三藐三菩提無有一人六根毀缺不完具者所有衆生即於生已騷騷自落服三法衣得善分別

三昧乃至阿耨多羅三藐三菩提終不中失諸衆生等悉得和合一切善根無有一人為老病所苦若諸菩薩命終之時結加趺坐入於火定自燒其身燒其身已四方清風吹其身舍利散在諸方無佛世界尋時變作摩尸寶珠如轉輪聖王所有寶珠若有衆生見觸之者悉令不墮三惡道中乃至涅槃不受諸苦即得捨身生於他方現在佛所請受妙法發阿耨多羅三藐三菩提心便不退轉所有衆生若命終時其心在定無有散亂不受諸苦愛別離等命終之後不墮八難無佛之世乃至成阿耨多羅三藐三菩提常得見佛請受妙法供養衆僧一切衆生離於貪欲瞋恚愚癡愚愛嫉妬無明憍慢世界無有聲聞緣覺所有大衆純諸菩薩摩訶薩等充滿其國其心柔軟無有愛濁堅固不退於阿耨多羅三藐三菩提得諸三昧世界純有清淨光明十方如微塵等諸佛世界悉皆得聞我之世界我思所有微妙之香悉遍十方如微塵等

諸佛世界我界衆生常得快樂未曾聞有受苦之聲世尊我行菩薩道時不作齊限我今要當莊嚴如是清淨佛土衆生之類皆使清淨遍滿其國然後乃成阿耨多羅三藐三菩提世尊我成阿耨多羅三藐三菩提當出無量无边光明照於十方如千佛刹微塵數等諸佛世界令彼衆生悉還見我三十二相即時得漸貪欲瞋恚愚癡嫉妬無明憍慢一切煩惱發阿耨多羅三藐三菩提心如其所求得陀羅尼三昧忍辱以見我故寒冰地獄所有衆生悉得煖樂辟如菩薩入第二禪以見我故身心受於第一妙樂發阿耨多羅三藐三菩提心若其命終要當生我佛之世界生已即得不退轉於阿耨多羅三藐三菩提熱地獄等畜生餓鬼亦復如是諸天所見光明一倍令我壽命無量无边無能數者除一切智世尊我成阿耨多羅三藐三菩提已令十方無量无边阿僧祇世界現在諸佛稱讚於我其餘衆生若得聞是稱讚我聲願作善

法華經第四卷 第二二

根速生我國命終之後必生我國唯除五逆毀壞正法誹謗聖人等事我成阿耨多羅三藐三菩提已十方無量无边阿僧祇世界中所有眾生若聞我聲發願欲生我世界者是諸眾生臨命終時悉令我與諸大眾前後圍遶我於今時入無鬻三昧以三昧力故現在其前而為說法以聞法故尋得斷除一切苦惱心大歡喜其心喜故得實實三昧以三昧力故令心得念及無生忍命終之後必生我界若餘世界諸眾生等無有七財不欲修集行於三乘不欲生於人中者亦不修行一切善根及三福家非法行汙受者惡欲專行邪見如是眾生願我入於無燒惱三昧以三昧力故彼諸眾生若命終時我與大眾而住其前為說妙法復為示現佛土所有又勸令發阿耨多羅三藐三菩提心眾生聞已即於我所心生深信歡喜安樂尋發阿耨多羅三藐三菩提心令彼眾生得斷苦惱斷苦惱已便得日燈光明三昧斷於癡闇命終

法華經第四卷 第二二

之後尋生我界今時實說如來讚言善哉善哉汝今乃能作微妙之大願也世尊若我所願成就得已利者願令十方如微塵等諸佛世界悉雨曼陀羅婆羅香并栴檀香牛頭栴檀香種種末香若有眾生在在處處聞是香者悉發阿耨多羅三藐三菩提心令我今者得金剛願三昧以三昧力故悉得遙見諸世界中所雨諸香善男子今時王子說是言已尋得三昧自見十方如微塵數等諸佛世界所有諸香曼陀羅婆羅香牛頭栴檀種種末香及見一方面有不可計諸眾生等恭敬又手發阿耨多羅三藐三菩提心實說如來告王子言善男子汝之所願已得成就天雨種種微妙香已有不可計眾生恭敬又手發阿耨多羅三藐三菩提心是故汝為師子香汝於來世過一恒河沙等阿僧祇劫入第二恒河沙等阿僧祇劫上方去此四十二恒河沙世界微塵數等諸佛世界有世界名青香光明無垢汝於彼土當得成阿耨多羅三

法華經第四卷 第二二

藐三菩提号光明無垢堅香豐王如來應供正遍知明行足善逝世間解無上士調御丈夫天人師佛世尊善男子今時師子香菩薩禮寶藏如來頭面著地今時如來為師子香菩薩而說偈言
天人師起 受諸供養 度脫生死 令離苦惱 斷諸結縛 及諸煩惱 來世當作 天人之尊
善男子今時師子香菩薩聞是偈已心大歡喜即起合掌去佛不速復坐聽法
善男子今時寶海梵志復白第八王子泐伽言乃至發心亦復如是今時王子前白佛言世尊我今所願要當於是不淨世界修菩薩道復當修治莊嚴十千不淨世界令其嚴淨如青香光明無垢世界亦當教化無量菩薩令心清淨无有垢穢皆趣大乘志使充滿我之世界然後我當成阿耨多羅三藐三菩提世尊願我修行菩薩道時要當勝於餘諸菩薩世尊我己於七歲之中端坐思惟諸佛菩薩

清淨功德及種種莊嚴佛土功德是時即得悉見種種莊嚴三昧等乃一千菩薩三昧增進修行世尊若未來諸菩薩等行菩薩道時亦願悉得如是三昧世尊願我得出離三世勝幢三昧以三昧力故悉見十方無量元邊諸佛世界在在處處現在諸佛出離三世為諸眾生說於正法世尊願我得不退三昧以三昧力故於一念中悉見如微塵等諸佛菩薩及諸聲聞恭敬圍繞願我於此一一佛所得無依止三昧以三昧力故作變化身一時遍至如一佛界微塵數等諸如來所供養禮拜願我一身以種種無上珍寶花香塗香末香妙勝伎樂種種莊嚴供養一一諸佛世尊願我一身於一一佛所如大海水滂等劫行菩薩道願我得一切身變化三昧以三昧力故於一念中在一一佛前知如一佛土微塵數等諸佛世界世尊願我得功德力三昧以三昧力故於一一佛前遍到如一佛土微塵數等諸世尊所以微妙讚歎讚歎諸佛

世尊願我得不响三昧以三昧力故於一念中悉見諸佛遍滿十方無量元邊世界之中世尊願我得無諍三昧以三昧力故於一念中悉見過去未來現在諸佛所有淨妙世界世尊願我得首楞嚴三昧以三昧力故作地獄之身入地獄中與地獄眾生說微妙法勸令發阿耨多羅三藐三菩提心彼諸眾生聞是法已尋發无上菩提之心即便命終生於人中隨所生處常得值佛隨所值佛而得聽法聽受法已即得住於不退轉地乳閻婆阿修羅迦樓羅緊那羅摩睺羅伽人非人等天龍鬼神夜叉羅刹毗舍遮富單那伽吒富單那屠然魁膾商賈姪女畜生餓鬼如是等眾亦復如是皆令發阿耨多羅三藐三菩提心有諸眾生隨所生處得諸色像我分之身如業所作隨受苦樂及諸工巧願我變化作如是身隨其所作而教化之世尊若有眾生各各異音願我隨其種種音聲而為說法各令歡喜因其歡喜勸發安止令其不退於

阿耨多羅三藐三菩提世尊我要當教十千佛土所有眾生令心清淨無有行業煩惱諸毒乃至不令一人屬於四魔何況多也若我莊嚴十千佛土如是清淨如光明無垢尊香王佛青香光明無垢世界所有種種微妙莊嚴然後我身及諸眷屬乃當如彼師子香菩薩之所願也世尊若我所願成就得已利者當令十千諸佛世界所有眾生斷諸苦惱得柔軟心得調伏心各各自於四天下早見佛世尊現在說法一切眾生自然而得種種珍寶華香末香及以塗香種種衣服種種幢幡各各以用供養於佛供養佛已悉發無上菩提之心世尊我等今者以悉得見種種莊嚴三昧力故皆得遙見如是諸事作是語已尋如所願悉得見之今時世尊讚阿彌具言善哉善哉善男子汝今世界周匝四面一萬佛土清淨莊嚴於未來世復當教化無量眾生令心清淨復當供養無量元邊諸佛世尊善男子以是緣故今汝字名為普賢於未

蓮花經第四卷 第十七種 初

來世過一恒河沙等阿僧祇劫入第二恒河沙等阿僧祇劫未後分中於北方界去此世界過六十恒河沙等佛土有世界名知水善淨功德汝當於中成阿耨多羅三藐三菩提智剛吼自在相王如來應正遍知明行足善逝世間解無上士調御丈夫天人師佛世尊善男子今時普賢菩薩摩訶薩頭面著地禮寶藏佛今時如來即為普賢菩薩而說偈言

汝起善導師已得如所願善能調眾生皆令得一心度於煩惱河及脫諸惡法來世作燈明諸天世人師

善男子今時會中有十千人心生懸怠異口同音作如是言世尊我等來世即於如是嚴淨佛土成阿耨多羅三藐三菩提所謂普賢菩薩所修清淨諸世界也世尊我等要當具足修六波羅蜜以具足六波羅蜜故各各於諸佛土成阿耨多羅三藐三菩提善男子今時寶藏如來即便為是十千人等授阿耨多羅三藐三菩提記善男子普賢菩薩成阿耨多羅三藐三

蓮花經第四卷 第十八種 初

菩提時汝等當於普賢菩薩所修清淨佛土中一時成阿耨多羅三藐三菩提有一千佛同智熾尊音王如來應供正遍知明行足善逝世間解無上士調御丈夫天人師佛世尊復有千佛同智增相尊音王復有千佛同智善無垢尊音王復有千佛同智離怖畏尊音王復有千佛同智善無垢尊音王復有千五百佛同智音王復有五百佛同智日寶藏尊音王復有五佛同智樂音尊音王復有二佛同智日光明復有四佛同智龍自在復有八佛同智離恐怖稱王光明復有十佛同智離音光明復有八佛同智音聲稱復有十一佛同智顯露法音復有九佛同智功德法稱王復有二上佛同智不可思議王復有四十佛同智寶幢光明尊音王復有一佛同智尊想王復有七佛同智不可思議音復有三佛同智智藏復有十五佛同智智山幢復有五十佛同智智海王復有三十佛同智大力尊音王復有二佛同智山功德劫復有八

十佛同智清淨智勤復有九十佛同智尊相種王復有百佛同智善智無垢雷音尊音王復有八十佛同智勝尊大海功德智山力王復有四十佛同智無上菩提尊音王復有二佛同智智覺山華王復有二佛同智功德山智覺復有三佛同智金剛師子復有二佛同智持戒光明復有二佛同智亦現增益復有一佛同智無量光明復有三佛同智師子遊戲復有二佛同智無盡智山復有二佛同智寶光明復有二佛同智無垢智慧復有九佛同智智慧光明復有二佛同智師子稱復有二佛同智功德通王復有二佛同智雨法華復有一佛同智造光明復有一佛同智增益王復有一佛同智出法無垢王復有一佛同智香尊王復有一佛同智無垢目復有一佛同智太寶藏復有一佛同智力無障闍王復有一佛同智自知功德力復有一佛同智衣服知足復有一佛同智得自在復有一佛同智無障闍利益復有一佛同智智慧藏復有一佛同智大山王復有一佛同智

力截復有一佛号求功德復有一佛号華幢枝復有一佛号衆光明復有一佛号無癡功德王復有一佛号金剛上復有一佛号曰法相復有一佛号尊音王復有一佛号堅持金剛復有一佛号珍寶自在王復有一佛号堅自然幢復有一佛号山劫復有一佛号雨娛樂復有一佛号增益善法復有一佛号娑羅王復有二佛同号功德遍滿大海功德王復有一佛号智慧和合復有一佛号智熾復有一佛号華衆復有一佛号世間尊復有一佛号優曇鉢華幢復有一佛号法幢自在王復有一佛号栴檀王復有一佛号善住復有一佛号精進力復有一佛号幢等光明復有一佛号曰智步復有一佛号曰海幢復有一佛号滅法攝復有一佛号壞魔王復有一佛号衆光明復有一佛号出智光明復有一佛号曰慧燈復有一佛号安隱王復有一佛号曰智音復有一佛号幢攝取復有一佛号天金剛復有一佛号種種莊嚴王復有一佛号

無勝智復有一佛号善住意復有一佛号月王復有一佛号無勝步自在王復有一佛号娑憐陀王復有八十佛同号師子步王復有五十佛同号郵羅延無勝截復有七十佛同号集珍寶功德復有三十佛同号光明截復有二佛同号分別星宿稱王復有二佛同号功德力娑羅王復有九十佛同号微妙音復有一佛号曰梵增復有一佛号提頭賴吒王復有千佛同号蓮華香擇攝尊王復有六十佛同号光明熾渚王復有三十佛同号蓮華香力增復有二佛同号無量功德大海智增復有一佛号闍浮陞復有一百二佛同号功德山幢復有一佛号師子相復有一百一佛同号龍雷尊花光明王復有一佛号善趣種無我甘露功德王劫復有千佛同号離法智龍三解脱覺世界海眼山王皆有十号如來應正遍知明行足善逝世間解無上士調御丈夫天人師佛世尊如是等佛同共一日一時各各於諸世界成阿耨多羅三藐三菩提

壽命各十中劫卿等涅槃亦同一日般涅槃已所有正法七日即滅善男子尔時十千人向寶藏佛頭面作礼尔時世尊為十千人而說偈言
龍王汝起 堅固自在 無上善願
清淨和合 卿等用意 疾如猛風
精勤修學 六波羅蜜 來世必成
天人之尊
善男子尔時十千人聞是偈已心生歡喜即起合掌前礼佛足去佛不遠復坐聽法善男子尔時寶海梵志復白第九王子室蘇言乃至發心亦復如是尔時王子前白佛言世尊我行菩薩道時願十方如恒河沙等世界所有現在諸佛為我作證今於佛前發阿耨多羅三藐三菩提心世尊願我行菩薩道時乃至成佛於其中間不生悔心乃至成佛常住一心無有退轉如說而行如行而說乃至无有一人來惱我心更不求於聲聞緣覺不起婬欲惡想之心其心不與睡眠憍憍疑悔等共亦復不生貪婬盜妄言兩舌惡口綺語貪恚邪見嫉妬憍法

法苑珠林卷之四 第三十頌

欺誑之心我修苦薩道乃至成阿耨多羅三藐三菩提中間不生如是等法乃至成阿耨多羅三藐三菩提行時步步心心數法常念諸佛得見諸佛諮受妙法供養眾僧於諸生處常願出家當出家時即得成就糞掃三衣常在樹下獨坐思惟住何蘭若常行乞食不取利養行於知足常講說法成就無量無障閻辯不犯大罪不以我相為女人說法若說法時恒以空相其心常念空無之法拱手端坐亦不露齒若有學習大乘之人而於其所起世尊想恭敬供養所聞法象亦起佛想於諸沙門婆羅門中故生恭敬供養尊重除佛世尊於諸眾中不生分別此是福田此非福田而行布施願我於法施人所生嫉妬心若有眾生應被刑戮願我捨命以救護之若有眾生犯於諸罪願我以力言說錢財而拔濟之令得解脫若有在家出家之人有諸罪過願不發露顯現於人於諸利養名譽等中而常遠離如避火坑刀劍毒樹世尊若我

法苑珠林卷之四 第三十一頌

此願乃至成阿耨多羅三藐三菩提已悉得成就如今佛前之所願者令我兩手自然而有一輪天輪不待光明如火猛焰善男子是時王子說是語已其兩手中即尋各有一千輻輪如說而得世尊若我所願成就逮得已利成阿耨多羅三藐三菩提者我今遣此千輻天輪至於無佛五濁世界是輪當作如是大聲遍滿佛土如難陀龍王優波難陀龍王作大音聲遍滿世界其輪音聲亦復如是所謂菩薩受記音聲不失專念智慧之聲修學空法諸佛所有法藏之聲若有眾生在在處處聞是法聲即時得斷貪欲瞋恚愚癡憍慢慳吝嫉妬而得寂靜思惟諸佛甚深智慧發阿耨多羅三藐三菩提心善男子余時王子即遣二輪辭如諸佛神足捷疾其輪去疾亦復如是遍至十方無佛惡世為諸眾生出諸菩薩受記音聲不失專念智慧之聲修學空法諸佛所有法藏之聲在在處處諸眾等聞是法音即便得斷貪欲瞋恚愚癡

法苑珠林卷之四 第三十二頌

憍慢慳吝嫉妬而得寂靜思惟諸佛甚深智慧發阿耨多羅三藐三菩提心其輪更還來在此王子前住善男子今時實歲如來讚王子言善哉善哉善男子汝行苦薩道所發善願無上東妙遣此天輪至於無佛五濁之世令無量無邊阿僧祇億百千眾生安止住於無穢濁心心無惱害勤化發於阿耨多羅三藐三菩提以是故今改汝名為阿閼於未來世當為世尊汝今當於佛前如心所喜願取種種莊嚴佛土
今時阿閼白佛言世尊我今所願如是種種莊嚴佛土令我世界純金為地地平如掌多有種種諸天妙寶遍滿其國無有山陵培阜土沙礫石荆棘之屬其地柔軟辟如天衣行時足下踏入四寸舉足還復無有地獄畜生餓鬼不淨臭穢能有諸天微妙上香及曼陀羅摩訶曼陀羅華遍滿其國所有眾生無有老病各自在不相畏怖常不惱他命不中殃臨捨命時心無悔恨其心決定無有錯亂繫

念思惟諸佛如來若命終已不墮惡道不生無佛五濁惡世乃至成阿耨多羅三藐三菩提常得見佛諮受妙法供養眾僧所有眾生薄婬怒癡皆行十善世界無有種種工巧無有犯罪及犯罪名亦无天魔諸留難事眾生受形無有惡色亦不分別尊卑高下一切眾生深解無我及無我所聲聞菩薩乃至夢中不失不淨眾生常樂求法聽法無有一人生於倒見亦無外道眾生无有身心疲極皆得五通無有飢渴諸苦惱事隨所喜樂種種食飲即有寶器自然在手有種種食猶如欲界所有諸天無有涕唾便利之患痲癢汗淚亦無寒熱常有柔軟香風觸身此風香氣微妙具足薰諸天人不須餘香如是香風隨諸天人所求冷溫皆使滿足又復有求優鉢羅華香風又復有求優陀娑羅香風有求沉水香風有求多伽羅香風有求阿伽羅香風有求種種香風如所希望於發心時皆得成就除五濁世願我國土有七寶樓其實樓中敷

七寶牀茵摩丹枕細滑柔軟猶如天衣眾生處此寶樓牀楡皆悉歡樂其樓四邊有好池水其水具足有八功德眾生隨意而取用之其國多有金多羅樹種種華果妙香具足上妙寶衣種種寶蓋真珠瓔珞而以莊嚴諸眾生等隨意所喜妙寶衣服即於樹上自恣取著華果香等亦復如是世尊願我菩提之樹純是七寶高千由旬樹莖周匝滿一由旬枝葉縱廣滿千由旬常有微風吹菩提樹其樹則出六波羅蜜根力覺道微妙之聲若有眾生聞此妙聲一切皆得離於欲心所有女人成就一切諸妙功德猶如兜術天上天女無有婦人諸不淨事兩舌慳慳嫉妬覆心不與男子漏心交通若諸男子發婬欲心至女人所以愛心視須臾之間便離欲心自生厭離即便還去尋得清淨無垢三昧以三昧力故於諸魔縛而得解脫更不復生惡欲之心如是女人若見男子有愛欲心便得妊身亦得離於婬欲之想當妊身時若懷男女身心

無有諸苦惱事常受快樂如切利天人身心所愛上妙快樂女人懷妊七日七夜所受快樂亦復如是亦如比丘入第二禪處胎男女不為一切不淨所汙滿足七日即便出生當其生時受諸快樂有微妙音女人產時亦無諸苦如是母子俱共入水洗浴其身是時女人得如是念以念力故尋得離欲清淨三昧以三昧力故其心常定於諸魔縛而得解脫若有眾生宿業成就應無量世作女人身以定力故得離女身乃至涅槃一切女業永滅無餘更不復受或有眾生宿業成就於無量億劫應處胞胎受苦惱者願我成阿耨多羅三藐三菩提已聞我名字即生歡喜生歡喜已即便命終慶胎即生我之世界尋於生已所受胎分永盡无餘乃至成阿耨多羅三藐三菩提更不受胎或有眾生多善根者尋便得來至我世界蓮華中生或有眾生少善根者要當慶胎或受女人而生我界然後乃得永盡胎分所有眾生一向純受微妙快樂

微風吹此金多羅樹出微妙聲所謂

此花經第四卷 第三十條

此花經第四卷 第三十條

苦空無我无常等聲聞是聲者皆得
光明三昧以三昧力故得諸空定甚
深三昧世界無有煙欲相聲世尊我
坐菩提樹下於一念中成阿耨多羅
三藐三菩提已願我世界無有日月
光明晝夜差別除華開合我成阿耨
多羅三藐三菩提已當以光明遍照
三千大千世界以光明力故令諸眾
生悉得天眼以天眼故得見十方無
量无边諸佛世界在在處處諸佛世
尊現在說法世尊我成阿耨多羅三
藐三菩提已說於正法令此音聲遍
滿三千大千世界眾生聞者得念佛
三昧眾生成有行住迴轉隨所方面
常得見我若於諸法有疑滯處以見
我故即得斷疑世尊我成阿耨多羅
三藐三菩提已十方無量无边阿僧
祇諸佛世界在在處處所有眾生若
學聲聞若學緣覺若學大乘聞我名
者命終要來生我世界若聲聞人聞
我法者得八解脫阿羅漢果學大乘
人聞我法者得深法忍陀羅尼門及

諸三昧不退轉於阿耨多羅三藐三
菩提得無量聲聞以為眷屬其數無
邊無能數者唯除諸佛世尊我成阿
耨多羅三藐三菩提隨所至方舉下
足處即有千葉金蓮華生其華微妙
有大光明我當遣至無佛之處稱讚
我名若有眾生於此華中得聞稱讚
我名字者尋生歡喜種種善根欲生
我國願命終時悉皆來生我諸大衆
出家之人遠離諂曲妬嫉訶欺沙門
之垢尊重於法於諸所須名譽利養
心不貴重常樂苦空无常無我常勤
精進尊法依僧若諸菩薩得不退者
皆悉令得就兩三昧以三昧力故為
眾生成佛若波羅蜜令離生死乃至
成佛於其中間所可說法不忘不失
世尊我成佛已壽命住世十十大劫
般涅槃後正法住世滿一千劫余時
如來讚阿闍言善哉善哉善男子汝
今已取清淨世界汝於來世過一恒
河沙等阿僧祇劫入第二恒河沙等
阿僧祇劫東方去此十佛世界彼有
世界名曰妙樂所有莊嚴如汝所願

皆悉具足汝於是中當成阿耨多羅
三藐三菩提猶如阿闍如來應正遍
知明行足善逝世間解無上士調御
丈夫天人師佛世尊余時阿闍菩薩
白佛言世尊若我所願成就得已利
者一切世間陰界諸入所攝眾生皆得
慈心無恚無想及諸穢濁身心快樂猶
如十住諸菩薩等處蓮華上結加跏
坐三昧正受以三昧力令心無垢是
諸眾生身心快樂亦復如是我今頭
面敬禮於佛唯願此地有金色光
善男子余時阿闍菩薩以頭面敬禮
佛足是時一切無量眾生身心即得
受大快樂其地亦有金色光明余時
寶藏如來為阿闍菩薩而說偈言
尊意且起 汝今以令 一切衆心
心無忿怒 復於衆生 生大悲心
兩手各得 天千輪輪 淨意當來
為天人尊
善男子余時阿闍菩薩聞是偈已心
大歡喜即起合掌前禮佛足去佛不
遠復坐聽法
悲華經卷第四
癸卯歲高麗國大華都監奉
勅彫造

悲華經卷第五

北凉天竺三藏曇無讖譯

諸菩薩本授記品第四之三

佛告寂意菩薩善男子。今時寶海梵志復白。第十王子軟心言。乃至發心亦復如是。王子所願皆如阿闍菩薩所願。白佛言。世尊。若我所願成就。得已利者。令一切眾生悉得思惟。諸佛境界。手中自然生栴檀香。優陀婆羅香。以此諸香供養諸佛。

爾時寶藏如來讚王子言。善哉善哉。善男子。汝所願者甚奇特。汝願眾生手中自然有栴檀香。優陀婆羅香。志得思惟。諸佛境界。繫念清淨。以是故。今改汝字號為香手佛告香手善男子。未來之世。過一恒河沙等阿僧祇劫。入第二恒河沙等阿僧祇劫後。分之中。阿闍如來般涅槃後。正法滅盡。過七日已。汝於是時當成阿耨多羅三藐三菩提。其佛世界故名妙樂佛。名金華如來。應正遍知。明行足。善逝。世間解。無上士。調御丈夫。天人師。佛。

○悲華經

悲華經卷第五 第三張 駒

世尊。今時香手菩薩復作是言。世尊。若我所願成就。得已利者。今我禮佛。此閻浮園。周匝當雨。諸唐葡萄華。善男子。今時香手菩薩於寶藏佛前。頭面著地。是時閻浮園中。如其所言。周匝遍雨。諸唐葡萄華。今時寶藏如來為香手菩薩而說偈言。

尊妙功德 善趣汝起 如心所願 雨唐葡萄 度脫無量 一切眾生 亦諸善道 令至元畏

善男子。今時香手菩薩聞是偈已。心大歡喜。即起合掌。前禮佛足。去佛不遠。復坐聽法。

善男子。今時寶海梵志復白。第十一王子。譬如汝言。乃至發心。亦復如是。王子所願。亦如香手菩薩所願。今時師子王子。以珍寶幢。供養寶藏如來。時佛即讚師子王子言。善哉善哉。善男子。汝今以此寶幢供養。是故。汝名為寶相佛。告寶相未來之世。過一恒河沙等阿僧祇劫。入第二恒河沙等阿僧祇劫後。分之中。妙樂世界。金華如來般涅槃後。正法滅已。過三中。

悲華經卷第五 第三張 駒

劫妙樂世界。轉名月勝。汝於是中當成阿耨多羅三藐三菩提。號龍自在尊音。王如來。應正遍知。明行足。善逝。世間解。無上士。調御丈夫。天人師。佛。世尊。彼佛世界。所有莊嚴。如妙樂世界等。無差別。今時寶相菩薩。前白佛言。世尊。若我所願成就。得已利者。我今頭面禮於佛足。令一切眾生得如是念。猶如菩薩住無諂。三昧。一切眾生得大利益。生於大悲。發菩提心。善男子。今時寶相菩薩在寶藏佛前。頭面著地。一切眾生悉得如是。無諂三昧。得大利益。生於大悲。發菩提心。今時寶藏如來為寶相菩薩而說偈言。

善意勤起 已於我前 為諸眾生 善作大誓 能大利益 無量眾生 令心無垢 是故來世 得成為佛 天人之尊

善男子。今時寶相菩薩聞是偈已。心大歡喜。即起合掌。前禮佛足。去佛不遠。復坐聽法。今時摩闍婆王子等五百王子。作如。

悲花經卷三 第四張

是願願得如是種種莊嚴功德佛土
 皆如虛空印菩薩摩訶薩所修淨土
 亦時寶藏如來皆為一一授阿耨多
 羅三藐三菩提記同共一時各於餘
 國成無上道如虛空印菩薩摩訶薩
 復次四百王子作是普願願取莊嚴
 淨妙佛土皆如金剛智慧光明菩薩
 摩訶薩亦時寶藏如來亦為一一授
 阿耨多羅三藐三菩提記同共一時
 各於異國成無上道如金剛智慧光
 明菩薩摩訶薩復次八十九王子又
 作是願願取如是莊嚴佛土如普賢
 菩薩摩訶薩所修佛土等無差別
 亦時八萬四千小王各各別異作殊
 勝願人人自取種種莊嚴上妙佛土
 亦時寶藏如來各各與授阿耨多羅
 三藐三菩提記當來之世各在餘國
 同共一時成無上道亦時九十二億
 眾生亦各發願取種種莊嚴勝妙佛
 土時寶藏如來一切皆與授阿耨多
 羅三藐三菩提記汝等來世於餘國
 土同共一時成無上道善男子亦時
 寶藏梵志有八十子即是寶藏如來

悲花經卷三 第五張

之兄弟也其取長子名海地尊善男
 子亦時寶藏梵志告其長子言汝今
 可取微妙清淨莊嚴佛土其子答言惟
 願尊者先師子乳其父告言我之所
 願當取後說其子復言我今所願當
 取清淨不清淨耶父復答言若有善
 薩成就大悲亦乃取於不清淨世界
 何以故欲善調伏眾生始故如是之
 事汝自知之善男子亦時海地尊至
 寶藏如來所在於佛前白佛言世尊
 我願阿耨多羅三藐三菩提若人有
 壽八萬歲時如今佛世亦乃成阿耨
 多羅三藐三菩提我今又願令我國
 土所有眾生薄婬恚癡厭離身心怖
 畏生死見其過患來至我所出家學
 道我於亦時為諸眾生說三乘法世
 尊若我所願成就得已利者惟願世
 尊授我阿耨多羅三藐三菩提記亦
 時寶藏如來告海地尊言善男子未
 來之世過一恒河沙等阿僧祇劫入
 第二恒河沙等阿僧祇劫是時有劫
 名曰遍數優鉢羅華此佛世界當名
 願愛是時人民壽八萬歲汝於是中

悲花經卷三 第六張

成阿耨多羅三藐三菩提號曰寶山
 如來應正遍知明行足善逝世間解
 無上士調御丈夫天人師佛世尊亦
 時海地尊復作是言世尊若我所願
 成就得已利者此閻浮園周匝當雨
 赤色真珠一切樹木自然皆出微妙
 伎樂善男子時海地尊在寶藏佛前
 頭面作禮當爾之時其園周匝兩赤
 真珠一切樹木皆出種種微妙伎樂
 亦時寶藏如來即為摩納而說偈言
 大力汝起 無量智藏 慈悲眾生
 作大利益 所願清淨 今得成就
 當為眾生 作天人師
 善男子亦時海地尊聞是偈已心大
 歡喜即起合掌前禮佛足去佛不遠
 復坐聽法梵志第二子名曰三婆婆
 白佛言世尊我今所願如海地尊之
 所願也亦時寶藏如來便告三婆婆
 言未來之世優鉢羅華劫中願受世
 界人壽轉多八十億歲汝當於中得
 成阿耨多羅三藐三菩提號曰日華
 如來應正遍知明行足善逝世間解
 無上士調御丈夫天人師佛世尊第

三子所得世界亦復如是人壽二千
 歲時成阿耨多羅三藐三菩提號火
 音王如來乃至天人師佛世尊第四
 成佛號須臾那第五成佛號持戒王
 第六成佛號善持目第七成佛號梵
 增益第八成佛號閻浮影第九成佛
 號雷樓那第十成佛號曰勝妙十一
 成佛號曰寶山十二成佛號曰海藏
 十三成佛號那羅延十四成佛號曰
 尸棄十五成佛號南無屈十六成佛
 號曰覺尊十七成佛號憍陳如十八
 成佛號師子力十九成佛號曰智幢
 二十成佛號音聲二十一成佛號尊
 勝佛二十二成佛號離世尊佛二十
 三號利益佛二十四號智光明佛二
 十五號師子尊佛二十六號寂靜智
 佛二十七號難陀佛二十八號巨拘
 羅王佛二十九號金色目佛三十號
 得自在佛三十一號曰樂佛三十二
 號寶勝佛三十三號善目佛三十四
 號梵善樂佛三十五號梵仙佛三十
 六號梵音佛三十七號法月佛三十
 八號示現義佛三十九號稱樂佛四

十號增益佛四十一號端嚴佛四十
 二號善香佛四十三號眼勝佛四十
 四號善觀佛四十五號攝取義佛四
 十六號善意願佛四十七號勝慧佛
 四十八號金幢佛四十九號善目佛
 五十號天明佛五十一號淨飯佛五
 十二號善見佛五十三號毗琉璃幢
 佛五十四號毗樓博叉佛五十五號
 梵音佛五十六號功德成就佛五十
 七號有功德淨佛五十八號寶光明
 佛五十九號摩尼珠佛六十號釋迦
 文尼佛六十一號音尊王佛六十二
 號智和合佛六十三號勝尊佛六十
 四號成華佛六十五號善華佛六十
 六號無怒佛六十七號曰藏佛六十
 八號尊樂佛六十九號曰明佛七十
 號龍得佛七十一號金剛光明佛七
 十二號稱三佛七十三號常光明佛
 七十四號相光明佛七十五號刑尼
 輸佛七十六號智成就佛七十七
 號音王佛七十八號婆羅王那羅延
 藏佛七十九號火藏佛善男子余時
 梵志其取小子名離怖惱在佛前住

白佛言世尊是七十九人佛今已為
 現前授記於遍敷優鉢羅華劫願受
 世界人壽轉多時成阿耨多羅三藐
 三菩提世尊我今佛前發阿耨多羅
 三藐三菩提心優鉢羅華劫後分之中
 成阿耨多羅三藐三菩提時如七十
 九佛所得壽命願我壽命亦復如是
 如七十九佛所度眾生我所度眾生
 亦復如是如七十九佛三乘法我
 亦如是說三乘法如七十九佛聲聞
 弟子眾數多少我之所得眾數多少
 亦復如是是七十九佛於優鉢羅華
 劫所可教化無量眾生使受人身未
 得度者我於末劫成阿耨多羅三藐
 三菩提已志當教化令住三乘世尊
 若我所願成就得已利者惟願世尊
 授我阿耨多羅三藐三菩提記善男
 子余時實藏佛即讚離怖惱言善哉
 善哉善男子汝今乃為無量眾生
 大悲心善男子未來之世過一恒河
 沙等阿僧祇劫入第二恒河沙等阿
 僧祇劫是中有劫名優鉢羅華後分
 之中汝當成阿耨多羅三藐三菩提

善心慈悲 導師可起 諸佛世尊

號無垢燈出王如來應正遍知明行

足善逝世間解無上士調御丈夫天

人師佛世尊七十九佛所得壽命都

合半劫汝之壽命亦得半劫如前所

願悉得成就爾時離怖惱菩薩復作

是言世尊若我所願成就得已利者

我今頭面敬礼於佛令此世界周而

遍雨優鉢羅華微妙之香若有眾生

聞此香者身諸四大清淨無穢調適

和順一切痛苦悉得除愈善男子尔

時離怖惱菩薩說是言已尋以頭面

敬礼佛足尔時此佛世界尋時遍雨

優鉢羅華微妙之香眾生聞者身諸

四大清淨無穢調適和順一切痛苦

悉得除愈寶藏如來為是菩薩而說

偈言

善心慈悲 導師可起 諸佛世尊

咸稱讚汝 能斷堅牢 諸煩惱結

當來成善 淨智慈藏

善男子尔時離怖惱菩薩聞是偈已
心大歡喜即起合掌前礼佛足去佛
不遠復坐聽法
善男子尔時寶海梵志有三德弟子

在園門外一處而坐教餘眾生受三

歸依令發阿耨多羅三藐三菩提心者

善男子尔時梵志勸諸弟子作如是

言汝等今者應發阿耨多羅三藐三

菩提心取佛世界今於佛前如心所

求便可說之是三億人中有一人名

曰樹提作如是言尊者六何菩提六

何助菩提法云何菩薩修行菩提士

何繫念得於菩提尔時其師報言摩

納如汝所問菩提者即是菩薩之所

修集四無盡藏何等為四所謂元盡

福德藏元盡智藏無盡慧藏元盡佛

法和合藏善男子是名菩提摩納如

佛所說助菩提法所謂攝取助清淨

度生死法門善男子捨財即是助菩

提法以調伏眾生故持戒即是助菩

提法隨其所願得成就故忍辱即是

助菩提法三十二相八十種隨形好

具足故精進即是助菩提法具足一

切諸事故禪定即是助菩提法其心

當得善調伏故智慧即是助菩提法
以知一切諸煩惱故多聞即是助菩
提法得無閼辯故福德即是助菩提

法一切眾生之所須故智即是助菩

提法成就無閼智故寂滅即是助菩

提法系軟善心得成就故思惟即是

助菩提法成就斷疑故慈心即是助

菩提法成就無閼心故悲心即是助

菩提法教化眾生无厭足故喜心即

是助菩提法於正法中生愛樂故捨

心即是助菩提法成就斷於愛憎法

故聽法即是助菩提法成就滅五蓋

故出世即是助菩提法成就捨除一

切世間故阿蘭若是助菩提法所作

不善滅使不生所有善根多增長故

念是助菩提法成就護持故意是助

菩提法成就分別諸法故持是助菩

提法成就思議甯醒故念象即是助

菩提法分別身受心法成就故正勤

即是助菩提法以離一切不善法修

行一切善法增廣故如意足是助菩

提法成就身心輕利故諸根即是助

菩提法攝取諸根成就故諸力即是

助菩提法摧滅一切煩惱故覺是助
菩提法覺知實法故六和即是助菩
提法調伏眾生令清淨故摩納是名

攝取助清淨度生死法門樹提復言
尊者如佛所說布施果報即是大富得
大眷屬護持禁戒得生天上廣博多
聞得大智慧又如佛說思惟之法得
度生死師復報言摩納若樂生死故行
布施是故大富摩納若善男子善女人
心向菩提為心調伏故行布施為心
寂靜故持禁戒為心清淨無有愛濁
故求多聞為大悲故思惟修道其餘
諸法智慧方便成就助求摩納是名
助菩提法如是修行即是繫念得菩
提也摩納如是菩提今應生欲是道
清淨應專心作願是道無濁心清淨
故是道正直無有諂曲斷煩惱故是
道安隱乃至能到涅槃城故汝等今
應作大善願取莊嚴佛土隨意所求
淨及不淨善男子尔時樹提摩納在
寶藏佛前右膝著地長跪叉手前白
佛言世尊我今發阿耨多羅三藐三
菩提心此不淨世界所有眾生少於貪
婬瞋恚愚癡不犯非法心無愛濁无
怨賊想捨離慳嫉妬之心離邪見
心安住正見離不善心求諸善法離

三惡心求三善道於三福處成就善
根於三乘法精勤修集尔時我當成
無上道世尊若我所願成就得已利
者令我兩手自然而出白色龍鳥作
是言已佛神力故其兩手中即出龍
鳥其色純白七處到地見是事已告
言龍鳥汝等今者可至虛空去此不
速通兩此界八德香水覺悟此界一
切眾生若有眾生得遇一涕聞其香
氣悲斷五蓋所謂姪欲瞋恚眠睡掉
悔疑蓋作是語已尔時龍鳥在虛空
中周旋速疾猶如力士善射放箭是
二龍鳥所作諸事悉成就已復還來
至摩納前住尔時樹提見是事已心
大歡喜善男子尔時寶藏如來即告
摩納善男子未來之世過一恒河沙
等阿僧祇劫入第二恒河沙阿僧祇
劫是時有劫名音光明此佛世界轉
名和合音光明汝於是中成阿耨多
羅三藐三菩提乎寶蓋增光明如采
應正遍知明行足善逝世間解無上
士調御丈夫天人師佛世尊善男子
尔時樹提頭面著地禮於佛足寶藏

如來即為樹提而說偈言
其心離垢 清淨且起 今已授記
能令無量 億數眾生 淨第一道
於當來世 調御天人
善男子尔時樹提聞是偈已生大歡
喜即起合掌前禮佛足去佛不遠復
坐聽法三億弟子除一千人其餘咸
共同聲發願於此世界成阿耨多羅
三藐三菩提尔時寶藏如來皆為一
一授其阿耨多羅三藐三菩提記乃
至毗婆尸尸棄毗尸沙婆軍後成阿
耨多羅三藐三菩提其餘千人悉皆
讀誦毗陀外典其中軍大所宗仰者
名婆由比紐白佛言世尊我今所願
當於五濁惡世成阿耨多羅三藐三
菩提為此厚重貪欲瞋恚愚癡多慳
眾生說於正法時千人中復有一人
字曰火騫作如是言尊者婆由比紐
向見何義願於五濁惡世之中成阿
耨多羅三藐三菩提其師報言是菩
薩大悲成就故於五濁世成阿耨多
羅三藐三菩提尔時眾生無有救護
無諸善念其心常為煩惱所乱諸見

佛光大經卷第十六

所侵於中成阿耨多羅三藐三菩提
 乃能大益無量眾生善能為作擁護
 依止舍宅燈明兼復度脫於生死大
 海教令安住於正見中使屢濕眼眼
 甘露水是菩薩摩訶薩欲示現大悲
 故願取如是五濁惡世善男子亦時
 實藏如來告婆由比細言善男子當
 來之世過一恒河沙等阿僧祇劫入
 第二恒河沙等阿僧祇劫後分之中東
 方去此一佛世界微塵數等佛土有
 世界名聚寶幢法於是中當成阿耨
 多羅三藐三菩提号金山王如來應
 正遍知明行足善逝世間解無上士
 調御丈夫天人師佛世尊今時婆由
 比細復白佛言世尊若我所願成就
 得已利者我今頭面敬禮佛足惟願
 如來以百福莊嚴佛之兩足置我頂
 上善男子今時婆由比細說是語已
 尋時敬禮寶藏佛足即時如來百福
 之足在其頭上復以此偈而讚歎言
 大悲心者 今可還起 智慧明利
 行善提道 為菩提故 斷除堅牢
 諸煩惱縛 當來成佛 能大利益

無量眾生

佛光大經卷第十六

善男子今時婆由比細聞是偈已心
 大歡喜即起合掌前禮佛足去佛不
 遠復坐聽法善男子今時火燒摩訶
 在寶藏佛前右膝著地長跪叉手前
 白佛言我今所願於此世界發阿耨
 多羅三藐三菩提心若有眾生三毒
 等分不能專心住於善法其心不善
 壽四萬歲今時我當成阿耨多羅三
 藐三菩提今時寶藏如來告火燒言
 善男子未來之世過一恒河沙等阿
 僧祇劫入第二恒河沙等阿僧祇劫
 後分之中此佛世界當名娑婆何因
 緣故名曰娑婆是諸眾生忍受三毒
 及諸煩惱是故彼界名曰忍土時有
 大劫名曰善賢何因緣故劫名善賢
 是大劫中多有貪欲瞋恚愚癡憍慢
 眾生有千世尊成就大悲出現於世
 善男子賢劫之初人壽四萬歲於千
 佛中寂初成阿耨多羅三藐三菩提
 号拘留孫如來應正遍知明行足善
 逝世間解無上士調御丈夫天人師
 佛世尊為諸眾生說三乘法今無量

眾生在生死者

佛光大經卷第十六

眾生在生死者悉得解脫住於涅槃
 善男子亦時火燒摩訶前禮佛足却
 在一面復坐聽法善男子亦時第二摩訶
 字虛空在佛前坐白佛言世尊我於
 來世次拘留孫如來之處人壽三萬
 歲我當成阿耨多羅三藐三菩提今
 時世尊告虛空摩訶言善男子當來
 之世過一恒河沙等阿僧祇劫入第
 二恒河沙等阿僧祇劫後分入賢劫
 中娑婆世界次拘留孫佛後人壽三
 萬歲汝當於中成阿耨多羅三藐三
 菩提号伽那迦牟尼如來應正遍知
 明行足善逝世間解無上士調御丈
 夫天人師佛世尊有大名稱遍聞世
 間今時虛空聞受記已頭面禮佛右
 繞三匝在佛前住以種種華散佛身
 上叉手恭敬禮以偈讚佛
 攝護身心 善入禪定 以微妙音
 善能教誡 其心清淨 無有濁亂
 雖化眾生 不壞世法 名稱光明
 及念捨持 百福功德 無不增廣
 為諸眾生 示現善道 豎仙勝幢
 積功德山 持以利益 無量眾生

悲令一切功德滿足 又與衆生
善寂滅道 所燒煩惱 如須弥山
於三有中 生大悲心 而與無量
衆生受記

善男子 尔時第三摩納字毗舍拘多
在於佛前以七寶牀 牀上所敷統純
茵蓐 價值直千萬兩金 於其牀上 置真
金器 威滿七寶 純金 深灌七寶 妙杖
供養 世尊 及比丘僧 作是施已 白佛
言 世尊 我未來世 過一恒河沙等阿
僧祇劫 第二恒河沙等阿僧祇劫 後
分入賢劫 中願我成阿耨多羅三藐
三菩提 尔時 人民壽命 損減 初入五
濁 所有衆生 厚重貪婬 瞋恚愚癡 慳
恚嫉妬 行於邪見 隨惡知識 諸不善
根 以覆其心 於諸善根 心沒退失 遠
離正見 邪命自活 伽那迦牟尼 般涅
脩後 正法滅已 一切衆生 盲無慧眼
無所師宗 人壽二萬歲 尔時 我當成
阿耨多羅三藐三菩提 善男子 尔時
寶藏如來 讚毗舍拘多言 善哉 善哉
善男子 汝今成就 無上智慧 汝當初
入五濁惡世 時人壽命 滿二萬歲 首

無慧眼 無所師宗 汝於是中 成阿耨
多羅三藐三菩提 今當号汝 為大悲
智慧佛 告大悲智慧菩薩 善男子 汝
於來世 過一恒河沙等阿僧祇劫 入
第二恒河沙等阿僧祇劫 後分入賢劫
中人 壽二萬歲 汝於尔時 得成阿耨
多羅三藐三菩提 号 迦葉 如來 應正
遍知 明行 足善逝 世間 解無上之調
御 丈夫 天人 師佛 世尊 善男子 尔時
大悲智慧菩薩 尋以頭面 礼於佛足
却住 一面 以種種華香 末香 塗香 供
養 世尊 以偈讚佛

人中之尊 利益衆生 悲能令彼
生愛樂心 念定法門 心得專一
我聞妙音 心大歡喜 智慧方便
無不具足 是故能行 世間教化
又與無量 無邊衆生 授於無上
菩提道記 緣是得見 十方諸佛
智慧神足 皆悉平等 諸佛所有
微妙功德 并及示現 修菩薩道
授諸衆生 無上道記 若欲稱讚
不可得盡 是故我今 稽首敬礼
尔時 寶海梵志 復告第四摩納毗舍

耶 無垢言 善男子 汝今可發 阿耨多
羅三藐三菩提心 善男子 尔時 毗舍
耶 無垢在佛前 住白佛言 世尊 我願
於此世界 賢劫中 求阿耨多羅三藐
三菩提 非於五濁惡世之中 如迦葉
佛 所有國土 迦葉 如來 般涅脩後 正
法滅已 人壽 轉少 至十千歲 所有布
施 調伏 持戒 悉皆滅盡 是諸衆生 善
心 轉滅 遠離 七財 於惡知識 起世尊
想 於三福事 永無學心 離三善行 勤
行三惡 以諸煩惱 覆智慧心 令無所
見 於三乘法 不欲修學 是衆生中 若
我欲成 阿耨多羅三藐三菩提 尚無
有人 能作 遊問 何况 人壽 一千歲 也
乃至 人壽 百歲 是時 衆生 乃至 元有
善法 名字 何況 有行 善根 之者 五濁
惡世 人民 壽命 稍稍 減少 乃至 十歲
刀劫 復起 我於 尔時 當從 天來 擁護
衆生 為現 善法 令離 不善法 乃至 安
住 十善法 中 離於 十惡 煩惱 諸結 悉
令 清淨 滅五濁 世衆生 乃至 人壽 八萬
歲 尔時 我當 成阿耨多羅三藐三菩提
是時 衆生 少於 貪婬 瞋恚 愚癡 無明 慳

法苑珠林卷第三 第五 第五

慍嫉妬我於今時為諸眾生說三乘法
 令得安住世尊若我所願成就得已
 利者惟願如來授我阿耨多羅三藐
 三菩提記世尊若我不得如是受記
 我於今者當求聲聞或求緣覺如其
 乘力獲得解脫度於生死時寶威佛
 告毗舍耶無垢言善男子菩薩有四
 解怠若菩薩成就如是四法者貪著
 生死於生死獄受諸苦惱不能疾成
 阿耨多羅三藐三菩提何等四下行
 下伴下施下願云何菩薩下行或有
 菩薩破身口戒不能善護是名下行
 云何下伴親近聲聞及辟支佛與共
 從事是名菩薩下伴云何下施不能
 一切捨諸所有於受者中心生分別
 為得天上受快樂故而行布施是名
 菩薩下施云何下願不能一心願取
 諸佛淨妙世界所作誓願不為調伏
 一切眾生是名菩薩之下願也菩薩
 成是四解怠法久處生死受諸苦惱
 不能疾成阿耨多羅三藐三菩提善
 男子復有四法菩薩成就則能疾成
 阿耨多羅三藐三菩提何等四一能

法苑珠林卷第五 第二 第二

持禁戒淨身口意護持法行二親近
 修學大乘之人與法同事三所有之物
 能一切捨以大悲心施於一切四一
 心願取種種莊嚴諸佛世界亦為調
 伏一切眾生是名四法菩薩成就則
 能疾成阿耨多羅三藐三菩提復有
 四法菩薩成就就能持無上菩提之道
 何等四精勤行於諸波羅蜜攝取一
 切無量眾生心常不離四無量行遊
 戲諸通是名四法菩薩成就就能持无
 上菩提之道復有四法令心無厭何等
 為四一者行施二聽法三修行四攝
 取眾生如是四法令心無厭菩薩應學
 復有四無盡藏是諸菩薩所應成就
 何等四一者信根二者說法三善根
 願四者攝取貧窮眾生是為菩薩四
 無盡藏具足修滿
 復有四清淨法菩薩成就何等四持戒
 清淨以無我故三昧清淨無眾生故
 智慧清淨无壽命故解脫知見清淨
 以無人故是為四清淨法菩薩成就以
 是故疾成阿耨多羅三藐三菩提轉
 虛空法輪轉不可思議法輪轉不可

法苑珠林卷第五 第三 第三

量法輪轉無我法輪轉無言說法輪
 轉出世法輪轉通達法輪轉諸天人
 所不能轉微妙之輪善男子未來之
 世過一恒河沙等阿僧祇劫入第二
 恒河沙等阿僧祇劫後分初入賢劫
 五濁滅已壽命增益至八万歲汝於
 是中成阿耨多羅三藐三菩提号曰
 弥勒如來應正遍知明行足善逝世
 間解無上士調御丈夫天人師佛世
 尊尔時毗舍耶摩納在於佛前頭面
 礼足却住一面以種種華香末香塗
 香供養於佛及比丘僧以偈讚佛
 世尊無垢 如真金山 眉間毫相
 日如珂雪 應時為我 說微妙法
 記我來世 作天人師 誰有見聞
 而當不取 仙聖大覺 世燈功德
 善男子尔時寶海梵志一千摩納惟
 除一人悉共讚誦比陀外典皆已勸
 化於阿耨多羅三藐三菩提如拘留
 孫迦那伽牟丘迦葉弥勒其第五者
 名師子光明亦如是其千人中惟除
 一人其餘皆願於賢劫中成阿耨多
 羅三藐三菩提於其眾中眾下小者

名持力捷疾實海覺志復教令發阿
稱多羅三藐三菩提心善男子汝今
莫觀久遠當離心覺為諸眾生起大
悲心今時梵志即為持力捷疾而說
偈言

陰界諸入	所攝眾生	畏苦病死
墮於愛海	閉在三有	可畏獄中
飲煩惱毒	互相侵害	長夜墮在
苦惱海中	癡盲無目	失於正道
久處生死	機關所覆	三有眾生
諸苦熾然	以離正見	安住邪見
周迴生死	五道之中	不得休息
譬如車輪	有諸眾生	失於法眼
盲無所覩	又無救護	汝應修集
無量智慧	令離癡惑	使發菩提
應與眾生	作善知識	為燒愛結
解煩惱縛	應為是等	發菩提心
失法眼者	為癡所覆	為難瘥故
應與勝道	生死有獄	大火熾然
與法甘露	令其充足	汝今速往
至於佛所	頭頂禮足	作大利益
當於佛所	發妙勝願	所願勝妙
善持念之	汝當來世	調御天人

亦當願施 眾生无畏 拔濟一切
悉令解脫 亦令具足 根力覺道
雨大法雨 施智慧水 滅諸眾生
苦惱之火

善男子今時持力捷疾作如是言尊
者我今所願不求生死果報不求聲
聞辟支佛乘我今惟求元上大乘待
時待處待調伏眾生待發善願我今
思惟如是等事尊者且待須臾聽我
師子吼時善男子今時寶海梵志漸
漸却行有侍者五人一名手龍二名
陸龍三名水龍四名虛空龍五名妙
音龍而告之曰汝等今者可發阿耨
多羅三藐三菩提心五人報曰尊者
我等空無所有无以供養佛及眾僧
未種善根云何得發阿耨多羅三藐
三菩提心善男子今時梵志以左耳
中所著寶環持與手龍右耳寶環持
與陸龍所坐寶牀持與水龍所用寶
杖與虛空龍純金源罐與妙音龍如
是與已復作是言童子汝今可持此
物供養佛及眾僧發阿耨多羅三藐
三菩提心

癸卯歲高麗國大藏都監奉
勅彫造

悲華經卷第六

北凉天竺三藏曇無讖譯

駒

諸菩薩本授記品第四之四

尔時五人即至佛所以所得物供養世尊及比丘僧供養已復白佛言世尊惟願如來授我阿耨多羅三藐三菩提記今於賢劫成阿耨多羅三藐三菩提善男子尔時寶藏如來即與五人授阿耨多羅三藐三菩提記手龍汝於來世賢劫之中當得成佛号堅音如來十号具足堅音如來般涅脥後陸龍次當作佛号伎樂尊如來十号具足伎樂尊佛般涅脥後水龍次當成佛号導師如來十号具足導師佛般涅脥後虛空龍次當成佛号愛清淨如來十号具足愛清淨佛般涅脥後妙音龍次當作佛号都羅延勝葉如來十号具足善男子寶藏如來記是五人賢劫成佛已寶海梵志復告持力捷疾善男子汝今可取種種莊嚴淨妙世界如心所意便可發願與一切衆生甘露法味專心精勤行

菩薩道慎莫思惟劫數長遠善男子

尔時梵志捉持力捷疾辭將至佛所

至佛所已坐於佛前白佛言世尊未

采之世於賢劫中有幾佛句如云云

世今時佛告持力捷疾言善男子半

賢劫中有千四佛出現於世持力捷

疾言世尊彼賢劫中諸佛世尊般涅

脥已取後妙音龍成阿耨多羅三藐

三菩提号都羅延勝葉世尊我願於

尔時修菩薩道修諸苦行持戒布施

多聞精進忍辱受語福德智慧種種

助道悉令具足賢劫諸佛垂成佛時

願我在初奉施飲食般涅脥後收取

舍利起塔供養護持正法見毀戒者

勸化安止令住持戒遠離正見墮諸

見者勸化安止令住正見散乱心者

勸化安止令住定心無威儀者勸化

安止住聖威儀若有衆生欲行善根

我當為其開示善根彼諸世尊般涅

脥後正法垂滅我於尔時當護持之

令不斷絕於世界中然正法燈刀兵

劫時我當教化一切衆生持不煞戒

乃至正見於十惡中拔出衆生安止

今住十善道中滅諸盲冥開示善法

我當滅此劫濁命濁衆生濁煩惱濁

見濁令無有餘於飢饉劫我當勸化

一切衆生安止住於檀波羅蜜乃至

般若波羅蜜亦如是我勸衆生住六

波羅蜜時衆生所有一切飢餓黑闇

穢濁怨賊聞諍及諸煩惱悉令寂靜

於疾疫劫我當教化一切衆生悉令

住於六和法中亦令安止住四攝法

衆生所有疾疫黑闇當令滅盡於半

賢劫斷滅衆生如是苦惱一千四佛

於半劫中出世涅脥正法滅已然後

我當成阿耨多羅三藐三菩提如千

四佛所得壽命聲聞弟子我之壽命

聲聞弟子亦復如是等無差別如千

四佛於半劫中調伏衆生願我亦於

半賢劫之中調伏衆生是半劫中諸

佛所有聲聞弟子毀於禁戒墮在諸

見於諸佛所無有恭敬生於瞋恚惱

害之心破法壞僧誹謗賢聖毀壞正

法作惡逆罪世尊我成阿耨多羅三

藐三菩提時悉當拔出於生死汙泥

令入無畏涅脥城中我般涅脥後正

法賢劫一時滅盡若我涅槃正法賢劫俱滅盡已我之齒骨并及舍利悉當變化作佛形像三十二相瓔珞其身一一相中有八十種好次第莊嚴遍至十方無量無邊無佛世界一一化佛以三乘法教化無量無邊眾生悉令不退若彼世界病劫起時元有佛法是化佛像亦當至中教化眾生如前所說若諸世界元珠寶者願作如意摩尼寶珠雨諸珍寶自然發出純金之藏若諸世界所有眾生離諸善報諸苦纏身我當於中雨憂陀婆香栴檀沉水種種諸香令諸眾生斷煩惱病諸邪見病身四大病於三福慶勤心修行令命終時生天人中世尊我行菩薩道時當作如是利益眾生我成阿耨多羅三藐三菩提已當作如是佛事般涅槃後舍利復至無量世界如是利益眾生世尊若我所願不成不得已利不能與諸眾生作大醫王不能利益者我今便為欺誑十方無量世界在在處處現在諸佛如來今者亦復不應與我授阿耨多

羅三藐三菩提記世尊所與無量无边億阿僧祇眾生授阿耨多羅三藐三菩提記者我亦不得見如是人亦不聞佛音聲法僧之聲行善法聲常墮阿鼻地獄中世尊若我所願成就得已利者如來今者當稱讚我時佛即讚持力捷疾善哉善哉善男子汝於來世作大醫王令諸眾生離諸苦惱是故字汝為火淨藥王

佛告火淨藥王汝於來世過一恒河沙等阿僧祇劫入第二恒河沙阿僧祇劫後分賢劫中一千四佛垂成阿耨多羅三藐三菩提汝當悉得奉施飲食乃至如上汝之所願無羅延勝業般涅槃後正法滅已汝當成於阿耨多羅三藐三菩提授阿耨多羅三藐三菩提遍知明行足善逝世間解無上士調御丈夫天人師佛世尊壽命半劫汝之所得聲聞弟子如千四佛所有弟子等無差別所化眾生般涅槃後正法滅已賢劫俱盡齒骨舍利悉化作佛乃至生天人中亦復如是今時火淨藥王菩薩復白佛言世尊若我所

願成就得已利者惟願如來以百福莊嚴金色之手摩我頂上善男子今時寶藏如來即以百福莊嚴之手摩火淨藥王頂上善男子今時火淨藥王菩薩見是事已心生歡喜即以頭面禮於佛足却住一面今時寶海梵志以天妙衣與火淨藥王菩薩而讚之曰善哉善哉善男子汝之所願甚奇甚持從今已往更不須汝與我榮使常得自在修安樂行今時佛告寂意菩薩善男子時寶海梵志作是思惟我今已勸無量無邊百千億那由他眾生令住阿耨多羅三藐三菩提我今見是諸大菩薩各各發願取淨佛土唯除一人婆伽毗細此賢劫中其餘菩薩亦離五濁我今當於是末世中以真法味與諸眾生我今當自堅牢莊嚴作諸善願如師子吼悉令一切菩薩聞已心生疑怖歎未曾有復令一切大衆天龍鬼神龍闍婆阿修羅迦樓羅緊那羅摩睺羅伽人及非人叉手恭敬供養於我今佛世尊稱讚於我并授記勅令十方無量無邊

法苑珠林卷第六 第九

卷二

在在處處現在諸佛為諸眾生講說正法彼諸如來聞我師子吼者悉讚歎授我阿耨多羅三藐三菩提記亦遣使來令諸大衆悉得見之我今取後發大誓願成就菩薩所有大悲乃至成阿耨多羅三藐三菩提已若有眾生聞我大悲名者悉令生於希有之心若於後時有諸菩薩成就大悲者亦當願取如是世界是世界中所有眾生飢虛於法盲無慧眼具足四流是諸菩薩當作救護而為說法我乃至般涅槃已十方無量無邊百千億諸世界中在在處處現在諸佛於諸菩薩大衆之中稱讚我名亦復宣說我之善願令彼菩薩以大悲勤心皆專心聽聞是事已心大驚怖歎未曾有先所得悲皆更增廣如我所願取不淨土是諸菩薩皆如我於不淨世界成阿耨多羅三藐三菩提拔出四流眾生安止令住於三乘中乃至涅槃善男子今時寶海梵志思惟如是大悲願已偏袒右肩至於佛所今時復有無量百千萬億諸天在虛空中

法苑珠林卷第六 第九

法苑珠林卷第六 第九

作天伎樂種種華各各同聲而讚歎言善哉善哉善大夫夫今至佛所發奇特願欲以智水滅於世間眾生煩惱今時一切大衆合掌恭敬在梵志前同聲禮敬而讚歎言善哉善哉尊大智慧我等今者得大利益能作牢堅諸善願也我等今者願聞尊意所發善願今時梵志在於佛前右膝著地今時三千大千世界六種震動種種伎樂不鼓自鳴飛鳥走獸和作聲一切諸樹生非時華三千大千世界之中因地眾生於阿耨多羅三藐三菩提若已發心若未發心惟除地獄餓鬼下劣畜生其餘眾生皆悉生於大利益心純善之心無怨賊心無穢濁心慈希有心飛行眾生尋住於空心生歡喜散種種華末香塗香種種伎樂幢幡衣服而以供養柔更妙音讚詠梵志皆悉一心欲聞梵志所發善願乃至阿迦貳吒天上諸天亦下閻浮提在虛空中散種種華末香塗香種種伎樂幢幡衣服而以供養柔遍妙音讚詠梵志精勤一心

欲聞梵志所發善願今時寶海梵志又手恭敬以偈讚佛
遊戲禪定 如大梵王 光明端嚴
如天帝釋 捨財布施 如轉輪王
持妙珍寶 如主藏目 功德自在
如師子王 不可傾動 如須弥山
心不波蕩 如大海水 於罪不罪
其心如地 除諸煩惱 如清淨水
燒諸結使 如火猛焰 無諸障闕
猶如大風 示現寶法 如四天王
所雨法雨 如大龍王 充足一切
猶如時雨 破諸外道 如大論師
功德妙音 如須臾華 說法妙音
猶如梵天 除諸苦惱 如大醫王
等心一切 如母愛子 攝取眾生
猶如慈父 身不可壞 如金剛山
能斷受枝 猶如利刀 廣度生死
猶如船師 以智濟人 猶如舟船
光明清涼 如月威滿 開眾生華
如日初出 能與眾生 沙門四果
猶如秋樹 生諸果實 仙聖園遠
猶如鳳凰 其意深廣 猶如大海
等心眾生 猶如草木 知諸法相

如觀空拳 等心行世 平如水相
成就妙相 善於大悲 能與元量
衆生授記 我今調伏 無量衆生
惟願如來 與我授記 於未來世
成就勝道 微妙智慧 大仙世尊
願以妙音 真實說之 我於惡世
要修諸忍 與諸結使 煩惱賊闖
拔出元量 一切衆生 安止住於
寂滅道中

善男子寶海梵志說此偈讚佛已是
時一切大衆皆讚歎言善哉善哉大
丈夫善能讚歎如來法王今時梵志
復白佛言世尊我已教化無量億衆
發阿耨多羅三藐三菩提心是諸衆
生已各願取淨妙世界離不淨土以
清淨心種諸善根善攝衆生而誦伏
之火場摩納等一千四人皆悉讀誦
毗陀外典如來已為是諸人等授其
記勅於賢劫中當成為佛有諸衆生
多行貪姪瞋癡憍慢惡當調伏於三
乘中是一千四佛所放捨者所謂衆
生厚重煩惱五濁惡世能作五逆毀
壞正法誹謗聖人行於邪見離聖七

財不孝父母於諸沙門婆羅門所心
無恭敬作不應作應作不作不行福
事不畏後世於三福處無心欲行不
求天上人中果報勤行十惡趣三不
善離善知識不知親近真實智慧入
於三有生死獄中隨四流流沒在灰
河為礙所言離諸善業專行惡業如
是衆生諸佛世界所不容受是故撥
來集此世界以離善業行不善業行
於邪道重惡之罪積如大山今時娑
婆世界賢劫中人壽命千歲是一千
四佛大悲心不成不取如是弊惡之世
令諸衆生流轉生死猶如機關元有
救護無所依止無舍元燈受諸苦惱
而反捨放冬冬願取淨妙世界淨土
衆生已目善誦其心清淨已種善
根勤行精進已得供養無量諸佛而
更攝取世尊是諸人等為實余不余
時世尊即告梵志實如所言善男子
是諸人等如其所意各取種種嚴淨
世界我隨其心已與授記

余時梵志復白佛言世尊我今心動
如緊花樹素心大憂愁身皆憔悴此

諸菩薩雖生大悲不能取此五濁惡
世今彼諸衆生墮癡闇世尊乃至
來世過一恒河沙等阿僧祇劫入第
二恒河沙等阿僧祇劫後分賢劫中
人壽千歲我當余時行善薩道之在
生死忍受諸苦以諸菩薩三昧力故
要當不捨如是衆生世尊我今自行
六次羅塞調伏衆生如佛言日以財
物施名檀波羅塞世尊我行檀波羅
塞時若有衆生世世從我乞求所須
向其所求要當給足飲食醫藥衣服
卧具舍宅聚落華香瓔珞塗身之香
供給病者醫藥侍使幢幡寶蓋錢財
穀帛烏馬車乘金銀錢貨真珠琉璃
頗梨珂貝璧玉珊瑚真實偽寶天行
拂飭如是等物我於衆生乃至貧窮
生大悲心悉以施與雖作是施不求
天上人中果報但為調伏攝衆生故
以是因緣捨諸所有若有衆生乞求
過量所謂如婢聚落城邑妻子男女
手脚鼻舌頭以皮血骨肉身命乞求
如是過量之物余時我當生大悲心
以此諸物持用布施不求果報但為

以此諸物持用布施不求果報但為

悲花經第六卷 第三張 駒

調伏攝衆生故世尊我行檀波羅蜜
時過去菩薩行檀波羅蜜者所不能
及未來菩薩當發阿耨多羅三藐三
菩提心行檀波羅蜜者亦不能及世
尊我於來世為行菩薩道故於百千
億劫當行如是檀波羅蜜世尊未來
之世若有欲行菩薩道者我當為是
行檀波羅蜜令不斷絕我初入尸羅
波羅蜜時為阿耨多羅三藐三菩提
故持種種戒修諸苦行如檀中說觀我
無我故五情不為五塵所傷此羸提
波羅蜜我如是行羸提波羅蜜亦如
上說觀有為法離諸過惡見無為法
微妙寂滅精勤修集於無上道不生
退轉此毗梨耶波羅蜜我亦如是行
毗梨耶波羅蜜若一切處修行空相得
寂滅法是名禪波羅蜜若解諸法本
無生性今則無滅是名般若波羅蜜
我於無量百千億阿僧祇劫堅固精
勤修集般若波羅蜜何以故或有菩
薩於過去世不為阿耨多羅三藐三
菩提行菩薩道堅固精勤修集般若
波羅蜜未來之世或有菩薩未為阿

悲花經第六卷 第十四張 駒

耨多羅三藐三菩提行菩薩道堅
固精勤修集般若波羅蜜是故我今
當於來世發阿耨多羅三藐三菩提
心修菩薩道令諸善法無有斷絕世
尊我初發心已為未來諸菩薩等開
示大悲乃至涅槃有得聞我大悲名
音心生驚怖歎未曾有是故我於布
施不自稱讚不依持戒不念忍辱不
矜精進不味諸禪所有智慧不著三
世雖行如是六波羅蜜不求果報有
諸衆生離聖七財諸佛世界之所擯
棄作五逆罪毀壞正法誹謗賢聖行
於邪見重惡之罪猶如大山常為邪
道之所覆蔽是故我今為是衆生專
心莊嚴精勤修集六波羅蜜我為一
衆生種善根故於十劫中入阿鼻
地獄受無量苦畜生餓鬼及貧窮鬼
神卑賤人中亦復如是若有衆生空
無善根失念憊心我悉攝取而調伏
之令種善根乃至賢劫於其中間終
不願在天上人中受諸快樂惟除一
生處兜術天待時成佛世尊我應如
是久處生死如一佛世界微塵等劫

悲花經第六卷 第三張 駒

以諸所須供養諸佛為一衆生種善
根故以一佛世界微塵數等諸供養
具供養十方無量無邊一一諸佛亦
於十方無量無邊一一佛所得如一
佛世界微塵數等諸善功德於一一
佛前復得教化如一佛世界微塵數
等衆生令住無上菩提之道緣覺聲
聞亦復如是隨諸衆生所願而教若
有世界佛未出世願作仙人教諸衆
生令住十善五神通中遠離諸見若
有衆生事摩醯首羅天我願化身如
摩醯首羅而教化之令住善法事八
辭者亦願化為八辭天身而教化之
令住善法事日月梵天亦願化為日月
梵身而教化之令住善法有事金翅鳥
乃至事兔願化為兔身隨而教化令住
善法若見飢餓衆生我當以身血肉
與之令其飽滿若有衆生犯於諸罪
當以身命代其受罪為作救護世尊
未來世中有諸衆生離諸善根燒滅
善心我於今時為是衆生當勤精進
行菩薩道在生死中受諸苦惱乃至
過一恒河沙等阿僧祇劫入第二恒河

沙等阿僧祇劫後分初入賢劫火燒
摩納成阿耨多羅三藐三菩提字拘
留孫如來時我所教化離諸善業行
不善業燒燬善心離聖七財作五逆
罪毀壞正法誹謗聖人行於邪見重
惡之罪猶如大山常為邪道之所覆
蔽無佛世界所棄捐者令發阿耨多
羅三藐三菩提心行檀波羅蜜乃至
行般若波羅蜜安止住於不退轉地
皆令成佛在於十方如一佛土微塵
數等諸佛世界轉正法輪令諸眾生於
阿耨多羅三藐三菩提種種善根出
離惡道安止得住切德智慧助菩提
法者願我今時悉得見之世尊若有
諸佛在在處處造諸眾生至於佛所
受阿耨多羅三藐三菩提記今得陀
羅尼三昧忍辱即得次第上菩薩位
得於種種莊嚴世界各各悉得隨意
所求取淨佛土如是眾生悉是我之
所勸化者入賢劫中拘留孫佛出世
之時如是等眾亦於十方如微塵等
諸佛世界成阿耨多羅三藐三菩提
在在處處住世說法亦令我見世尊

拘留孫佛成佛之時我至其所以諸
供具而供養之種種諮問出家之法
持清淨戒廣學多聞專修三昧勤行
精進說微妙法唯除如來餘無能勝
是時或有能報眾生無諸善根墮在
邪見行不正道作五逆罪毀壞正法
誹謗聖賢重惡之罪猶如大山我時
當為如是眾生說於正法攝取調伏
佛日沒已我於其後自然當作無量
佛事伽那迦牟尼迦葉佛等住世說
法乃至自然作於佛事亦復如是乃
至人壽千歲我於今時勸諸眾生於
三福處過千歲已上生天上為諸天
人講說正法令得調伏乃至人壽百
二十歲今時眾生愚癡自在自恃端
正種姓豪族有諸放逸慳吝嫉妬墮
在黑闇五濁惡世厚重貪欲瞋恚愚
癡憍慢慳吝嫉妬非法行欲非法求
財行邪倒見離聖七財不孝父母於
諸沙門婆羅門所不生恭敬應作不
作作不應作不行福事不畏後世不
勤修集於三福處不樂三乘於三善
根不能修行專為三惡不修十善勤

行十惡其心常為四倒所覆安止住
於四破戒中令四魔王常得自在溺
在四流五蓋蓋心當來世中如是眾
生六根放逸行八邪法入大罪山起
諸結縛不求天上人中果報邪倒諸
見趣於邪道行於五逆毀壞正法誹
謗聖人離諸善根貪窮下賤無所畏
忌不識恩義失於正念輕蔑善法元
有智慧不能學問破戒諛諂以嫉妬
心於所得物不與他分牙相輕傷無
有恭敬懶惰慳吝諸根缺漏身體羸
劣乏於衣服親近惡友處胎失念以
受種種苦惱故惡色憔悴其眼手視
無慚无愧互相怖畏於一食頂身口
意業所作諸惡無量无边以能為惡
故得稱歎今時眾生專共修集斷常
二見堅著五陰危脆之身於五欲中
深生貪著常起忿恚怨賊之心欲害
眾生心常瞋惱穢濁虛朴未得調伏
慳吝貪著不捨非法無有決定牙相
畏怖起於諍競以穢濁心共相結害
速離善法起無善心作諸惡業於善
不善不信果報於諸善法起違背心

悲花經第六卷 第九段 駁

於滅善法生歡喜心於不善法起專
作心於寂滅涅槃起不救心於持戒
沙門婆羅門所生不敬心於諸縛結
起怖求心於老病死起深信心於諸
煩惱起受持心於五蓋法起攝取心
於正法憶起速離心於諸見憶起堅
立心常起相違輕毀之心共起閻諍
相食取心各各相違共相侵陵攝取
忿恨惱亂之心於諸欲惡起無厭心
於他財物起嫉妬心於受恩中起不
報心於諸眾生起賊盜心於他婦女
起侵惱心是時眾生一切心中無有
善願是故常聞地獄聲畜生聲餓鬼
聲疾病聲老死聲惱害聲八難聲閻
繫聲枉桀枷鎖縛束聲奪他財物侵
惱聲瞋恚輕毀呵責聲破壞眾人和
合聲他方國賊兵甲聲飢餓聲殺貴
偷盜聲邪淫妄語狂癡聲兩舌惡言
綺語聲慳貪嫉妬攝取聲若我我所
聞諍聲憎愛適意不適意聲恩愛別
離憂悲聲怨憎集聚苦惱聲各各相
畏懼備聲屢胎臭穢不淨聲寒熱飢
渴疲極聲耕犁種植忿務聲種種工

悲花經第六卷 第二五段 駁

巧疲狀聲疾病患苦羸損聲是時眾
生各各常聞如是等聲如是眾生斷
諸善根離善知識常懷瞋恚皆悉无
滿娑婆世界悉是他方諸佛世界之
所損棄以重業故於賢劫中壽百二
十歲如是眾生業因緣故於娑婆世
界受其卑陋成就一切諸善根者之
所遠離娑婆世界其地多有鹹苦益
鹵土沙礫石山陵坳阜谿谷溝壑蚊
蚩毒蛇諸惡鳥獸充滿其中履濕惡
風非時而起當於非時惡雹雨水其
雨水味毒酢鹹苦以是雨故生諸藥
草樹木莖節枝葉華果百穀諸味皆
悉雜毒如是非時履濕惡濁雜毒之
物眾生食已增益瞋恚顏色憔悴無
有潤澤於諸眾生心無慈愍誹謗聖
人各各無有恭敬之心常懷恐怖共
相殘害生惱亂心取肉飲血剥皮而
衣執持刀杖勤作殺害自恃豪族色
相端正讀誦外典便習鞍馬善用刀
稍弓箭射御於自眷屬生嫉妬心若
諸眾生修習邪法受種種苦世尊願
我今時從兜術天下生取勝轉輪王

悲花經第六卷 第三五段 駁

家若自在王家處在第一夫人胎
為諸眾生調伏其心修善根故尋入
胎時放大光明其光微妙遍照娑婆
世界從金剛際上至阿迦尼吒天令
彼所有諸眾生等若在地獄若在畜
生若在餓鬼若在天上若在人中若
有色若无色若有想若無想若非有
想若非無想悉願見我微妙光明若
光觸身亦願得知以見知光故悉得
分別生死過患勤求無上寂滅涅槃
乃至一念斷諸煩惱是名令諸眾生
初種涅槃之根栽也願我處胎於十
月中得選擇一切法入一切法門所
謂無生空三昧門於未來世無量劫
中說此三昧善決定心不可得盡若
我出胎成阿耨多羅二藐三菩提已
彼諸眾生我當拔出令離生死如是
等眾悉令見我雖處母胎滿足十月
然其實是住珠寶三昧結加趺坐正
受思惟十月滿已從右脅出以一切
功德成就三昧力故令娑婆世界從
金剛際上至阿迦尼吒天六種震動
其中眾生或處地獄畜生餓鬼天上

人中悉得惺悟今時復有以微妙光明遍照娑婆世界亦得惺悟無量眾生若有眾生未種善根我當安止令種善根於涅脛中種善根已令諸眾生三昧芽我出右脅足蹈地時復願娑婆世界從金剛際上至阿迦尼吒天六種震動所有眾生依水依地依於虛空胎生卵生濕生化生在五道者悉得惺悟若有眾生未得三昧願皆得之得三昧已安止令住三乘法中不退轉地我既生已於娑婆世界所有諸天梵王魔王利諸天及日月天四天王諸大龍王剎闍婆阿修羅迦樓羅緊那羅摩睺羅伽化生神仙夜叉羅刹悉令盡來共供養我令我生已尋行七步行七步已以選擇功德三昧力故說於正法令諸大眾心生歡喜住於三乘於此眾中若有眾生學聲聞者願盡此生便得調伏若有習學緣覺乘者一切皆得日華忍辱有學大乘者皆得執持金剛愛護大海三昧以三昧力故起過三住我於今時怖求洗浴願有軍勝大

龍王未洗浴我身象生見者即住三乘所得功德如上所說我為童子乘羊車時所示現種種伎術為悟一切諸眾生故處在宮殿妻子綵女五欲之中共相娛樂見其過患夜半出城除諸瓔珞嚴身之具為欲破壞尼捷子等諸外道師恭敬衣服故我著袈裟至菩提樹下眾生見我處於菩提樹下皆悉發願欲令我速以一切功德成就三昧力說三乘法聞是法已於三乘中生深重欲勤行精進若有已發聲聞乘者今脫煩惱要一生在當於我所而得調伏若有已發緣覺乘者皆悉令得日華忍辱若有已發大乘之者皆得執持金剛愛護大海三昧以三昧力故起過四地我自受草於菩提樹下敷金剛座處結加趺坐身心正直繫念在於阿頗三昧以三昧力故令入出息停住寂靜於此定中一日一夜日食半麻半米以其餘半持施他人我如是久遠修集苦行娑婆世界上三阿迦尼吒聞我名者皆到我所供養於我我如是苦

行如是等眾悉當為我而作證明若有眾生於聲聞乘種善根者世尊願令是等於諸煩惱心得寂靜若餘一主至我我所我當調伏緣覺大乘亦復如是若有諸龍鬼神剎闍婆阿修羅迦樓羅緊那羅摩睺羅伽餓鬼毗舍遮五通神仙來至我所供養於我我如是苦行是等眾生皆為證明若有已學聲聞緣覺及大乘者亦復如是若有四天下眾生修於外道處食苦行有諸非人往至其所說如是言卿等不能悉行諸苦亦復不得大果報也非是希有如我地分有一生苦薩行於苦行復入如是微妙禪定身口意業皆悉寂靜滅出入息一日一夜日食半麻半米如是苦行大得果報得大利益多所開化是苦行人不久當成阿耨多羅三藐三菩提若不信我所言者自可往至其所觀其所作世尊願是諸人捨其所修志來我所觀我苦行或有眾生已學聲聞乃至大乘亦復如是若有諸王大臣人民在家出家一切見我行是苦行

法苑珠林卷第六 第二 業勸

來至我所供養於我或有已學聲聞
 緣覺大乘亦復如是若有女人見我
 苦行來至我所供養於我是諸女人
 所受身分即是後身若有已學聲聞
 緣覺大乘亦復如是若有諸禽獸見
 我苦行亦至我所是諸禽獸於此命
 終更不復受畜生之身若有已發聲
 聞乘者餘一生在要至我所而得調
 伏若有已發緣覺心者亦復如是乃
 至微細小虫餓鬼亦如是我是久
 遠苦行一結加跣坐時有百千億那
 由他等無量眾生為我證明如是眾
 生已於元量無邊阿僧祇劫種種解脫
 子世尊我如是苦行過去眾生未曾
 有能作如是行及餘外道聲聞緣覺
 大乘之人亦無有能作如是苦行世
 尊我如是苦行未來眾生亦無能作
 及餘外道聲聞緣覺大乘之人亦無
 能作如是苦行我未成阿耨多羅三
 藐三菩提時已能作大事所謂破壞
 魔王及其眷屬我願破煩惱魔成阿
 耨多羅三藐三菩提已為一眾生
 安住阿羅漢勝妙果中隨余所時現

法苑珠林卷第六 第三 法勸

受殘業報身如是第二眾生安住阿
 羅漢第三第四亦復如是我為一一
 眾生故示現百千無量神足欲令安
 住正見之中為一眾生故說百千無
 量法門義隨其所堪令住聖果以金
 剛智慧破一切眾生諸煩惱山為諸
 眾生說三乘法為一一眾生故過百
 一由旬不乘神力住三其而為說
 法今得安住無所畏中或有諸人於
 我法中欲出家者願无障碍謂謂羸
 劣失念狂亂憍慢無有畏懼癡元智
 慧多諸結使其心散亂若有女人欲
 於我法出家學道受大戒者成就大
 願我諸四眾比丘比丘尼優婆塞優
 婆夷悉得供養願諸天人及諸鬼神得
 四聖諦諸龍阿修羅及餘畜生受持
 八戒修淨梵行世尊我成阿耨多羅
 三藐三菩提已若有眾生於我生瞋
 或以刀杖火坑及餘種種欲殘害我
 或以惡言誹謗罵詈遍十方界而作
 輕毀若持毒食以用飯我如是殘業
 我悉受之成阿耨多羅三藐三菩提
 往昔所有怨賊眾生起於害心種種

法苑珠林卷第六 第四 勸

惡言以雜毒食出我身血如是等人
 悉以惡心來至我所我當以戒多聞
 三昧大悲薰心梵音妙聲而為說法
 令彼聞已心生清淨住於善法所作
 惡業尋便懺悔更不復作悉令得生
 天上人中無有障閼生天人中得妙
 解脫安住勝果離諸欲惡永斷諸流
 障閼業盡若諸眾生有殘業者皆悉
 得盡無有遺餘世尊我成阿耨多羅
 三藐三菩提已一切所有身諸毛孔
 日日常有諸化佛出三十二相瓔珞
 其身八十種好次第莊嚴我當逮至
 無佛世界有佛世界及五濁界若彼
 世界有五逆人毀壞正法誹謗聖人
 乃至斷諸善根有學聲聞緣覺大乘
 毀破諸戒墮於大罪燒滅善心滅失
 善道墮在生死空曠澤中行諸邪道
 登涉罪山如是眾生百千萬億一一
 化佛一日之中遍為說法或有奉事
 魔醜首羅隨作其形而為說法亦於
 今時稱我名字而讚歎之願是眾生
 聞讚歎我心生歡喜種種善根生我
 世界世尊是諸眾生若臨終時我不

在其前為演說法令心淨者我於未
來終不成阿耨多羅三藐三菩提若
彼眾生命終之後墮三惡道不生我
國受人身者我之所知無量正法志
當滅失所有佛事皆不成就事鄰羅
延者亦復如是世尊我成阿耨多羅
三藐三菩提已願令他方世界所有
五逆之人乃至行諸邪道登涉罪山
如是眾生臨命終時悉未集聚生我
世界隨其本相所受身色艾白無潤
面目醜陋如毗舍遮失念破戒臭穢
短命以此諸惡損減其身資生所須
常不供足為是眾生故於娑婆世界
諸四天下一時之中從兜術下現處
母胎乃至童子學諸伎藝出家苦行
破壞諸魔成無上道轉正法輪般涅
槃後流布舍利如是示現種種佛事
悉皆遍滿如是百億諸四天下

悲華經卷第六

癸卯歲高麗國大藏都監奉
勅彫造

悲華經卷第七

北涼天竺三藏曇無讖譯

諸菩薩本按記品第四之五
世尊我成阿耨多羅三藐三菩提已
一音說法或有眾生學聲聞乘聞佛
說法即得知聲聞法藏或有修學辟
支佛乘聞佛說法便得解於辟支佛
法或有修學無上大乘聞佛說法便
得解了大乘之法純一無雜若有修
集助菩提法欲得菩提聞佛說法即
得捨財行於布施若有眾生雜諸功
德怖求天上人中快樂聞佛說法即
得持戒若有眾生手相怖畏有愛瞋
心聞佛說法即得相於生親厚心若
有眾生意為熱業聞佛說法即得悲
心若有眾生常為慳吝嫉妬覆心聞
佛說法即修喜心若有眾生端正無
病貪著於色心生放逸聞佛說法即
得捨心若有眾生淫欲熾盛其心放
逸聞佛說法即觀不淨若有眾生學
大乘者為掉蓋所覆聞佛說法即得
身念處法若有眾生常自稱讚能大

論議其智慧明猶如拙電聞佛說法
即解甚深十二因緣若有眾生寡聞
少見自稱能論聞佛說法即得不奪
不失諸陀羅尼若有眾生入邪見山
聞佛說法即解諸法甚深空門若有
眾生諸覺覆心聞佛說法即得深解
無相法門若有眾生諸不淨願覆蔽
其心聞佛說法即得深解無作法門
若有眾生心不清淨聞佛說法心得
清淨若有眾生以多緣覆心聞佛說
法得解不失菩提心法若有眾生瞋恚
覆心聞佛說法解真實相得受記莖
若有眾生依倚覆心聞佛說法深解
諸法無所依倚若有眾生愛深覆心
聞佛說法疾解諸法無垢清淨若有
眾生忘失善心聞佛說法深解日光
三昧若有眾生行諸魔業聞佛說法
速得解了清淨之法若有眾生邪論
覆心聞佛說法即得深解增益正法
若有眾生煩惱覆心聞佛說法即得
解了離煩惱法若有眾生行諸惡道
聞佛說法即得迴反若有眾生於大
乘法讚說邪法以為吉妙聞佛說法

慧苑經第七卷 第五教 駒

即於邪法生退轉心而得正解若有菩薩歎於生死聞佛說法即於生死心生愛樂若有眾生不知善地聞佛說法即得覺了善地之法若有眾生見他為善不生好樂生於妬嫉聞佛說法即得心喜若有眾生其心各各共相違反聞佛說法即得無閔光明若有眾生行諸惡業聞佛說法深解惡業所得果報若有眾生怖畏大眾聞佛說法深得解了師子相三昧若有眾生四魔覆心聞佛說法疾得首楞嚴三昧若有眾生不見諸佛國土光明聞佛說法即得深解種種莊嚴光明三昧若有眾生有憎愛心聞佛說法即得捨心若有眾生未得佛光光明聞佛說法即得法幢三昧若有眾生離大智慧聞佛說法即得法炬三昧若有眾生癡闇覆心聞佛說法即得日燈光明三昧若有眾生口無辯才聞佛說法即得種種功德應辯若有眾生觀色和合無有堅固猶如水沫聞佛說法即得都羅延三昧若有眾生心亂不定聞佛說法即得堅牢

慧苑經第七卷 第五教 駒

史定三昧若有眾生欲觀佛頂聞佛說法即得須彌幢三昧若有眾生放捨本願聞佛說法即得堅牢三昧若有眾生退失諸通聞佛說法即得全剛三昧若有眾生於菩提場而生疑惑聞佛說法即得了達金剛道場若有眾生一切法中無厭離心聞佛說法即得金剛三昧若有眾生不知他心聞佛說法即知他心若有眾生於諸根中不知利鈍聞佛說法即知利鈍若有眾生各種類不相解語聞佛說法即得解了音聲三昧若有眾生未得法身聞佛說法即得解了分別諸身若有眾生不見佛身聞佛說法即得不眴三昧若有眾生分別諸緣聞佛說法即得無諍三昧若有眾生於轉法輪心生疑惑聞佛說法於轉法輪得心清淨若有眾生起無因邪行聞佛說法即得法明隨順因緣若有眾生於一佛世界起於常見聞佛說法即得善別無量佛土若有眾生未種諸相善根聞佛說法即得種種莊嚴三昧若有眾生不能善別一

慧苑經第七卷 第五教 駒

切言語聞佛說法即得解了分別種種言音三昧若有眾生專心求於一切智慧聞佛說法即得無所分別法界三昧若有眾生退轉於法聞佛說法即得堅固三昧若有眾生不知法界聞佛說法即得大智慧若有眾生離本誓願聞佛說法即得不失三昧若有眾生分別諸道聞佛說法即得一道無所分別若有眾生推求智慧欲同虛空聞佛說法即得無所有三昧若有眾生未得具足諸波羅蜜聞佛說法即得住於淨波羅蜜若有眾生未得具足四攝之法聞佛說法即得妙善攝取三昧若有眾生分別四無量心聞佛說法即得平等勤心精進若有眾生未得具足三十七助善提法聞佛說法即得住不出世三昧若有眾生其心失念及善智慧聞佛說法即得大海智即三昧若有眾生其心疑惑未生法忍聞佛說法即得諸法決定三昧以一法相故若有眾生忘所聞法聞佛說法即得不失念三昧若有眾生各各說法不相喜樂

聞佛說法即得清淨慧眼無有疑網
若有衆生於三寶中不生信心聞佛
說法即得功德增長三昧若有衆生
渴乏法雨聞佛說法即得法雨三昧
若有衆生於三寶中起斷滅見聞佛
說法即得諸寶莊嚴三昧若有衆生
不作智業不勤精進聞佛說法即得
金剛智慧三昧若有衆生為諸煩惱
之所繫縛聞佛說法即得虛空印三
昧若有衆生計我我所聞佛說法即
得智印三昧若有衆生不知如來具
足功德聞佛說法即得世間解脫三
昧若有衆生於過去世未供養佛聞
佛說法即得種種神足變化若有衆
生一法界門於未來世無量劫中未
得說之聞佛說法即得解說一切諸
法同一法界若有衆生於諸一切修
多羅中未得選擇聞佛說法即得諸
法平等實相三昧若有衆生離六和
法聞佛說法即得解了諸法三昧若
有衆生於不可思議解脫法門不勤
精進聞佛說法於諸通中即得師子
遊戲三昧若有衆生欲分別入於如

來藏聞佛說法更不從他聞即得分
別入如來藏若有衆生於菩薩道不
勤精進聞佛說法即得智慧勤行精
進若有衆生未曾得見本生經聞佛
說法即得一切在在處處三昧若有
衆生行道未竟聞佛說法即得受記
三昧若有衆生未得具足如來十力
聞佛說法即得無壞三昧若有衆生
未得具足四無所畏聞佛說法即得
無盡意三昧若有衆生未得具足佛
不共法聞佛說法即得不共法三昧
若有衆生未得具足無愚癡見聞佛
說法即得願句三昧若有衆生未覺
一切佛法之門聞佛說法即得辯白
無垢淨印三昧若有衆生未得具足
一切智者聞佛說法即得善了三昧
若有衆生未得成就一切佛事聞佛
說法即得無量不盡意三昧如是等
衆生於佛法中各得信解有諸菩薩
其心質直無有詭曲聞佛說法即得
八万四千諸法門八万四千諸三昧
門七万五千陀羅尼門有元量無邊
阿僧祇菩薩摩訶薩修集大乘者聞

是說法亦得如是無量功德安止住
於不退轉地是故諸菩薩摩訶薩欲
得種種莊嚴堅牢故發不可思議願
增益不可思議知見以自在嚴以三
十二相莊嚴故得八十隨形好以妙
音莊嚴故隨諸衆生所意說法令聞
法者滿足知見以心莊嚴故得諸三昧
不生退轉以念莊嚴故不失一切諸
陀羅尼以心莊嚴故得分別諸法以
念莊嚴故得解微塵等義以善心莊
嚴故得堅固普願牢堅精進如其所
願到於彼岸以專心莊嚴故次第過
住以布施莊嚴故於諸所須悉能放
捨以持戒莊嚴故令心善白清淨無
垢以忍辱莊嚴故於諸衆生心元障
闕以精進莊嚴故一切佐助悉得成
就以禪定莊嚴故於一切三昧中得
師子遊戲以智慧莊嚴故知諸煩惱
習以慈莊嚴故專心念於一切衆生
以悲莊嚴故悉能拔出衆生之苦以
喜莊嚴故於一切法心無疑惑以捨
莊嚴故得離憍憍心元高下以諸
通莊嚴故於一切法得師子遊戲以

法苑珠林卷第七 第九

功德莊嚴故得不可盡藏寶手以智莊嚴故知諸眾生所有諸心以意莊嚴故方便惺悟一切眾生以光明莊嚴故得智慧眼明以諸辯莊嚴故令眾生得法義應辯以無畏莊嚴故一切諸魔不能留難以功德莊嚴故得諸佛世尊所有功德以法莊嚴故得無閼辯常為眾生演說妙法以光明莊嚴故得一切佛法光明以照明莊嚴故能遍照於諸佛世界以他心莊嚴故得正智無亂以教誡莊嚴故得如所說護持禁戒以神足莊嚴故得如意足到於彼岸以受持一切諸如來莊嚴故得入如來無量法藏以尊法莊嚴故得不隨他智慧以隨行一切善法莊嚴故得如說而行欲令如是眾生悉得如是等功德利益若有無量無邊阿僧祇菩薩摩訶薩修集大乘以我說一句法故悉具如是白淨善法皆使充足以是故諸菩薩摩訶薩於諸法中所得智慧不從他聞得成就大法光明成阿耨多羅三藐三菩提世尊若眾生於他方世界作

法苑珠林卷第七 第十

五逆罪乃至犯四重禁燒滅善法若學聲聞緣覺大乘以願力故欲來生我世界既來生已復取一切諸不善業廣行弊惡其心意求強梁難調專以四倒貪著慳吝如是等眾生八万四千異性亂心我當為其各各異性廣說八万四千法聚世尊若有眾生學無上大乘我當為其具足廣說六波羅蜜所謂檀波羅蜜乃至般若波羅蜜若有眾生學聲聞乘未種善根願求諸佛以為其師我當安止於三歸依然後勸令住六波羅蜜若有眾生意為煞害我當安止於不煞中若有眾生專行惡貪我當安止於不盜中若有眾生非法邪淫我當安止於不邪淫中若有眾生各各故作誹謗妄語我當安止不妄語中若有眾生樂為狂癡我當安止不飲酒中若有眾生犯此五事我當令受優婆塞五戒若有眾生於諸善法不生慧樂我當令其一日一夜受持八戒若有眾生少於善根於善根中心生愛樂我當令其於未來世在佛法中出家學道

法苑珠林卷第七 第十一

安止今住梵淨十戒若有眾生怖心求於諸善根法我當安止善根法中令得成就梵行具足大戒如是等眾生作五逆罪乃至慳吝為是眾生以種種門示現神足說諸句義開示陰界諸入苦空無常无我今住善妙安隱寂滅無畏沮脛為如是四眾比丘比丘尼優婆塞優婆夷說法若有眾生求聞論議我當說正法論乃至有求解脫之者我當為說空无之論若有眾生其心不樂於正善法我當為說管作眾事若有眾生於正善法其心愛樂我當為說空三昧定示正解脫世尊我為如是一一眾生要當過於百千由旬不以神足而以開示無量無邊種種方便為解句義示現神足乃至沮脛心不生厭世尊我以三昧力故捨第五分所得壽命而般涅槃我於是時自分其身如半苾芻子為憐愍眾生故求般涅槃般涅槃後所有正法住世千歲像法住世滿五百歲我涅槃後若有眾生以珍寶伎樂供養舍利乃至禮拜右繞一匝合

掌稱歎一莖華散以是因緣隨其志願於三乘中各不退轉世尊我般涅槃後若有眾生於我法中乃至一戒如我所說能堅持之乃至讀誦一句偈為他人說令彼聽者心生歡喜供養法師乃至一華一札以是因緣隨其志願於三乘中各不退轉乃至法炬滅法幢倒正法滅已我之舍利尋沒於地至金剛際爾時娑婆世界空無珍寶我之舍利變為意相琉璃寶珠其明焰盛從金剛際出於世間上至阿迦尼吒天雨種種華曼陀羅華摩訶曼陀羅華波利質多華曼珠沙華摩訶曼珠沙華有淨光明大如車輪百葉千葉或百千葉或百千華其光遍照復有好香微妙常敷觀者無厭其明焰盛不可稱計微妙之香无量無邊純雨如是無量諸華當其雨時復出種種微妙音聲佛聲法聲比丘僧聲三歸依聲優婆塞戒聲成就八戒聲出家十戒聲布施聲持戒聲清淨梵行具大成聲佐助眾事聲讀經聲禪思惟聲觀不淨聲念出入息

聲非想非非想聲有想無想聲識聲空處聲八勝處聲一切入聲定慧聲空聲無相聲元作聲十二因緣聲具足聲聞藏聲學緣覺聲具足大乘六波羅蜜聲於其華中出如是等聲色界諸天皆悉聞之本昔所作諸善根本各自憶念所有不善尋自悔責即便來下娑婆世界教化世間無量眾生亦得聞受所有受結貪意五欲諸心數法悉得寂靜本昔所作諸善根本各自憶念所有不善尋自悔責即便來下娑婆世界教化世間無量眾生悉令得住於十善中世尊如是諸華於虛空中復當作種種珍寶金銀摩尼真珠琉璃珂貝璧玉真實偽寶馬瑙珊瑚天冠寶飾如雨而下一切遍滿娑婆世界爾時人民其心和悅無諸鬪諍飢餓疾病他方怨賊惡口諸毒一切消滅皆得寂靜爾時世界有如是樂若有眾生見諸珍寶若觸若用於三乘中無有退轉是諸珍寶作是利益作利益已還沒於地至本

住處金剛際上世尊娑婆世界兵劫起時我身舍利復當化作紺琉璃珠從地而出上至阿迦尼吒天雨種種華曼陀羅華摩訶曼陀羅華波利質多華乃至還沒於地至本住處金剛際亦復如是世尊如刀兵劫飢餓疾疫亦復如是世尊如是大賢劫中我般涅槃後是諸舍利作如是佛事調伏無量無邊眾生於三乘中得不退轉如是當於五佛世界微塵數等大劫之中調伏無量無邊眾生令於三乘得不退轉世尊若後滿千恒沙等阿僧祇劫於十方無量無邊阿僧祇餘世界成佛出世者悉是我修阿耨多羅三藐三菩提時所教化初發阿耨多羅三藐三菩提心安止令住六波羅蜜者世尊我成阿耨多羅三藐三菩提已所勸化令發阿耨多羅三藐三菩提心安止令住六波羅蜜及涅槃後舍利變化所化眾生令發阿耨多羅三藐三菩提心者是諸眾生過千恒河沙等阿僧祇劫於十方無量無邊阿僧祇世界成佛出世皆

當稱我名字而說讚歎過去久遠有

悲心經第七卷 第十五頌 駒

寫

劫名賢初入劫時第四世尊名曰某甲彼佛世尊勸化我等初發阿耨多羅三藐三菩提心我等今時燒滅善心集不善根作五逆罪乃至邪見彼佛今時勸化我等令得安住六波羅蜜因是即得解了一切陀羅尼門轉正法輪離生死縛令無量無邊百千眾生安住勝果復令無量百千眾生安止天人乃至解脫果若有眾生求菩提道聞讚歎我已各問於佛彼佛世尊見何義利於重五濁惡世之中成阿耨多羅三藐三菩提是諸世尊即便向是求菩提道善男子善女人說我往昔所成大悲初發阿耨多羅三藐三菩提心莊嚴世界及妙善願本起因緣是人間已其心驚愕歎未曾有尋發妙願於諸眾生大慈悲心如我無異作是願言其有如是重五濁世其中眾生作五逆罪乃至成就諸不善根我當於中而調伏之彼諸世尊以是諸人成就大悲於五濁世發諸善願隨其所求而與授記世尊

彼佛世尊復為修學大乘諸人說我

悲心經第七卷 第二頌 駒

寫

舍利所作變化本起因緣過去久遠有佛世尊名字某甲般涅槃後刀兵疾病飢餓劫起我等今時於其劫中受諸苦惱是佛舍利為我等故作種種神足師子遊戲是故我等即得發阿耨多羅三藐三菩提心種諸善根精勤修集於六波羅蜜如上廣說佛告寂意菩薩善男子今時實海梵志在寶藏佛所諸天大眾人非人前尋得成就大悲之心廣大無量作五百誓願已復白佛言世尊若我所願不成不得已利者我則不於未來賢劫重五濁惡世共闍諍末世盲癡無所師諮元有教誡墮於諸見大黑闇中作五逆惡如上說中成就所願作於佛事我今則捨菩提之心亦不願於他方佛土殖諸善根世尊我今如是專心不以是善根成阿耨多羅三藐三菩提亦不願求辟支佛乘亦復不願作聲聞乘天三人王貪樂五欲生天人中不求軋閻婆阿修羅迦樓羅緊那羅摩睺羅伽夜叉羅刹諸龍王

等以是善根不求如是諸處世尊若

悲心經第七卷 第三頌 駒

得大富以施為因若得生天以戒為因若得大智以廣學為因若斷煩惱以思惟為因如佛言曰如是等事皆是已利功德之人則能隨其所求皆悉得之世尊若我善根成就得已利者我之所有布施持戒多聞思惟悉當成就以是果報皆為地獄一切眾生若有眾生墮阿鼻地獄以是善根當拔濟之令生人中聞佛說法即得開解成阿羅漢速入涅槃是諸眾生若業報未盡我當捨壽入阿鼻獄代受苦惱願令我身數如一佛世界微塵一一身如須彌山等是一一身覺諸苦樂如我今身所覺苦樂一一身受如一佛世界微塵數等種種重惡苦惱之報如今一佛世界微塵等十方諸佛世界所有眾生作五逆惡起不善業乃至當墮阿鼻地獄若後過如一佛世界微塵等大劫十方諸佛世界微塵數等所有眾生作五逆惡起不善業當墮阿鼻地獄者我當為是一切眾生於阿鼻地獄代受諸苦令

不墮地獄值遇諸佛誥受妙法出於生死入涅槃城我今要當代是衆生久久常處阿鼻地獄復次如一佛世界微塵數等十方世界所有衆生惡業成就當必受果墮入大地獄如阿鼻地獄所說大地獄摩訶盧藪地獄逼迫地獄黑繩地獄想地獄及種種畜生餓鬼貧窮夜叉拘脤荼毗舍遮阿修羅迦樓羅等皆亦是世尊若有如一佛世界微塵數等十方世界所有衆生成就惡業必當受報生於人中鬪盲瘖瘂无手無脚心亂失念食噉不淨我亦當代如是衆生受於諸罪如上所說復次若有衆生墮阿鼻地獄受諸苦惱我當久久代是衆生受諸苦惱如生死衆生所受陰界諸入畜生餓鬼貧窮夜叉拘脤荼毗舍遮阿修羅迦樓羅等皆亦是世尊若我所願成就速得已利成阿耨多羅三藐三菩提如上所願者十方無量无边阿僧祇世界在在處處現在諸佛為衆生說法悲當為我作證亦是諸佛之所知見世尊惟願今者

與我阿耨多羅三藐三菩提記於賢劫中人壽百二十歲時成佛出世如來應供正遍知乃至天人師佛世尊世尊若我必能成就如是佛事如我願者今此大衆及諸天龍阿修羅等若處地虛空唯除如來其餘一切皆當涕泣悲於我前頭面作禮讚言善哉善哉大悲成就無能及也得念甚深為諸衆生是深悲發堅固誓願汝今所作不由他教以專心大悲覆護一切攝取五逆諸不善人汝之善願我今悉知汝初發阿耨多羅三藐三菩提心時已為衆生作大良藥為作歸依擁護舍宅為令衆生得解脫故作是誓願汝今所願得已利者如來為汝授阿耨多羅三藐三菩提記說是語已時轉輪聖王無量清淨尋從座起悲泣淚出叉手合掌向是梵志頭面敬礼而說偈言
汝今所願 堅固甚深 汝捨已樂 為諸衆生 起大悲心 為我等現 諸法真實 妙勝之相
尔時觀世音菩薩說偈讚言

衆生多所著 汝今無所著 於上下諸根 久已得自在 故能隨衆生 根願具足 與未來世當得 陀羅尼智藏
尔時得大勢菩薩說偈讚言
無量億衆生 為善故集聚 見知汝大悲 一切皆啼泣 所作諸苦行 昔來未曾有 尔時文殊師利菩薩復說偈讚言
精進三昧 甚堅牢固 妙勝智慧 善能分別 若以華香 供養汝者 汝於今日 則能堪受
尔時虛空印菩薩復說偈讚言
汝為衆生 成就大悲 捨財布施 於濁惡世 嚴持諸相 微妙第一 為諸天人 作調御師
尔時金剛智慧光明菩薩復說偈讚言
汝今大悲心 廣大如虛空 欲為衆生親 故現行菩提
尔時虛空日菩薩復說偈讚言
汝所成就 大悲功德 勝妙智慧 善別法相 除佛世尊 餘無能及
尔時師子香菩薩復說偈讚言
汝未來世 於賢劫中 多煩惱處

得大名稱悲心經第七卷 第三張 勸復令無量 諸眾生等

斷除苦惱 得妙解脫

余時普賢菩薩復說偈讚言

一切眾生 勤心修集 生死飢餓

涉邪見山 于相食取 無有善心

汝以大悲 故能攝取

余時阿闍菩薩復說偈讚言

燒滅善心 專作逆惡 墮大無明

黑闇之中 無由得出 煩惱淤泥

汝已攝取 如是眾生

余時香山菩薩復說偈讚言

汝今審見 未來之世 多諸恐怖

如觀鏡像 其中眾生 毀壞正法

皆悉燒滅 一切善心

余時寶相菩薩復說偈讚言

汝今能以 智慧持戒 三昧慈悲

莊嚴其心 故能攝取 燒滅善法

誹謗聖人 如是眾生

余時離恐怖莊嚴菩薩復說偈讚言

汝今所修 無量苦行 皆為攝取

當來眾生 燒滅善心 依邪見者

余時華手菩薩復說偈讚言

汝今大悲 智慧精進 於此大衆

無能及者悲心經第七卷 第三張 勸是故攝取 邪見諸心

為老病死 之所逼者

余時智稱菩薩復說偈讚言

無量眾生 多諸痛苦 常為煩惱

惡風所吹 汝今能以 大智慧水

消滅諸魔 破其力勢

余時地印菩薩復說偈讚言

汝今已得 堅固精進 能盡煩惱

而得解脫 我等志薄 不能及是

余時月華菩薩復說偈讚言

堅固修習 精進用意 依止功德

生憐愍心 是故來世 能為眾生

斷於三世 三有結縛

余時無垢月菩薩復說偈讚言

菩薩所行道 大悲為最上 所說非相立

是故我稽首

余時持力菩薩復說偈讚言

五濁惡世 多煩惱病 汝依菩提

發堅固願 為諸眾生 斷煩惱根

余時火躡菩薩復說偈讚言

汝之智慧 猶如寶藏 所發誓願

清淨無垢 所可修行 無上菩提

但為眾生 作大醫王

余時現力菩薩悲泣涕淚在梵志前悲心經第七卷 第三張 勸

頭面作礼合掌叉手說偈讚言

汝今以此 大智慧炬 為諸眾生

斷煩惱病 亦為貧窮 窮乏眾生

斷除一切 無量諸苦

善男子余時一切大衆天龍鬼神

闍婆人及非人在梵志前頭面作礼

礼已起立合掌恭敬以種種讚法而

讚歎之

佛告寂意菩薩善男子余時寶海梵

志於如來前右膝著地是時大地六

種震動一切十方如一佛世界微塵

數等諸佛世界亦六種震動有大光

明遍照世間種種華鬘陀羅華摩

訶易陀羅華波利質多華易殊沙華

摩訶易殊沙華乃至有無量光明遍

照十方如一佛世界微塵等若淨不

淨諸世界中在在處處現在諸佛為

諸眾生說於正法是諸佛所各有菩

薩坐而聽法是諸菩薩見此大地六

種震動放大光明種種華見是事

已前白佛言世尊何因緣故而此大

地六種震動有大光明種種華

時東方去此一恒河沙等有佛世界名選擇珍寶是中有佛号寶月如來應正遍知明行足善逝世間解無上士調御丈夫天人師佛世尊今現在與無量无边阿僧祇等諸大菩薩恭敬圍繞說大乘法有二菩薩一名寶相二名月相向寶月佛合掌恭敬而白佛言世尊何因緣故六種震動有大光明雨種種華尔時彼佛告二菩薩善男子西方去此如一恒河沙等彼有世界名刪提嵐有佛世尊号曰寶藏如來乃至佛世尊今現在與無量无边諸菩薩等授阿耨多羅三藐三菩提記說諸國土開示諸佛所有世界莊嚴善願三昧境界陀羅尼門如是等經彼大會中有一大悲菩薩摩訶薩作如是願我今當以大悲薰心授阿耨多羅三藐三菩提記為諸菩薩摩訶薩故示現善願是以先令無量无边諸菩薩等發大誓願取於種種莊嚴世界調伏眾生是菩薩所成大悲於諸大衆無能及者於五濁世調伏弊惡多煩惱者攝取一切五

逆之人乃至集聚諸不善根燒滅善心彼諸大衆天龍鬼神人及非人不供養佛悉共供養寂後成就大悲菩薩頭面礼已起立恭敬合掌說偈讚歎是時大悲菩薩在於佛前右膝著地聽佛授記彼佛世尊即便微笑以是因緣令此十方如一佛刹微塵數等諸世界地六種震動放大光明雨種種華惶悟一切諸菩薩等亦復示現諸菩薩道彼佛世尊悉令十方如一佛刹微塵數等諸菩薩皆共集會為如是等諸大菩薩說諸三昧陀羅尼門無畏法門是故彼佛示現如是種種變化善男子時二菩薩聞是事已即白佛言世尊是大悲菩薩發心已來為經幾時行菩薩道復齋幾時何時當於五濁惡世調伏攝取厚重煩惱示共聞諍多作五逆成就一切諸不善根燒滅善心如是眾生尔時彼佛告二菩薩善男子是大悲菩薩今日初發阿耨多羅三藐三菩提心善男子汝今可往見寶藏佛恭敬供養禮拜圍繞聽說三昧陀羅尼門無

畏法門如是等經并見大悲菩薩摩訶薩汝以我聲作如是言寶月如來致意問評以此月光淨華作信與汝又讚汝言善哉善哉善男子汝初發心已能成就如是大悲汝今已有無量名徧遍滿十方如一佛刹微塵數等諸佛世界皆言大悲菩薩汝初發心已能成就如是大悲是故善男子我今讚汝善哉善哉復次善男子汝為當來諸菩薩等成就大悲故說是大悲不斷善願堅立法幢是故復讚善哉善哉復次善男子汝之名徧未來世住當如一佛刹微塵數等阿僧祇劫教百千億無量无边阿僧祇眾生安止令住阿耨多羅三藐三菩提至於佛所得不退轉或發善願或取淨土攝取眾生隨而調伏復令未來得受阿耨多羅三藐三菩提記如是眾生於未來世過如一佛刹微塵數劫當於十方如一佛刹微塵數等諸佛世界得成阿耨多羅三藐三菩提轉正法輪復當讚歎大悲菩薩是故以此

悲花經第七卷 第三十六節

三讚歎法讚歎於汝善哉善哉善男
子今時彼土有九十二億諸菩薩摩
訶薩異口同聲作如是言世尊我等
欲往刪提嵐界見寶藏佛禮拜供養
恭敬圍遶聽諸三昧陀羅尼門无畏
法門如是等經并欲見於大悲菩薩
今時彼佛以此三讚歎法及月光淨
華與二菩薩而告之曰宜知是時今
時寶相菩薩月相菩薩於彼佛所取
月光淨華并與九十二億菩薩摩訶
薩發彼世界如電光發沒彼即到刪
提嵐剎闍浮國中寶藏佛所到佛
所已頭面礼足以諸菩薩所得種種
師子遊戲供養佛已見寶海梵志為
此大衆所共恭敬合掌讚歎見是事
已即便思惟今此大士或當即是大
悲菩薩是故能令寶月如來送此寶
華是二菩薩尋於佛前旋向梵志即
以華與作如是言寶月如來以此妙
華與汝為信并三讚法如上所說如
是東方無量无边阿僧祇諸佛世界
亦遣無量菩薩摩訶薩至刪提嵐界
皆以月光淨華三讚歎法餘如上說

悲花經第七卷 第三十六節

善男子今時南方去此七万七千
千億佛世界有佛世界名寶樓師子
吼有佛号師子相尊三如來應正遍
知明行足善逝世間解無上士調御
丈夫天人師佛世尊今現在為諸菩
薩說大乘法有二菩薩摩訶薩一名
金剛智相二名師子金剛相是二菩
薩白佛言世尊何因緣故地六種動
有大光明雨種種華皆如東方諸菩
薩比復次南方無量无边諸佛遣無
量菩薩至刪提嵐界亦是今時西
方去此八万九千九百億世界有世
界名安樂有佛号攝諸根淨目如來
今現在為四部衆說三乘法有二菩
薩一名賢日光明二名師子吼身是
二菩薩白佛言世尊何因緣故地六
種動有大光明雨種種華餘如上說
如是西方無量世界亦復如是今時
北方過九万一千億世界彼有世界
名勝真寶有佛号世間尊王如來今
現在為諸菩薩說大乘法有二菩薩
一名不動住二名得智慧世間尊王
是二菩薩白佛言世尊何因緣故地

悲花經第七卷 第三十六節

六種動餘如上說北方無量世界亦如
是今時下方過九万八千八百億那由
他世界有世界名離闇霧有佛号離
恐怖圍遶音今現在為四部衆說三
乘法有二菩薩一名日尊二名虛空
日二菩薩白佛言世尊何因緣故
地六種動餘如上說下方世界亦復
如是

悲華經卷第七

癸卯歲高麗國大藏都監奉
勅影造

悲華經卷第八

北涼天竺三藏曇摩無識譯

諸菩薩本授記品第四之六

尔時上方過二十万百千世界有世界名妙華是中有佛号華敷日王如来今現在為四部眾說三乘法有一菩薩一名選擇自法攝取國土二名陀羅尼妙音是二菩薩俱白佛言世尊何因緣故而此大地六種震動有大光明雨種種華尔時彼佛告二菩薩善男子下方過二十万百千世界有世界名刪提嵐有佛世尊号曰寶藏如来乃至佛世尊今現在與無量無邊諸菩薩等授阿耨多羅三藐三菩提記說諸國土開示諸佛所有世界莊嚴善願三昧境界陀羅尼門如是等經彼大會中有一大悲菩薩摩訶薩作如是願我今當以大悲重心授阿耨多羅三藐三菩提記為諸菩薩摩訶薩故示現善願是以先令無量无邊諸菩薩等發大誓願取於種種莊嚴世界調伏眾生是菩薩所成

大悲於諸大眾無能及者於五濁世調伏弊惡多煩惱者攝取一切五逆之人乃至集聚諸不善根燒滅善心

彼諸大眾天龍鬼神人及非人不供養佛悉共供養取後成就大悲菩薩頭回作礼礼已起立恭敬合掌說偈讚歎是大悲菩薩在於佛前右膝著地聽佛授記彼佛世尊即便微笑以是因緣今此十方如一佛刹微塵等世界地六種動放大光明雨種種華惺悟一切諸菩薩等亦復示現諸菩薩道彼佛世尊悉令十方如一佛刹微塵數等諸菩薩眾皆共集會為如是等諸大菩薩說諸三昧陀羅尼門無畏法門是故彼佛示現如是種種變化善男子時二菩薩聞是事已即白佛言世尊是大悲菩薩發心已來為經幾時行菩薩道復齊集時何時當於五濁惡世調伏攝取厚重煩惱平等共聞諍多作五逆成就一切諸不善根燒滅善心如是眾生尔時彼佛告二菩薩善男子是大悲菩薩今日初發阿耨多羅三藐三菩提心善男

子汝今可往見寶藏佛供養恭敬礼拜圍繞聽說三昧陀羅尼門無畏法門如是等經并見大悲菩薩摩訶薩汝以我聲作如是言華敷日王佛致意問訊以此月光淨華作信與汝又讚汝言善哉善哉善男子汝初發心已能成就如是大悲汝今已有無量名稱遍滿十方如一佛刹微塵數等諸佛世界皆言大悲菩薩始初發心已能成就如是大悲是故善男子我今讚汝善哉善哉復次善男子汝為當來諸菩薩等成就大悲故說是大悲不斷善願堅立法幢是故復讚言善哉善哉復次善男子汝之名稱未來世住當如一佛刹微塵數等阿僧祇劫教百千億無量无邊阿僧祇眾生安止令住阿耨多羅三藐三菩提至於佛所得不退轉或發善願或取淨土攝取眾生隨願而調伏復令未來得受阿耨多羅三藐三菩提記如是眾生於未來世過如一佛刹微塵數等劫當於十方如一佛刹微塵數等諸世界中得成阿耨多羅三藐三

者聞此華香即得見色聞香者聞聲乃至一切諸根不具即得具足若有眾生四百四病或動發時聞此華香病即除愈若有顛狂放逸狂癡睡眠心亂失念聞此華香皆得一心是華田中亦生分陀利華其華堅牢猶如金剛琉璃為莖莖有百子結金為葉馬瑙為鞞亦真珠為鬘華高八十四億由旬周匝縱廣十方由旬是華所有色香觸等遍滿十方如一佛刹微塵數等諸佛世界其中眾生或有四大不調適者疾病困篤諸根羸損顛狂放逸狂癡睡眠心亂失念見華光明及聞其香一切所患各各除愈皆得一心若彼眾生壽命終已及身未壞光明來觸香氣來熏尋得命根還起如本與諸親屬共遊圍觀以所五欲共相娛樂若必命終不生餘處生於梵天在彼久住壽命元量梵志是蓮華田者即是此會之大眾也譬如日出眾華開敷如佛日出增益長養妙香光明為諸眾生斷除諸苦善男子我今如日出現於世令諸眾生善根華敷有

微妙香光明遍照能除眾生種種諸病即是如來出現於世以大悲光明遍覆一切令諸眾生善根開敷增益安住於三福處也汝善男子所化無量無邊阿僧祇眾生今住阿耨多羅三藐三菩提至我所者是諸眾生各自發種種善願取佛世界或淨不淨我已隨其所願授記善男子若有菩薩在於我前願取淨土以清淨心善自調伏種種善根攝取眾生者雖謂菩薩猶非猛健大丈夫也非是菩薩深重大悲為眾生故求阿耨多羅三藐三菩提若有取於淨佛土者即是菩薩捨離大悲又復不願離二乘者如是菩薩無巧便慧善平等心若有菩薩作是善願令我世界遠離聲聞辟支佛乘滅不善根無諸女人及三惡道成阿耨多羅三藐三菩提已終以菩薩摩訶薩等為大眷屬終說無上大乘之法壽命無量久住於世經無數劫終為善心調伏白淨成善根者說微妙法如是之人雖謂菩薩非大士也何以故以無巧便平等智

故善男子今時寶藏如來申金色辯其五指頭放大光明其光明有種種無量百千諸色遍照西方過無量無邊阿僧祇世界有世界名曰大指彼土人民壽三十歲面色醜陋形貌可惡成就一切諸不善根身長六尺彼中有佛号大光明如來應正遍知明行足善逝世間解無上士調御丈夫天人師佛世尊今現在為四部眾說三乘法善男子今時大眾悉得遙見彼佛世尊及諸大眾時寶藏佛告諸大眾彼大光明佛於過去無量無邊阿僧祇劫寶蓋光明佛所初發阿耨多羅三藐三菩提心今時亦勸無量無邊億那由他眾生安止住於无上道中隨心所願取於種種莊嚴世界或淨不淨取五濁惡世是大光明佛亦勸我發心安止住於阿耨多羅三藐三菩提今時我於寶蓋光明佛所勸發莊嚴願於此五濁惡世成阿耨多羅三藐三菩提今時彼佛讚我善哉善哉即便授我阿耨多羅三藐三菩提提記我於今時有是善知識故勸我

悲花經第八卷 第十二章

阿耨多羅三藐三菩提彼善知識勝妙丈夫取此重惡五濁之世多諸煩惱不淨國土所有衆生行於惡逆乃至成就諸不善根燒滅善心宛轉生死空曠澤中所願調伏如是衆生小時是善丈夫十方無量無邊諸佛世界所有諸佛各各遣使至是人所稱揚讚歎即為作号名為大悲日月光明彼大悲日月光明即是我之善知識也作大利益於大指世界成佛未久為此短命諸惡人等轉正法輪彼佛初成阿耨多羅三藐三菩提時十方無量無邊諸佛各各遣使至彼佛所為供養恭敬尊重讚歎故是諸世尊皆是往昔大光明佛之所勸化初令安住檀波羅蜜乃至般若波羅蜜是諸世尊以知恩故遣諸菩薩致是供養梵志汝今見不是諸世尊各各處於清淨世界壽命無量純為善心調伏白淨成善根者作於佛事是大光明佛處斯微惡不淨世界五濁惡世成阿耨多羅三藐三菩提所有衆生多作逆罪乃至成就諸不善根壽命

悲花經第八卷 第十三章

短促能於是中增益長壽無量佛事不捨聲聞辟支佛乘為諸衆生說三乘法汝是丈夫一切大衆所不及也所作勝妙甚難誓願取不淨土五濁惡世人多作逆乃至成就諸不善根調伏攝取如是衆生善男子若有菩薩取清淨佛世界離三惡道及聲聞緣覺攝取調伏善心白淨成就善根如是衆生是名菩薩辟如餘華也非謂大菩薩如分陀利華以於善心調伏衆生種種善根作佛事故梵志今聽菩薩四法懈怠何等四一者願取清淨世界二者願於善心調伏白淨衆中施作佛事三者願成佛已不說聲聞辟支佛法四者願成佛已壽命無量是名菩薩四法懈怠是謂菩薩辟喻餘華非謂菩薩如分陀利梵志於此大衆惟除一人婆由比細取不淨世界調伏攝護多煩惱者於賢劫中或有菩薩取不淨土梵志菩薩有四法精進何等四一者願取不淨世界二者於不淨人中施作佛事三者成佛已三乘法四者成佛已得中壽

悲花經第八卷 第十三章

命不長不短是名菩薩四法精進是謂菩薩如分陀利非如餘華是名菩薩摩訶薩梵志汝今於此無量無邊阿僧祇菩薩大衆華田之中發願授記汝於佛前已生大悲分陀利故攝取多逆成就一切諸不善根五濁惡世而於是中隨調伏之汝以大悲音聲故能令十方如一佛刹微塵等諸佛世尊遣信稱讚稱讚已号汝為成就大悲復令此大衆供養於汝又汝祇劫入第二恒河沙等阿僧祇劫後分娑婆世界賢劫中人壽百二十歲為老病死之所纏縛黑闇世中元師詔聚集一切諸不善根行於邪道入煩惱河專作五逆毀壞正法誹謗聖人犯四重禁餘如上說於如是等煩惱亂世當成為佛如來應正遍知明行足善逝世間解無上士調御丈夫天人師佛世尊離生死輪轉正法輪破壞四魔今時有大名聲十方遍滿無量無邊諸佛世界有聲聞大衆千二百五十次第於四十五歲中成

悲花經第八卷 第三張 附

就如無量佛事如汝所願具足無
缺是無量淨王成佛時壽命無量雖
於無量無邊劫中亦能成就如是佛
事等無差別汝善丈夫般涅槃後正
法住世滿一千歲正法滅已汝諸舍
利如汝所願作於佛事久久在世利
益眾生如上所說善男子今時會中
有一梵志名相具足作如是言善丈
夫若於來世無量無邊阿僧祇劫為
菩薩時在在生處我當為汝常作侍
使恒以慈心奉給所須至一生時復當
作父汝成佛已作大檀越亦當授我
無上道記時有海神名曰調意復作
是言善大丈夫從今已往在在之處
乃至一生願我常當為汝作母汝成
佛已亦當授我無上道記時有水神
復作是言從今已往所在之處乃至一
生願我常當作汝乳母汝成佛已亦當
授我無上道記有二帝釋一名善念二名
寶念復作是言善大丈夫汝成佛已我
等當作智慧神足聲聞弟子復有帝
釋名善見足作如是言大悲從今已往
在在之處乃至一生常為汝子有須弥

悲花經第八卷 第七張 附

山神名善樂華復作是言大悲汝乃
至一生常為汝婦成佛道已亦當授
我無上道記復有阿修羅王名胃臆
行復作是言大悲於無量無邊阿僧
祇劫為菩薩時乃至一生於其中間
我當為汝僮僕給使奉諸所安汝成
阿耨多羅三藐三菩提已轉正法輪
我初解法得於實果服甘露味乃至
得斷一切煩惱成阿羅漢今時復有
一恒河沙等天龍鬼神阿修羅迦樓
羅人非人等向大悲菩薩作是誓願
善大丈夫要當調伏教化我等今時
有一裸形梵志名乱想可畏復作是
言善大丈夫汝於無量無邊阿僧祇
劫行菩薩道時我當從汝求索所須
常至汝所乞米衣服鉢椀具房舍
屋宅為馬車乘國城妻子頭目髓腦
皮肉手脚耳鼻舌身善大丈夫我當
為汝作位助因令汝滿足檀波羅蜜
乃至般若波羅蜜大悲梵志如是等
行菩薩道時我當勸汝令得具足六
波羅蜜汝成佛已願作弟子當從汝
聞八万法聚聞已即能辨說法相說

悲花經第八卷 第十五張 附

法相已汝當授我無上道記善男子
今時梵志聞是事已即禮佛足便告
裸形梵志言善哉善哉汝真是我無
上道伴汝於無量無邊百千万億阿
僧祇劫常至我所乞索所須所謂衣
服乃至舌身我於今時以清淨心捨
諸所有布施於汝汝於是時亦無罪
分善男子今時大悲菩薩摩訶薩復
作是言世尊我於無量無邊百千万
億阿僧祇劫在在生處為菩薩時有
諸乞士在我前住若求飲食或以軟
語或以惡言或輕毀或或真實言世
尊我於今時乃至不生一念惡心若
生瞋恚如彈拍頃以施因緣求將來
報者我即欺誑十方世界無量無邊
阿僧祇現在諸佛於未來世亦當必
定不戒阿耨多羅三藐三菩提世尊
我今當以歡喜之心施於乞者願令
受者無諸損益於諸善根亦無留難
乃至一毫若我今彼受者有一毫損
益善根留難者則為欺誑十方世界
無量無邊阿僧祇等現在諸佛若誑
諸佛者則當必墮阿鼻地獄不能歡

悲花經第八卷 第七十一節

喜施與衣服飲食若彼乞者或以軟語或廣惡言或輕毀此或真實言求索如是頭目髓腦世尊若我是時心不歡喜乃至生於一念瞋恚以此施緣求果報者則為欺誑十方世界无量無邊現在諸佛以是因緣必定墮於阿鼻地獄如檀波羅蜜說乃至般若波羅蜜亦如是善男子今時寶藏如來即便讚歎寶海梵志善哉善哉善能安止大悲心故作是誓願善男子今時一切大眾諸天龍鬼神人及非人合掌讚言善哉善哉善能安止大悲心故作是誓願得大名稱堅固行於六和之法充足利益一切眾生善男子如禪亦梵志作誓願時復有八万四千人亦同梵志所發誓願善男子今時大悲菩薩摩訶薩復共如是八万四千人同作誓願心生歡喜合掌四顧遍觀大家作如是言未曾有也未來之世正法滅時多諸煩惱五濁惡世我於是中放大光明作調御師於黑闇世然正法燈若諸眾生無有救護无有勢力無佛示導我今

悲花經第八卷 第七十二節

初發菩提心時已得如是等無上道伴是等諸人願令世世從我受此頭目髓腦皮肉骨血手足耳鼻舌身乃至衣服飲食善男子今時寶海梵志白佛言世尊若未來之世無量无边百千万億阿僧祇劫如是眾生未至我所受我所施頭目髓腦乃至飲食如一毛分已我成阿耨多羅三藐三菩提已若不脫生死不得授記於三乘者我則欺誑十方世界無量无边現在諸佛必定不成阿耨多羅三藐三菩提善男子今時寶藏如來復重讚歎大悲菩薩善哉善哉善大丈夫汝能如是行菩薩道譬如往昔須弥山寶菩薩在世間光明佛前初發如是菩提之心作是誓願亦行如是菩薩之道過一恒河沙等阿僧祇劫東方去此百千億佛世界彼有世界名光明智熾人壽百歲於中成佛号智華无垢堅菩提尊王如來應正遍知明行足善逝世間解無上士調御丈夫天人師佛世尊住世說法四十五年作於佛事今時佛告大悲菩薩彼

悲花經第八卷 第七十三節

佛般涅槃後正法住世滿一千歲正法滅已像法住世亦一千歲大悲彼佛世尊若在世若涅槃正法像法於此中間有諸比丘及比丘尼非法毀戒行於邪道斷法供養無慚无愧或斷捨提僧物斷現前僧衣服飲食卧具醫藥取眾僧物以為己有自用與人及與在家者善男子如是等人彼佛世尊皆與授記於三乘中大悲彼如來所若有出家者眾者皆得授記不退三乘若有比丘比丘尼優婆塞優婆夷犯四重禁被佛於此起世尊想種種善根亦與授記不退三乘善男子今時大悲菩薩摩訶薩復作是言世尊我今所願行菩薩道時若有眾生我要勸化令安止住檀波羅蜜乃至般若波羅蜜乃至勸化令住如一毛端善根乃至成阿耨多羅三藐三菩提若不中止乃至一眾生於三乘中今退轉者則為欺誑十方世界無量无边阿僧祇等現在諸佛必定不成阿耨多羅三藐三菩提世尊我成佛已若有眾生入我法中出家者

袈裟者或犯重戒或行邪見若於三寶輕毀不信集諸重罪比丘比丘尼優婆塞優婆夷若於一念中生恭敬心尊重世尊或於法僧世尊如是家生乃至一人不於三乘得投記前而退轉者則為欺誑十方世界無量无边阿僧祇等現在諸佛必定不成阿耨多羅三藐三菩提世尊我成佛已諸天龍鬼神人及非人若能於此著袈裟者恭敬供養尊重讚歎其人若得見此袈裟少分即得不退於三乘中若有衆生為飢渴所逼若貧窮鬼神下賤諸人乃至餓鬼衆生若得袈裟少分乃至四寸其人即得飲食充足隨其所願疾得成就若有衆生共相違及起怨賊想展轉聞諍若諸天龍鬼神乳闍婆阿修羅迦樓羅緊那羅摩睺羅伽拘辦荼毗舍遮人及非人共聞諍時念此袈裟尋生悲心柔軟之心無怨賊心寂滅之心調伏善心有人若在兵甲閭訟斷事之中持此袈裟少分至此輩中為自護故供養恭敬尊重是諸人等无能侵毀觸

燒輕弄常得勝他過此諸難世尊我袈裟不能成就如是五事聖功德者則為欺誑十方世界無量无边阿僧祇等現在諸佛未來不應成阿耨多羅三藐三菩提世尊我成佛已法必定不能破壞外道善男子今時寶藏如來伸金色右臂摩大悲菩薩頂讚言善哉善哉大丈夫汝所言者是大珍寶是大賢善汝成阿耨多羅三藐三菩提已是袈裟衣服能成就此五聖功德作大利益善男子今時大悲菩薩摩訶薩聞佛稱讚已心生歡喜踊躍無量因佛伸此金色之臂長指合縷其手柔軟猶如天衣摩其頭已其身即變狀如童子二十歲人善男子彼會大眾天龍鬼神乳闍婆人及非人又手恭敬向大悲菩薩供養散種種華乃至技樂而供養之復種種讚歎讚歎已默然而住悲華經檀波羅蜜品第五之一善男子今時大悲菩薩頭面禮敬寶藏如來禮佛足已在於佛前白佛言世尊所言諸三昧門助善提法清淨

門經齋幾名為諸三昧門助善提法清淨門經云何菩薩無畏莊嚴具足於忍善男子今時彼佛讚大悲菩薩言善哉善哉大悲汝今所問甚奇甚特即是珍寶能大利益無量无边諸菩薩等何以故大悲汝能問佛如是大事大悲汝今諦聽諦聽若有善男子善女人修行大乘有首楞嚴三昧入是三昧能入一切諸三昧中有寶印三昧入是三昧能印諸三昧有師子遊戲三昧入是三昧於諸三昧能師子遊戲有善月三昧入是三昧能照諸三昧有幢相三昧入是三昧能持諸三昧幢有出一切法性三昧入是三昧能出一切三昧有觀印三昧入是三昧能觀一切三昧頂有離法界三昧入是三昧能分別諸三昧有離幢相三昧入是三昧能持一切諸三昧幢有金剛三昧入是三昧能令一切三昧不可破壞有諸法印三昧入是三昧能印一切法有三昧王善住三昧入是三昧於諸三昧安住如王有放光三昧入是三昧能放光明

非花經第八卷 第二十二張 明 攝

照諸三昧有力進三昧入是三昧於諸三昧增進自在有正出三昧入是三昧能正出諸三昧有辯辯三昧入是三昧悉解一切無量音聲有語言三昧入是三昧能入一切諸語言中有觀方三昧入是三昧能遍觀諸三昧方有一切法三昧入是三昧能破一切法有持印三昧入是三昧持諸三昧印有入一切法寂靜三昧入是三昧令一切三昧入於寂靜有不失三昧入是三昧不忘一切三昧有一切法不動三昧入是三昧令一切三昧不動有親近一切法海印三昧入是三昧攝取親近一切三昧有一切無我三昧入是三昧令諸三昧无有生滅有遍覆虛空三昧入是三昧遍覆一切三昧有不斷一切法三昧入是三昧持諸三昧令不斷絕有金剛場三昧入是三昧能治一切諸三昧場有一切法一味三昧入是三昧能持一切法一味有離樂受三昧入是三昧離一切煩惱及助煩惱有一切法無生三昧入是三昧示一切三

非花經第八卷 第二十三張 明

昧無生无滅有光明三昧入是三昧能照一切三昧令其熾明有不滅一切法三昧入是三昧不求一分別一切三昧有不求三昧入是三昧不求一切諸法有不住三昧入是三昧於諸法中不住法界有虛空憶想三昧入是三昧令諸三昧皆是虛空見其真實有無心三昧入是三昧能於一切諸三昧中滅心心數法有色無邊三昧入是三昧於一切三昧中色無邊光明有淨燈三昧入是三昧於一切三昧中能作燈明有一切法无邊三昧入是三昧於諸三昧悉能示現無量智慧有電無邊三昧入是三昧於諸三昧示現智慧有一切光明三昧入是三昧於諸三昧示現三昧門光明有諸界無邊三昧入是三昧於諸三昧示現无量無邊智慧有白淨堅固三昧入是三昧於諸三昧得空定有須弥山空三昧入是三昧於諸三昧示現虛空有元垢光明三昧入是三昧於諸三昧除諸垢穢有一切法中無畏三昧入是三昧於諸三昧

非花經第八卷 第二十四張 明 攝

示現无畏有樂樂三昧入是三昧於諸三昧悉得樂樂有一切法正遊戲三昧入是三昧於諸三昧示現无有一切諸色有放電光三昧入是三昧於諸三昧示現放光有一切法安止无垢智慧有無盡三昧入是三昧於諸三昧示現非盡非不盡有一切法不可思議清淨三昧入是三昧於諸三昧示現如鏡中像等不可思議有大光三昧入是三昧於諸三昧令智慧熾然有離盡三昧入是三昧於諸三昧示現不盡有不動三昧入是三昧於諸法中不動不受無有輕戲有增益三昧入是三昧於諸三昧悉見增益有日燈三昧入是三昧於諸三昧放光明門有月无垢三昧入是三昧於諸三昧作月光明有白淨光明三昧入是三昧於諸三昧得四種辯有作不作三昧入是三昧於諸三昧作與不作示現智相有金剛三昧入是三昧悉得通達一切諸法乃至不見如微塵等障尋有住心三昧入是

三昧其心不動不受苦樂不見光明
無有瞋恚於此心中亦復不見此是
心想有遍照三昧入是三昧於諸三
昧見一切明有善住三昧入是三昧
於諸三昧善能得住有寶山三昧入
是三昧見諸三昧猶如寶山有勝法
印三昧入是三昧能印諸三昧有順
法性三昧入是三昧見一切法悉皆
隨順有離樂三昧入是三昧於一切
法得離樂著有法炸三昧入是三昧
除諸法闡有法雨三昧入是三昧於
諸三昧能雨法雨破壞者相有等言
語三昧入是三昧於諸法中悉得眼
目有離語言三昧入是三昧於諸法
中乃至無有一言有斷緣三昧入是
三昧斷諸法緣有不作三昧入是三
昧於諸法中不見作者有淨性三昧
入是三昧見一切法自性清淨有無
障導三昧入是三昧於諸法中元有
障導有離網三昧入是三昧見諸三
昧足離於高下有集聚一切功德三
昧入是三昧離一切法集有正住三
昧入是三昧於諸法中不見有心及

心數法有覺三昧入是三昧即能覺
悟一切諸法有念分別三昧入是三
昧於諸法中得無量辯有淨智覺三
昧入是三昧於一切法得等非等有
智相三昧入是三昧能出三界有智
斷三昧入是三昧見諸法斷有智雨
三昧入是三昧得一切法雨有無依
三昧入是三昧於諸法中不見依止
有大莊嚴三昧入是三昧於諸法中
不見法幢有行三昧入是三昧能見
諸法悲寂靜行有一切行離一切有
三昧入是三昧於諸法中通通解了
有俗言三昧入是三昧能解俗言有
離語言無字三昧入是三昧於諸法
中悉得解了無有語言有智炸三昧
入是三昧於諸法中能作照明有智
勝相吼三昧入是三昧於諸法中示
現淨相有通智相三昧入是三昧於
諸法中悉見智相有成就一切行三
昧入是三昧於諸法中成就一切行
有離苦樂三昧入是三昧於諸法中
無所依止有元盡行三昧入是三昧
見諸法無盡有陀羅尼三昧入是三

昧於諸三昧能持法相不見邪正有
無憎愛三昧入是三昧於諸法中不
見憎愛有淨光三昧入是三昧於有
為法不見是垢有堅牢三昧入是三
昧不見諸法有不堅牢有滿月淨光
三昧入是三昧志能具足成就功德
有大莊嚴三昧入是三昧於諸三昧
志見成就無量莊嚴有一切世光明
三昧入是三昧於諸三昧以智照明
有一切等照三昧入是三昧於諸三
昧志得一心有淨无淨三昧入是三
昧於諸三昧不見淨不淨有元宅三
昧入是三昧不見諸三昧舍宅有如
尔三昧入是三昧於諸法中不見作
與不作有無身三昧入是三昧於諸
法中不見有身諸菩薩得如是等諸
三昧門口業清淨如虛空於諸法中
不見口業猶如虛空元有障導大悲
是名修學大乘菩薩摩訶薩諸三
昧門

悲華經卷第八

王寅歲高麗國大藏都監奉

勅彫造

悲華經卷第九

北京天生三藏堂無識譯

標淚羅蜜品第五之二

駒

善男子云何菩薩摩訶薩助苦提法
 清淨之門善男子布施即是助苦提
 法化衆生故持戒即是助苦提法具
 足善願故忍辱即是助苦提法具足
 三十二相八十隨形好故精進即是
 助苦提法於諸衆生勤教化故禪定
 即是助苦提法令心具足得調伏故
 智慧即是助苦提法具足能知諸煩
 惱故多聞即是助苦提法於諸法中
 具無導故一切功德即是助苦提法一
 切衆生得具足故智業即是助苦提
 法得具足無導智故修定即是助苦
 提法悲得成就柔愛心故慧業即是
 助苦提法遠離一切諸疑惑故慈心
 即是助苦提法於諸衆生心无導故
 悲心即是助苦提法拔出衆生諸苦
 故喜心即是助苦提法受樂法故捨
 心即是助苦提法斷憎愛故聽法即
 是助苦提法斷五蓋故出世即是助

悲華經第九卷 第五之二 駒

苦提法捨諸所有故阿蘭若即是助
 苦提法離諸忿務故專念即是助苦
 提法得陀羅尼故正憶即是助苦提
 法分別意識故思惟即是助苦提法
 於諸法中得成就義故念處即是助
 苦提法身受心法覺分別故正勤即
 是助苦提法斷不善法修善法故如
 意足即是助苦提法身心輕利故諸
 根即是助苦提法得一切衆生根具
 足故諸力即是助苦提法具足能壞
 諸煩惱故諸覺即是助苦提法於諸
 法中具足覺知實法相故正道即是
 助苦提法遠離一切諸邪道故聖諦
 即是助苦提法斷滅一切諸煩惱故
 四辯即是助苦提法得斷衆生諸疑
 惑故總念即是助苦提法不從他聞
 得智慧故善友即是助苦提法一切
 功德特成就故發心即是助苦提法
 成就不誑諸衆生故用意即是助苦
 提法出一切法故事心即是助苦提
 法增益善法故思惟善法即是助苦
 提法隨所聞法得成就故攝取即是
 助苦提法成就教化諸衆生故護持

悲華經第九卷 第五之二 駒

正法即是助苦提法令三寶種不斷
 絕故善願即是助苦提法成就嚴淨
 佛世界故方便即是助苦提法速得
 成就一切智故善男子是名菩薩摩
 訶薩助苦提法清淨門經善男子介
 時寶藏如來四顧遍觀菩薩大衆告
 大悲言大悲云何菩薩以無所畏莊
 嚴瓔珞具足於忍善男子若菩薩見
 第一義得无癡精進不著三界若不
 著三界是謂三昧无畏沙門之法如
 空中動手恙無所著又觀諸法不見
 相貌大悲是名菩薩摩訶薩以無所
 畏莊嚴瓔珞善男子云何菩薩具足
 於忍如是菩薩住於法時不見諸法
 如微塵相貌逆順觀行於諸法中解
 元果報於所習慈了無有我於所習
 悲了無衆生於所習喜了无有命於
 所習捨了無有人雖行布施不見施
 物雖行持戒不見淨心雖行忍辱不
 見衆生雖行精進無離欲心雖行禪
 定無除惡心雖行智慧心无所行雖
 行念處不見思惟雖行正勤不見心
 之生滅雖行如意足不見無量心雖

行於信不見無障等心雖行於念不見心得自在雖行於定不見入定心雖行於慧不見慧根雖行諸力元所破壞雖行諸覺心無分別雖行正道不見諸法雖行定業不見心之寂靜雖行慧業不見心之所行雖行空諦行心雖修念法心等法界雖修念法心無所住教化眾生心得清淨雖持正法於諸法界心不分別雖修淨土其心平等猶如虛空雖修相好心無諸相雖得忍辱心無所有雖住不退常自不見退與不退雖行道場解了三界無有異相雖壞諸魔乃是利益元量眾生雖行菩提觀諸法空無菩提心雖轉法輪於一切法無轉元還雖復亦現大般涅槃於生死中心等無異是名菩薩具足於忍說是法時有六十四億菩薩摩訶薩從十方來至耆闍崛山擇迦牟尼佛所聽此本緣三昧助菩提法清淨門經聞是法已得無生忍今時擇迦牟尼佛告諸大眾汝今當知寶藏如來於往古世說

是法時有四十八恒河沙等菩薩摩訶薩得無生忍四天下微塵數等菩薩摩訶薩住不退轉地一恒河沙等菩薩摩訶薩得此本緣三昧助菩提法清淨門經善男子今時大悲菩薩聞是法已心生歡喜即得變身其狀猶如年二十人追隨如來猶影隨形善男子今時轉輪聖王及其千子八萬四千小王九十二億人悉共出家奉持禁戒修學多聞忍辱三昧勤行精進善男子今時大悲菩薩摩訶薩漸漸從佛諸受聲聞所有八萬四千法聚緣覺所有九萬法聚受持諷誦悉令通利大乘法藏身念處中十萬法聚受念處中十萬法聚心念處中十萬法聚法念處中十萬法聚慧皆受持讀誦通利十八界中十萬法聚十二入中十萬法聚斷除貪欲十萬法聚斷除瞋恚十萬法聚斷除愚癡十萬法聚三昧解脫十萬法聚諸力無畏不共之法十萬法聚如是等十億法聚皆悉受持讀誦通利善男子其後彼佛入般涅槃今時大悲菩薩

摩訶薩以無量無邊種種諸華末香塗香寶幢幡蓋瓊寶妓樂而以供養以種種香積以為積閣維其身收取舍利起七寶塔高五由旬縱廣正等滿一由旬於七日中復以種種無量無邊華香妓樂寶幢幡蓋而供養之今時復令無量無邊眾生安止住於三乘法中善男子大悲菩薩過七日已與八萬四千人俱共出家剃除鬚髮著袈裟於寶藏佛般涅槃後隨順等心熾然正法滿十千歲復令無量無邊阿僧祇眾生安止住於三乘法中及三歸依五戒八齋沙彌十戒次第具足大僧淨行復更勸化無量百千萬億眾生安止住於神通方便四無量行令觀五陰猶如怨賊觀於諸入如空聚落觀有為法從因緣生勸化眾生令得知見觀一切法如鏡中像如熱時炎如水中月於諸法中皆知無我元生無滅第一寂靜微妙涅槃復令無量無邊眾生安止住於八聖道中作如是等大利益已即便命終尋時復有無量無邊百千諸人

起花經卷第七

以種種供養供養大悲比丘舍利其所供養悉如轉輪聖王之法如是大眾種種供養大悲舍利亦復如是大悲比丘命終之日寶藏如來所有正法即於其日滅盡無餘彼諸菩薩以本願故生諸佛土或生兜術人中龍中或夜叉中或阿修羅生於種種畜生之中善男子大悲比丘命終之後以本願故南方去此十千佛土有佛世界名曰歡喜彼中人民壽八十歲集聚一切諸不善根悉為殺害安住諸惡於諸眾生無慈悲心不孝父母乃至不畏未來之世大悲比丘以本願故生彼世界旃陀羅家所受身體長大端正力勢剛強威猛勇健專念問答辯才捷疾如是諸事悉勝於人以強力勢逼捉諸人作如是言汝今若能受不盜戒乃至遠離種種邪見行正見者當施汝命給汝所須資產之物令無所乏若不受者我今要當斷汝命根然後乃去尔時諸人長跪叉手作如是言仁者今已為我調御如仁所勅我今授持盡其壽命不復

起花經卷第八

偷盜乃至正見亦復如是尔時強力旃陀羅往至王所或大臣所作如是言我今困乏資產之具所詣飲食醫藥衣服卧具香華金銀錢貨真珠玩稱珂貝璧玉珊瑚琥珀真寶偽寶若我得此種種物已持施眾生尔時國王大臣即與種種所須之物令其充足時旃陀羅因其施故安止此王及其大臣住九善中尔時人民增益壽命滿五百歲其王命終諸大臣等以旃陀羅紹繼王位因為作字号功德力善男子尔時功德力王不久三國土復以力故王二國土如是不久乃至得作轉輪聖王王問浮提然後教化一切眾生安止令住不殺生戒乃至正見亦復如是隨諸眾生心所志樂勸化令住於三乘中尔時功德力王教化閻浮提內無量眾生於十善道及三乘中已於閻浮提內大聲唱言若有乞求欲須食飲乃至欲得種種珍寶悉來至此我當給施是時閻浮提內一切七士聞是唱已悉來集會時功德力王種種隨意給施而

起花經卷第九

須皆令滿足尔時有一丘軋子名曰灰音往至王所而作是言王今所作種種大施以求無上正真之道我今所須王當與我令得滿足王於來世當熾然法燈時王問言卿何所須彼人答言我誦持呪術欲得與彼阿修羅闘怖其破壞自得勝利是故白王如是事耳所可須者未死之人皮之與眼尔時大王聞是語已如是思惟我今得是無量勢力轉輪聖王已得安止無量眾生住於十善及三乘中復作无量無邊大施此善知識欲令我以不堅牢身質堅牢身尔時大王便作是言汝今可生歡喜之心我今以此凡夫肉眼布施於汝以是緣故令我來世得清淨慧眼以歡喜心剝皮施汝復以是緣令我成阿耨多羅三藐三菩提已得金色身善男子尔時功德力王以其右手挑取二目施于軋子血流汗面而作是言諸天龍神乾闥婆阿修羅迦樓羅緊那羅摩睺羅伽人非人等若在虛空若在地者悉聽我言我今所施皆為無上善

提之道白淨涅脥度諸衆生於四溟
水令得安止住於涅脥復作是言若
我必定成阿耨多羅三藐三菩提者
雖作是事所有命根不應斷壞不失
正命不應生悔令是軀子所作呪術
便得成就復作是言汝今可來剝取
我皮善男子時屈軀子即持利刀剝
取王皮却後七日所作呪術悉得成
就今時大王於七日中其命未終不
失正念雖受是苦乃至一念不生悔
心善男子汝今當知今時大悲菩薩
者豈異人乎莫作是觀則我身是於
過去世實成佛所初發阿耨多羅三
藐三菩提心初發心已勸化無量无
邊衆生於阿耨多羅三藐三菩提善
男子是我軍初勇健精進今時我以
本願力故命終生於歡樂世界旃陀
羅家是我第二勇健精進我生旃陀
羅家教化衆生於善法中以自力勢
乃至得作轉輪聖王滅閻浮提閻諱
穢濁令得寂靜增長壽命是我初始
捨於身皮及以眼目善男子我以願
故於彼命終復還來生歡喜世界旃

陀羅家乃至得作轉輪聖王以大勢
力安止衆生於善法中於彼世界復
得除滅怨賊閻諱穢濁之事今諸衆
生增益壽命我於今時始捨舌耳於
彼三千大千世界一天下作如是
等大利益已以願力故精進堅牢如
是次第復於如是一恒河沙等五濁
惡世作大利益安止衆生住於善法
及三乘中滅除怨賊閻諱穢濁善男
子其餘他方清淨世界所有諸佛本
行阿耨多羅三藐三菩提時不說他
過不為他人說惡惡言不以力勢示
現恐怖不勸衆生於聲聞乘辟支佛
乘是故諸佛具滿成就阿耨多羅三
藐三菩提已得此清淨妙好世界無
諸罪名无有受戒耳終不聞惡惡之
言無不善聲常聞法聲離於一切不
適意聲於諸衆生而得自在无有聲
聞辟支佛名善男子我於恒河沙等
大劫如恒河沙等無佛國土五濁之
世以廣惡言斷命因緣恐怖衆生然
後勸令安住善法及三乘中是餘業
故今得如是弊惡世界以不善音唱

滿世界是故今得不善衆生充滿世
界說三乘法如我本願取佛世界調
伏衆生其事如是我已如說精勤修
集行菩提道是故今得種子相似佛
之世界如我本願今得如是善男子
今我略說往昔所行檀波羅蜜我行
檀波羅蜜時過去諸菩薩行菩薩道
時亦无有能行如是行未來之世行
菩薩道亦無有能行如是行我為菩
薩行檀波羅蜜時唯除過去八善丈
夫第一菩薩名曰一地得在此南方
一切過患國成阿耨多羅三藐三菩
提号破煩惱光明如來應正遍知明
行足善逝世間解無上士調御丈夫
天人師佛世尊人壽百歲於中說法
七日之後入般涅脥第二菩薩名精
進清淨在此東方炎熾國土成阿耨多
羅三藐三菩提号曰功德如來應正
遍知明行足善逝世間解無上士調
御丈夫天人師佛世尊人壽百歲於
中說法作佛事已彼佛過一恒河沙
等大劫已入無上涅脥其佛舍利乃
至今日在無佛國作於佛事如我無

慧苑經第九卷 第十三教 勸

異第三菩薩名堅固華於諸三昧勤
 行精進以大力勢行於布施於當來
 世過十恒河沙等大劫在此北方歡樂
 世界成阿耨多羅三藐三菩提號
 愛王如來應正遍知明行足善逝世
 間解無上士調御丈夫天人師佛世
 尊第四菩薩名曰慧熾攝取歡喜過
 一大劫在此西方可畏世界人壽百
 歲於中成阿耨多羅三藐三菩提號
 日藏光明無垢尊王如來應正遍知
 明行足善逝世間解無上士調御丈
 夫天人師佛世尊於今我前有二菩
 薩一名日光二名喜辭未來之世過
 於無量无边大劫在此上方灰霧國
 土劫名大亂五濁惡世多諸煩惱人
 壽五十歲日光菩薩以本願故於中
 成阿耨多羅三藐三菩提號不思議
 日光明如來應正遍知明行足善逝
 世間解無上士調御丈夫天人師佛
 世尊滿十歲中具足佛事而般涅槃
 即涅槃日正法亦滅其後十歲空過
 無佛人壽轉減至三十歲喜辭菩薩
 以本願故於中成阿耨多羅三藐

慧苑經第九卷 第五教 勸

三菩提號勝日光明如來應正遍知
 明行足善逝世間解無上士調御丈
 夫天人師佛世尊彼佛世尊亦十歲
 中具足佛事而般涅槃般涅槃已以
 本願故正法住世滿七十歲時二菩
 薩在於我前始得授阿耨多羅三藐
 三菩提記以聞記故心生歡喜頭面
 敬禮以歡喜故上昇虛空高七多羅
 樹叉手向佛異口同音而說偈言
 如來光明 殊於日月 能於惡世
 演大智慧 調御自淨 無有垢穢
 以妙論議 摧伏外道 我無量劫
 修元相定 以求無上 勝妙菩提
 供養諸佛 數如恒沙 而過去佛
 不授我記 世尊離欲 心得解脫
 於黑闇世 善為佛事 為諸失道
 衆生說法 悉令得出 生死漂流
 我今所願 於此自在 清淨佛法
 出家修道 解脫淨戒 如說而行
 定心觀佛 如影隨行 不為利養
 但求正法 得聞法已 服甘露味
 是故世尊 與我授記 於未來世
 得無上道

慧苑經第九卷 第五教 勸

善男子其餘二人故未發心已發心
 者一名日光二名喜辭先有四人一
 名地得二名精進淨三名堅固華四
 名慧熾攝取歡喜合有八人是六菩
 薩我初勸其令發阿耨多羅三藐三
 菩提心善男子汝今諦聽往昔因緣
 過去无量阿僧祇劫今時此界名無
 垢須弥人壽百歲有佛出世号香蓮
 華般涅槃後像法之中我於今時作
 大強力轉輪聖王号難沮壞王閻浮
 提千子具足我悉勸化令發阿耨多
 羅三藐三菩提心其後尋於香蓮華
 佛像法之中出家修道熾然增益佛
 之遺法唯除六子不肯出家發菩提
 心我於今時數數告言卿等今者欲
 何所求何以不發無上道心出家修
 道是時六子作如是言不應出家所
 以者何若於末世像法出家不能成
 就護持戒聚離聖七財以不護戒沒
 於生死汙泥之中墮三惡道不能得
 生天上人中以是因緣我等不能出
 家修道善男子我復重問卿等何以
 不發無上道心六子答言若能與我

閻浮提者然後我當發阿耨多羅三藐三菩提心善男子我聞是已心生歡喜作是思惟我今已化閻浮提人安置三歸受八戒齋住於三乘我今當分此閻浮提以為六分與此六子令其得發無上道心然後我當出家修道思惟是已如其所念分閻浮提即為六分賜與諸子尋便出家亦時六王各相違戾不相承順互相抄掠攻伐鬪諍縛束枷鎖亦時一切閻浮提內苗稼不登人民飢餓水雨不時諸樹枯悴不生華實藥草不生人民禽獸及諸飛鳥悉皆飢餓其身熾然猶如火聚我於今時復自思惟我今應當自捨己身肌體血肉以施眾生令其飽滿作是念已徙其所住阿蘭若處至於人間中路有山名水愛護住是山上復作是願而說偈言

如我自捨 所有身命 為大悲心
不求果報 但為利益 諸天及人
願作肉山 給施眾生 我今所捨
妙色端嚴 不求帝釋 天魔梵王
但為利益 未求人天 以此血肉

施諸眾生 諸天龍神 人及非人 住山林者 今聽我言 為諸眾生 我起大悲 自以血肉 而給施之 善男子我於今時作是願已諸天擡 燒大地諸山須彌大海皆六種動人 天大眾發聲悲號亦時我於水愛護 山自投其身以願力故即成肉山高 一由旬縱廣正等亦一由旬是時人 民飛鳥禽獸始於是時獸肉飲血以 本願故於夜中分增益廣大其身乃 至高千由旬縱廣正等亦千由旬其 邊自然而生人頭髮毛眼耳鼻口脣 舌具足而有彼諸頭中各各有聲而 唱是言諸眾生等各各自恣隨意取 用飲血獸肉取頭目耳鼻脣舌齒等 皆令滿足然後悉發阿耨多羅三藐 三菩提心或發聲聞辟支佛心卿等 當知如是之物悉不可盡食之易消 不夭壽命有明智者食肉飲血取其 頭目耳鼻舌者或發聲聞辟支佛乘 或發阿耨多羅三藐三菩提心或求 天上人中富樂以本願故身无損減 乃至百歲閻浮提內人及鬼神飛鳥

禽獸皆悉充足於百歲中所施目如 一恒河沙所施血如四大海水所捨 肉如千須彌山所捨舌如大鐵圍山 所捨耳如純陀羅山所捨鼻如毗富羅 山所捨齒如耆闍崛山所捨身皮猶 如三千大千世界所有地等善男子 汝今當知我於往昔百歲之中所捨 無量無邊阿僧祇身一壽命中自以 血肉給施如是無量無邊阿僧祇眾 生悉令飽足乃至一念不生悔心我 於今時復作是言若我必定成阿耨 多羅三藐三菩提所願成就得已利 者我今於此一閻浮提百歲之中自 以血肉給施一切無量眾生如是一 恒河沙等百歲遍滿於此無垢須彌 三千大千世界作血肉山一一天下 於百歲中自以血肉頭目耳等給施 眾生所謂天龍鬼神人及非人一切 畜生若在虛空及因地者乃至餓鬼 悉令滿足然後勸化安置住於三乘 法中若遍於此一佛世界滿足眾生 已復至十方如一恒河沙等五濁惡 世復給血肉頭目耳等給施眾生悉

悲花經第九卷 第九張 勸 王集

令充足如是如一恒河沙等大劫之中為衆生故自捨身命以施衆生若我所願不成不得已利者即便欺誑十方世界無量无边諸佛世尊為諸衆生轉法輪者必定不成阿耨多羅三藐三菩提住於生死畢竟不聞佛聲法聲比丘僧聲波羅蜜聲力元畏聲乃至一切諸善根聲若我不能成就捨身布施充足諸衆生者常墮阿鼻地獄善男子我於往昔如是我願皆悉成就於一天下捨身血肉給施衆生悉令飽滿如是次第遍滿十方如恒河沙等諸佛世界捨身血肉給施衆生悉令滿足善男子汝今當知我於余時為檀波羅蜜捨身布施如是次第施於眼目其聚滿此閻浮提內高至忉利天善男子是名如來略說捨身檀波羅蜜復次善男子如是復過無量无边阿僧祇劫余時此界轉名月電亦五濁世我於余時作轉輪聖王王閻浮提号燈光明亦教無量无边阿僧祇人安止住於諸善法中亦如上說作是事已遊在園林

悲花經第九卷 第三張 勸

觀看土地見有一人身被束縛我即問言此何所犯大臣白言諸有田作所得穀麥應為六分一分入官是人不能順王法不肯輸送是故被縛我於余時即勅令放從今已後不須強取大臣答言是人民中乃至無有一人生歡喜心以義送之今諸王子後宮眷屬貴人姝女諸所費用飲食之具一切皆從他邊強取無有一人清淨心與我聞是已心大憂愁即自思惟此閻浮提當持與誰余時我有五百諸子先已令發無上道心當分此地為五百分等與諸子我當出家至阿蘭若處修諸仙法學梵淨行思惟是已尋分此地為五百分等與諸子即便出家至南海邊鬱頭摩樹大林中食諸果子漸漸修學得五神通善男子時閻浮提有五百商人入於大海欲採珍寶有一商主名曰滿月此人先世福德緣故得如所願至於寶者多取種種珍寶已即欲發引還閻浮提余時海神高聲涕哭多有諸龍心懷瞋恚欲害商人有一龍王名

悲花經第九卷 第三張 勸 居

曰馬堅是大菩薩以本願故生於龍中起發悲心救護諸商令得安隱過於大海至彼岸邊龍王然後還本住處余時復有大惡羅刹隨逐商人如影隨形欲為虐害是惡羅刹即於其日放火惡風時諸商人迷悶失道生大怖畏失聲啼哭稱喚諸天摩醯首羅水神地神火神風神復稱父母妻子眷屬願救濟我善男子我於余時以淨天耳聞其音聲尋往其所以柔熨音而慰撫之莫生怖畏當示汝道令汝安隱還閻浮提善男子我於余時白疊縛辟以油灌之然以為炸發真實言我先以於鬱頭摩林三十年中專精修行四無量心為諸衆生食噉果子勸化八万四千諸龍夜叉神等不退轉於阿耨多羅三藐三菩提以是善根因緣今然此辟為示道故令是諸商安隱得還閻浮提中然辟乃至七日七夜此諸商人尋便安隱還閻浮提善男子我於余時復作善願若閻浮提無諸珍寶若我必成阿耨多羅三藐三菩提得已利者當作商主

於一天下七返雨實復入大海。如意珠於一天下復雨種種雜前寶物如是次第遍此世界乃至十方無量無邊阿僧祇諸世界中亦復如是善男子我於往昔諸所發願皆悉成就如恒河沙等大劫中常作無上薩薄之主於恒河沙等五濁惡世雨種種珍寶一日之中十返雨之如是利益無量衆生悉令珍寶得滿足已然後勸化安止令住於三乘中善男子汝今當知即是如來捨諸珍寶為得諸相善根因緣復次善男子如是復過無量無邊阿僧祇劫此佛世界轉名為網劫名知具足其世五濁人民壽命滿五萬歲以本願故生閻浮提婆羅門家字曰須香讀誦外典闍陀章句今時衆生多著常見爭共鬪諍起忿賊想我於今時以強力勢為諸衆生說五受陰猶如怨家說十二入如空聚落說十二緣其性生滅開示分別阿耨婆那令其修學復作是言仁等今者可發無上菩提之心所作善根應生迴向我於是時自然而

得五通神仙今時復有無量無邊阿僧祇人受我教故悉得五通復有無量無邊衆生遠離鬪諍滅除忿憎出家入山食果蘇子晝夜修集四元量心是劫欲盡是諸人等各各分散遊閻浮提教化衆生令離鬪諍除滅忿憎恚使寂靜或有水旱暴風惡雨皆令除滅其地禾粟五穀成熟食噉滋味以劫欲盡衆生復為種種病苦之所纏惱善男子我於今時尋復思惟若我不能除衆生病我則不成阿耨多羅三藐三菩提為諸衆生斷除煩惱我今當以何等方便除衆生病唯有一聚集一切大衆釋天梵天四天王等及諸天仙龍仙人仙問諸醫方合集諸草種種呪術以療衆病思惟是已即以神力至釋天梵天四天王及諸天神龍人仙所作如是言有毗陀山願諸仁等皆共來集今時大衆聞是言已皆悉集集既集已皆共誦持毗陀呪術以是力故能却一切諸惡鬼神擁護衆生復修醫方能治疾瘥風寒冷熱以是因緣令無量無邊阿僧祇人離諸苦惱善男子我於

今時復更作願若我已為此一天下無量衆生作智慧光安止住於三乘法中閉三惡門通天人路除諸病苦令得歡喜復次第為無量無邊阿僧祇人作智慧光乃至歡樂以是善根因緣果報故今我所願皆得成就得已利如我已為此一天下無量無邊阿僧祇人閉三惡道通天人路為諸病者請諸天龍神仙人集毗陀山修毗陀呪令無量無邊阿僧祇人悉得離病受於快樂如是遍滿此網世界利益一切在在處處無量衆生安住三乘閉三惡道通天人路復為如是世界病者請諸天龍神仙人集毗陀山修毗陀呪令此世界無量無邊阿僧祇人悉得離病受於快樂如此世界乃至十方如恒河沙五濁惡世亦復如是善男子我於今時在網世界乃至十方如恒河沙五濁惡世諸所作願皆得成就善男子汝今當知即是如來為菩薩時增益智慧修菩薩道是名如來愛護三業善根種子

悲華經卷第九

癸卯歲高麗國大藏都監奉

勅彫造

悲華經卷第十

北凉天竺三藏曇無讖譯

檀波羅蜜品第五之三

佛告寂意菩薩善男子其後復過無量无邊阿僧祇劫此界轉名選擇諸惡尔時大劫名善等盖世亦五濁東方去此五十四天下彼閻浮提名盧婆羅以願力故生於彼中作轉輪聖王主四天下号虚空淨教諸眾生安住十善及三乘中我於尔時布施一切無所分別是時多有無量乞兒來從我乞種種珍寶金銀琉璃頗梨錢貨青琉璃珠大青琉璃火珠摩尼所有珍寶少不足言乞者無量我於是時即問大臣如是珍寶從何處生大臣答言是諸龍王之所示現雖有此寶惟供聖王不能廣及如是乞者我於尔時作大誓願若我未來於五濁中厚重煩惱人壽百歲必定成阿耨多羅三藐三菩提所願成就得已利者作大龍王示現種種珍寶之藏於此選擇諸惡世界在在處處四天下

駒

中於一天下七返受身一一身中

示現無量百千万億都由他等珍寶之藏一一寶藏縱廣正等一千由旬各各充滿種種珍寶如上所說給施眾生如我在此一世界中精勤用意如是次第遍十方如恒河沙等五濁惡世無佛國土於一一佛土一天下七返受身乃至如上所說善男子我作如是善願尔時天人有百千億在虚空中雨種種華而讚我言善哉善哉一切布施汝今已得如心所願善男子尔時大衆聞虚空淨王諸天作字号一切施聞是事已各各相謂我等今者應往乞求難捨之物若能捨者可得名為一切布施如其不能何得稱為一切施也是時諸人各各從王乞索後宮夫人姝女及兒息等時轉輪王聞是事已心大歡喜隨其所索悉皆與之是時諸人復更相謂如是妻子皆是易捨非難事也今當從王乞身支節若能捨者真可得名能捨一切尔時諸人往大王所於是象中有乞兒字青光明受持狗戒向

轉輪王作如是言大王若是一切施者唯願施我此閻浮提我時聞已心大歡喜尋以香水洗浴其人令著柔軟上妙衣服以水灌頂紹聖王位持閻浮提即以施之復作是願如我以此閻浮提施是因緣故成阿耨多羅三藐三菩提願成就得已利者是閻浮提所有人民皆當承順奉敬此人以為王者復令此人壽命無量作轉輪王我成阿耨多羅三藐三菩提已當與授記一生當得補佛之處有婆羅門名曰盧志復來從我乞其兩足我聞是已心生歡喜即持利刀自斷二足持以施之施已發願願我來世具足當得無上戒足有婆羅門名曰牙復來從我乞索二目我聞是已心生歡喜即挑二目持以與之施已發願願我來世當得具足無上五眼未久之間有婆羅門名淨堅字復來從我乞索二耳我聞是已心生歡喜尋自割耳持以施之施已發願願我來世當得具足無上智耳未久之間有居士名想復來從我乞索男根

我聞是已心生歡喜尋即自割特以施之施已發願願我來世成阿耨多羅三藐三菩提得馬藏相未久之間復有人來從我乞索其身血肉我聞是已心生歡喜即便施之施已發願願我來世具足無上金色之相未久之間有婆羅門名曰蜜味復來從我求索二手我聞是已心生歡喜右手持刀尋斷左手作如是言今此右手不能自割卿自取之作是施已復發願言願我來世具足當得無上信手善男子我截如是諸支節已其身血流復作願言因此施故必定成阿耨多羅三藐三菩提願成就得已利者其餘身分重得受者尔時非聖不知思義諸小王等及諸大臣皆作是言咄哉愚人如何自割身體支節令諸自在一旦滅滅其餘肉搏復何所直是時大臣即持我身送著城外曠野寂間各還所止時有無量蚊蠅等啖食我血狐狼野干鷲鷲之屬悉來啖肉我於尔時命未斷聞心生歡喜復作願言如我捨於一切自在及

諸支節乃至一念不生瞋恚及悔恨心若我所願成就得已利者當令此身作大肉山有諸飲血獸肉眾生悉來至此隨意飲噉作是願已尋有眾生悉來食噉奉願力故其身轉大高千由旬縱廣正等五百由旬滿千歲中以此血肉給施眾生我於尔時所捨舌根奉諸虎狼鴉鷲鷲食之飽足以願力故復生如本假當聚集如昔閻嶠山作是施已復作是願願我來世具足得成廣長舌相善男子我時命終在閻浮提以本願放生於龍中作大龍王名示現實藏即於生夜示現百千億那由他種種寶藏自宣令言今是分中多有寶藏其中具足諸珍異物金銀乃至摩尼寶珠是諸眾生聞是唱已各各自恣取諸寶物隨意所用用已具足行十善道發阿耨多羅三藐三菩提心或發聲聞辟支佛心我於尔時在龍王中七返受身壽命七万七千億那由他百千歲示現無量无边阿僧祇寶藏與諸眾生尔時安住無量无边阿僧祇人於

悲花經第十卷 第一條 駒

三乘中勸令具足行十善道以種種無量珍寶滿眾生已復發願言願我來世具足當得三十二相如是第二天亦復七生作大龍王乃至遍滿選擇世界在在處處諸四天下悉作如是無量利益乃至十方無量無邊無佛世界一一佛界一一天下亦復七生作大龍王壽命七万七千億那由他百千歲示現如是無量無邊阿僧祇寶藏亦復如是善男子汝今當知是謂如來為菩薩時深重精進求三十二相之因緣也善男子如來為菩薩時所行精進除上八人過去世中更無能及若過去無者當知未來諸菩薩等亦復不能如是勤行深重精進如我所行善男子復過無量無邊阿僧祇劫此界轉名珊瑚池劫名華手是時無佛其世五濁我於是中作釋提桓因名善日光明觀閻浮提見諸眾生轉行惡法我時即化為夜叉又像其形可畏下閻浮提住諸人前諸人見我皆生怖畏而問我言欲何所須願速說之我時答言唯須飲食

悲花經第十卷 第一條 駒

更無所須其人復問欲食何等我復答言唯於人噉其血肉汝等若能盡其形壽持不煞戒乃至正見發阿耨多羅三藐三菩提心若發聲聞緣覺心者我即不復食噉汝等善男子我於今時常作化人以供食飲今時眾生見我如是倍生怖畏悉皆盡形受不煞戒乃至正見或發阿耨多羅三藐三菩提心或發聲聞辟支佛心我勸如是閻浮提內一切眾生修行十善住三乘已復作善願若我必成阿耨多羅三藐三菩提願成就得已利者復當勸此四天下人令行十善道乃至遍滿此之世界在在處處四天下中以如是相貌令諸眾生行十善道勸化發於三乘之心如是遍滿一世界已乃至十方無量無邊阿僧祇等五濁惡世無佛國土亦復如是善男子我於今時發是願已一切成就於珊瑚池世界化作可畏夜叉之像調伏眾生令住十善及三乘中如是遍於十方無量無邊阿僧祇等五濁惡世無佛國土作夜叉像調

悲花經第十卷 第一條 駒

伏眾生今行十善住三乘中我於往昔恐怖眾生令行十善住三乘中以此業因緣故今得坐於菩提樹下欲成阿耨多羅三藐三菩提時天魔波旬與諸大眾來至我所欲得壞我我菩提道善男子略說我為菩薩之時檀波羅蜜善男子諸大菩薩甚深法忍微妙持解脫三昧我於今時志未得之唯除二身有漏五通我於今時作此大事今無量無邊阿僧祇人安止住於阿耨多羅三藐三菩提無量無邊阿僧祇人安止住於辟支佛乘無量無邊阿僧祇人安止住於聲聞乘中况復兼得供養諸佛如一佛世界微塵數等一一佛邊所得功德數如大海諸水滂等供養無量聲聞緣覺師長父母五通神仙亦復如是如我昔者為菩薩時自以血肉供給眾生如是大悲今諸羅漢悉無是心悲華經入定三昧門品第六

今時佛告寂意菩薩摩訶薩言善男子如我今者以佛眼見十方世界如一佛土微塵等諸佛世尊般涅槃者

法華經卷第十 第十卷 第十卷

皆志是我昔所勸化初發阿耨多羅三藐三菩提心行檀波羅蜜乃至般若波羅蜜者未來之世亦復如是善男子我今見此東方世界無量无边阿僧祇等諸佛世尊今現在世轉正法輪亦是我昔初勸令發阿耨多羅三藐三菩提心行六波羅蜜者南西北方四維上下亦復如是善男子東方去此八十九億諸佛世界彼有世界名曰善華是有佛号無垢功德光明王如來應正遍知明行足善逝世間解無上士調御丈夫天人師佛世尊今現在為眾生說法彼佛亦是我昔所勸初發阿耨多羅三藐三菩提心令行檀波羅蜜乃至般若波羅蜜東方復有妙樂世界是有佛号阿閼如來復有閻浮世界是有佛号日藏如來復有世界名樂自在是有佛号樂自在音光明如來復有世界名曰安樂是有佛号智日如來復有世界名勝功德是有佛号龍自在如來復有世界名善相是有佛号金剛稱如來復有世界名江海

法華經卷第十 第十卷 第十卷

三是有佛号光明如來復有世界名不受樂是有佛号日藏如來復有世界名離垢光明是有佛号自在稱如來復有世界名山光明是有佛号不可思議三如來復有世界名聚集是有佛号大功德藏如來復有世界名華光明是有佛号光明意相如來復有世界名和熾盛是有佛号安和自在見山王如來復有世界名善地是有佛号知像如來復有世界名曰華晝是有佛号眼淨無垢如來善男子如是東方無量无边阿僧祇等現在諸佛為諸眾生轉法輪者未發無上菩提心時我初勸其令發阿耨多羅三藐三菩提心又復引導將至十方在在處處佛世尊所隨所至處修行安止檀波羅蜜乃至般若波羅蜜使得發阿耨多羅三藐三菩提記亦時東方善華世界元始功德光明三佛師子之座及其大地六種震動有大光明雨於種種妙寶蓮花彼諸菩薩見是事已心生驚疑恠未曾有即白佛言世尊何因緣故如來之座如

法華經卷第十 第十卷 第十卷

是震動我等昔來未曾見是其佛即告諸菩薩言善男子西方去此八十九億諸佛世界彼有國土名曰娑婆是有佛号釋迦牟尼如來今現在為四部眾說本緣法彼佛世尊為菩薩時初勸化我發阿耨多羅三藐三菩提心復引導我至諸佛所初令我行檀波羅蜜乃至般若波羅蜜我於爾時隨所至處即得初受阿耨多羅三藐三菩提記彼佛世尊釋迦牟尼即是我之真吾知識今在西方處在大眾為諸四部說本緣經是彼如來神足力故令我所坐師子座動善男子汝等今者誰能至彼娑婆世界問訊彼佛起居輕利時諸菩薩各白佛言世尊此善華世界諸菩薩等皆得神通於諸菩薩功德自在今日清旦見是大光其光悉從諸佛世界來至於此大地時時六種震動雨種種華見是事已有無量百千万億諸菩薩等欲以神力往娑婆世界見釋迦牟尼佛供養恭敬尊重讚歎并欲諮受解了一切陀羅尼門然各不知娑婆

此經第十一卷 第五卷 第六

第七

世界釋迦牟尼所在方面彼佛尋伺
 金色右臂於五指頭放於種種微妙
 光明其光即照八十九億諸佛國土
 至娑婆世界時諸菩薩因光得見娑
 婆世界有諸菩薩摩訶薩等充滿側
 塞復有諸天龍神輒闍婆阿修羅迦
 樓羅緊鄰羅摩睺羅伽等滿虛空中
 見是事已白佛言世尊我今已得見
 彼世界知其方面并見菩薩諸天大
 眾充滿其土間無空處釋迦如來不
 觀我等說微妙法彼佛告諸菩薩大
 士善男子釋迦如來恒以清淨無上
 佛眼遍觀一切無不見者善男子娑
 婆世界所有眾生在在處處空一一皆
 言釋迦如來獨觀我心為我說法善
 男子彼釋迦如來以一音聲為諸種
 種異類說法眾生各各隨類得解非以
 異音為多人說彼土眾生或事梵天
 見如來身為梵天像而得聞法若事
 魔天釋天日月毗沙門天毗樓羅又
 毗樓博又提頭賴吒摩醯首羅如是
 種類八万四千隨其所事各見其像
 而得聞法生獨為想是時會中有二

此經第十一卷 第六分 第七

第八

菩薩一名羅睺電二名火光明尔時无
 垢功德光明三佛告二菩薩善男子
 汝今可往娑婆世界汝持我聲問訊
 釋迦牟尼世尊起后輕利氣力安不
 時二菩薩即白佛言世尊我見彼佛
 一切世界大眾雲集在地虛空充滿
 側塞其間無有空處之處若我等注
 當住何處時佛告言諸善男子莫作
 是語言彼世界无住處所以者何
 彼所住處寬博無邊彼佛所有无量
 功德不可思議以本願故悲心廣大
 乃令無量諸眾生類入於佛法受三
 歸依然後為說三乘之法復說三戒
 示三脫門復拔無量无邊眾生於三
 惡道安止今住三善道中善男子又
 一時中釋迦如來成無上道未久之
 間為欲調伏諸眾生故在毗陀山因
 室娑羅室七日七夜結加趺坐三昧
 正受入解脫樂佛身尔時遍滿虛空
 聞無空處乃三四寸過七日已十方
 世界有十二那由他菩薩摩訶薩至
 娑婆世界住其山邊欲見釋迦牟尼
 如來供養恭敬尊重讚歎於受妙法

此經第十一卷 第七分 第八

第九

善男子尔時如來於所住處以大神
 足令其室舍寬博無量悉得容受十
 二那由他菩薩摩訶薩諸菩薩等既
 得入已見其室舍廣博嚴事有諸菩
 薩以師子遊戲自在神足供養於佛
 一一菩薩於化寶座而坐聽法善男
 子彼佛神力其事如是是諸菩薩得
 聞法已尋從坐起頭面礼佛右遠三
 匝各各還歸本佛世界其去未久處
 還如故彼四天下第二天主釋提桓
 因名憍尸迦其命將終必定當墮畜
 生道中以是事故心生恐懼與八万
 四千諸切利天俱共來下詣因娑羅
 窟欲見如來時有夜又名曰玉眼即
 其窟神在外而住尔時帝釋以佛力
 故作是思惟今我當使輒闍婆子般
 遮旬先至佛所以妙音聲讚誦如來
 當今世尊從三昧起善男子釋提桓
 因思惟是已即令輒闍婆子般遮旬
 彈琉璃琴以微妙音其音別異有五
 百種以讚如來善男子是般遮旬當讚
 佛時尔時如來即復轉入相三昧中
 以三昧力故於此世界作大神力令

法苑珠林卷第十卷 第十五卷 劫

諸夜叉羅刹剎闍婆阿修羅迦樓羅
緊那羅摩睺羅伽欽色界天悉來聚
集其中若有意聞妙音隨意得開心
大歡喜或有意聞讚歎佛者聞讚歎
已心生歡喜於如來所轉生尊重恭
敬之心或有衆生意聞樂音即得聞
之聞已歡喜亦時釋迦牟尼如來尋
從定起示諸大衆娑羅窟門釋提桓
因尋至佛所頭面礼足却住一面白
佛言世尊我於今者當坐何處時佛
報曰憍尸迦汝之眷屬但入衆集我
今當拓此娑羅窟令極寬博悉使容
受此十二恒河沙等大衆眷屬皆令
得坐亦時釋迦牟尼如來於大衆中
以一妙音敷演正法令八万四千諸
根衆生隨所樂聞衆中或有學聲聞
者聞聲聞法即有九十九億衆生得
須陀洹果若有修學緣覺乘者即便
得聞緣覺之法若有修學大乘法者
純聞大乘乳闍婆子般遮旬等上首
之衆十八那由他得不退轉於阿耨
多羅三藐三菩提未發心者或發無
上菩提之心或發緣覺或發聲聞亦

法苑珠林卷第十卷 第十六卷 劫

時釋提桓因恐怖即除增壽千歲得
須陀洹果善男子釋迦如來以神力
故能作如是廣博无边說法音聲亦
復如是亦無一人能尋彼佛音聲齊
限彼佛方便無量无边所化衆生無
有能知如是方便善男子彼佛色身
亦無量无边無有人能得其身量見
其頂者善男子如是大衆若欲得入
彼佛腹中悉亦容受既入腹已復有
欲得其腹邊者無有是處然如來腹
亦不增減若衆生類皆共和合欲往來
者於一毛中悉無罅闕乃至天眼亦
無能得一毛孔邊其毛孔亦不增不
減彼佛世尊其身如是無量无边善
男子彼佛世界亦無量无边善男子
假使十方如一恒河沙等世界所有
衆生入彼世界亦得容受何以故彼
佛初發菩提心時所作誓願無量无
邊善男子置是一恒河沙等世界衆
生乃至十方千恒河沙等世界衆生
入彼世界亦得容受如其本相不增
不減善男子釋迦如來初發無上菩
提心時欲得具足一切智故發大誓願

法苑珠林卷第十卷 第十七卷 劫

是故今者所得世界無量无边善男
子釋迦牟尼以是四法諸佛世尊所
不能及善男子汝今持此月光明無
垢淨華往於西方如目所見娑婆世
界并持我聲聞說彼佛起居輕利氣
力安不尔時無垢功德光明王佛取
月光無垢淨華與二菩薩而告之曰
汝今乘我大神通力往彼世界尔時
會中有二万菩薩白佛言世尊如是
如是我等今當乘佛神力往彼世界
見釋迦如來供養恭敬尊重讚歎彼
佛告曰善男子汝等宜知是時時二
菩薩與二万大士乘佛神力發善華
界一念之頃忽然來到娑婆世界昔
閻崛山在如來前長跪叉手前白佛
言世尊東方云此八十九億佛之世
界彼有世界名曰善華是中有佛号
無垢功德光明王佛今現在與諸菩
薩摩訶薩等大衆圍繞讚歎世尊無
量功德作如是言娑婆世界有釋迦
牟尼如來今現在為諸大衆轉正法
輪彼佛世尊為善華時初勸化我發
菩提心以是因緣我於尔時尋得發

悲心經第十卷 第十八節

於無上道心我發心已復勸修集六
 波羅蜜乃至如來以是四法諸佛世
 尊所不能及是故彼佛以此月光明
 無垢淨華供養世尊問評如來起居
 輕利氣力安不善男子東方妙樂世
 界阿閼如來所坐之處師子之座亦
 六種動亦有無量諸大菩薩見是事
 已白佛言世尊何因緣故如來所坐
 師子座處如是震動如上所說一切
 東方亦復如是今時東方無量無邊
 阿僧祇等諸大菩薩皆來到此娑婆
 世界悉持月光明無垢淨華見佛供
 養恭敬尊重讚歎善男子如是東方
 無量諸佛皆遣諸菩薩稱讚於我善
 男子我今見此南方去此世界過一
 恒河沙等諸佛國土彼有世界名離
 諸憂是有佛号元憂功德如來今
 現在說法復有世界名閻浮光明是
 中有佛号法自在師子遊戲如來復
 有世界名安須弥是有佛号道自
 在娑羅王如來復有世界名功德捷
 王是有佛号師子吼王如來復有
 世界名珍寶莊嚴是有佛号八辭

悲心經第十卷 第二十一節

勝雷如來復有世界名真珠光明遍
 照是有佛号珍寶藏功德吼如來
 復有世界名天月是有佛号火藏
 如來復有世界名梅檀根是有佛
 号星宿稱如來復有世界名曰稱香
 是有佛号功德力娑羅王如來復
 有世界名曰善釋是有佛号妙音
 自在如來復有世界名頭蘭若是有
 佛号娑羅勝毗婆王如來復有世
 界名月自在是有佛号光明自在
 如來復有世界名善雷音是有佛
 号妙音自在如來復有世界名寶和
 合是有佛号寶掌龍王如來復有
 世界名垂寶樹是有佛号兩音自
 在法月光明如來如是南方無量無
 邊阿僧祇等現在諸佛悉是我昔為
 菩薩時初可勸發菩提心者是諸世尊
 師子座處亦皆震動彼諸佛等亦各
 讚歎我之功德亦遣無量無邊阿僧
 祇等諸大菩薩持月光明無垢淨華
 悉來至此娑婆世界者閻崑崙山見佛
 禮拜供養恭敬尊重讚歎却坐一面
 次第聽法善男子我今復見西方去

悲心經第十卷 第二十二節

此七万七千百千由旬佛之世界彼
 有世界名寂靜是有佛号曰寶山
 今現在為諸四眾說微妙法復有勝
 光無憂佛音智藏佛稱廣佛遍藏佛
 梵華勢進佛法燈勇佛勝音山佛稱
 音王佛梵音王佛如是西方無量無
 邊阿僧祇等諸佛世尊亦是我昔為
 菩薩時初可勸發菩提心者是諸世
 尊師子之座亦皆震動彼諸佛等亦
 各讚歎我之功德亦遣無量無邊阿
 僧祇等諸大菩薩持月光明無垢寶
 華悉來至此娑婆世界者閻崑崙山見
 佛禮拜供養恭敬尊重讚歎却坐一
 面次第聽法東北去此百千由他
 佛世界彼有世界名無垢是有佛
 号離熱惱增毗沙門娑羅王如來有
 二菩薩一名寶山二名光明觀復有
 壞諸魔佛娑羅王佛大力光明佛蓮
 華增佛栴檀佛彌樓王佛堅沉水佛
 大智大力佛如是無量諸佛如來乃
 至北方四維上下皆亦如是今時釋
 迦牟尼如來以大神力為欲容受如
 是眾故即一一變來會者身極令微

細如亭悲經第十卷 第三十二 歷子娑婆世界虛空及地弥

滿側塞間無空處乃至一毛時諸眾生各不相見亦復不見大小諸山須弥山王大小鐵圍二國中間幽冥之處及上諸天所有宮殿下至不見金剛地際唯除一人佛世尊也今時釋迦牟尼如來復入遍虛空斷諸法定意三昧令此無量月光淨華悉入一切身諸毛孔一切大衆悉皆自見今時衆生都不憶念佛色身相唯見毛孔有妙因觀其因觀中有諸寶樹其樹復有種種莖葉華果茂盛種種寶衣天幡幢蓋天冠寶飾真珠瓔珞所有莊嚴辟如西方安樂世界是諸大衆見是事已復作思惟今我當往遊觀彼園今時唯除三惡衆生及無色天其餘所有一切大衆皆從毛孔入如來身處圍而坐今時如來還捨神足時諸大衆各各還得如本相見各相謂言如來今者為在何處今時弥勒菩薩告諸大衆汝等當知我今與汝等恙在如來身分之中今時大衆即見如來身之內外尋自覺知與無

聖大衆集聚共慶如來身中復相謂

言我等為從何處得入誰將導我今入是中弥勒菩薩復告之曰諦聽諦聽如來今者現大神通變化之力復為利益我等大衆將欲說法仁等今當一心專念今時大衆聞是語已長跪合掌受教而聽今時世尊以一切行門而演說法何等名為一切行門出生死淤泥入八聖道具足成就得一切智善男子有十專心發於菩提能入是門何等為十一者欲令衆生志得解脫迴向隨喜故二者發大悲心攝衆生故三者欲度未度精勤修治無上法故四者欲解未解者在嚴觀脫於虛妄顛倒故五者欲師子吼無所畏怖莊嚴觀於諸法性无我故六者欲隨所到一切世界心無分別善學諸法同十喻故七者欲得光明莊嚴世界修治戒聚令清淨故八者成就莊嚴如來十力具足一切波羅蜜故九者成就莊嚴四無所畏如說而作故十者在嚴十八不共之法隨所聞法志得無餘不放逸故是名十

法專心發於无上菩提則能入是一

切行門即得不退無上菩提無相行門智道行門一切法無我心無思惟不生不滅是名菩薩不退轉地以是故非退非不退非斷非常非定非亂說是法時如來腹內八十億恒河沙等菩薩摩訶薩得不退轉於阿耨多羅三藐三菩提不可數菩薩摩訶薩得諸三昧甚深法忍悲從如來身毛孔出心大驚恠歎未曾有即於佛前頭面著地為佛作禮起已忽然各還十方本佛世界復聞釋迦牟尼如來所演音聲過十方無量无边阿僧祇等諸佛世界無諸障闕是諸菩薩雖還彼界續聞如來所演音教章句義味無所減少如在佛前近聽元異身亦如是遍諸十方無量世界亦有無量无边阿僧祇菩薩聲聞亦見毛孔出入無尋如是第二乃至一切一一毛孔出入無尋十方世界亦如是今時大衆從釋迦如來毛孔中出頭面禮佛右繞三匝住於佛前以種種音聲而讚歎佛今時欲界色界諸天兩

悲花經第十卷 第二十四段 勸

種種華塗香末香幢幡瓔珞微妙技樂供養如來亦時會中有一菩薩名無畏等地長跪叉手前白佛言世尊如是大經當名何等云何奉持佛告無畏等地菩薩是經當名解了一切陀羅尼門亦名無量佛亦名大衆亦名授菩薩記亦名四無所畏出現於世亦名一切諸三昧門亦名示現諸佛世界亦名猶如大海亦名無量亦名大悲蓮華無畏等地菩薩摩訶薩復白佛言世尊若有善男子善女人受持是經讀誦通利為他人說乃至一偈得幾所福佛告無畏等地菩薩我已先說所得福德今當為汝更略說之善男子善女人若有受持是經讀誦通利為他人說乃至一偈於後五十歲中乃至有能書寫一偈所得功德勝諸菩薩十大劫中行六波羅蜜何以故諸天魔梵沙門婆羅門夜叉羅刹龍鬼閻婆阿修羅迦樓羅緊那羅摩睺羅伽拘辦茶餓鬼毗舍遮人及非人有瞋恚心者聞是經已即得清淨柔軟歡喜而離諸病忿怒怨賊

悲花經第十卷 第二十五段 勸

種種聞諍消滅一切暴風惡雨病者得愈飢渴者得飽滿受諸快樂和合相順眼恚之者能令忍辱怖畏者无所畏怖受諸歡樂有煩惱者令離煩惱能令善根一切增長能拔惡道所有衆生能示三乘出要之路能得甚深法忍三昧陀羅尼門能與衆生作大利益能坐道場金剛之座能破四魔能示一切助菩提法能轉法輪無聖財者能令具足能令無量无边衆生入無畏城以是因緣能持此經讀誦通利為他人說乃至一偈若後末世五十歲中乃至有能書寫一偈得如是等無量无边福德之聚是故我今說如是經如是大經當付囑誰誰能於後五十歲中護持是法誰能與諸在在處處不退菩薩宣說今聞誰復能為行非法欲惡貪邪見不信善惡有果報者演布是教亦時大衆皆知佛心於時有一大仙夜叉名無怨沸宿坐於衆中亦時弥勒菩薩摩訶薩即從坐起將是夜叉至於佛所是時如來告是夜叉大仙汝今當受是經

悲花經第十卷 第二十六段 勸

乃至末後五十歲中為不退菩薩乃至不信善惡報者演布是教亦時夜叉即白佛言我於過去八十四大劫中以本願故作仙夜叉修行阿耨多羅三藐三菩提時教化無量无边阿僧祇人安止於四無量心復令無量无边衆生不退轉於阿耨多羅三藐三菩提世尊我今當為未來之世一切衆生作擁護故於後末世五十歲中受持是經乃至從他聞四句偈要當讀誦悲令通利流布與人令不斷絕佛說是經已寂意菩薩諸天大衆乳閻婆等人及非人皆大歡喜頭面作禮退坐而去

悲華經卷第十

壬寅歲高麗國大藏都監奉

勅彫造